

春秋公羊傳十一

定公

元年春王

定何以無正月正月者正即位也定無正月者即位後也即位何以後昭公在外得入不得入未可知也曷為未可知在季氏也定哀多微辭主人習其讀而問其傳則未知己之有罪焉爾

三月晉人執宋仲幾于京師

仲幾之罪何不薙城也其言于京師何伯討也伯討則其稱人何貶曷為貶不與大夫專執也曷為不與實與而文不與文曷為不與大夫之義不得專執也

夏六月癸亥公之喪至自乾侯戊辰公即位

癸亥公之喪至自乾侯則曷為於戊辰之日然後即位正棺於兩楹之間然後即位子沈子曰定君之國然後即位即位不日此何以日錄乎

秋 月癸巳葬我君昭公○九月大雩○立煬宮

煬宮者何煬公之宮也立者何立者不宜立也立煬宮非禮也

冬十月實霜殺菽

何以書記異也此災菽也曷為以異書記異大乎災也

二年春王正月○夏五月壬辰雉門及兩觀災

其言雉門及兩觀災何兩觀微也然則曷為不言

雉門災及兩觀主災者兩觀也時災者兩觀則曷為後言之不以微及大也何以書記災也

秋楚人伐吳○冬十月新作雉門及兩觀

其言新作之何修大也修舊不書此何以書譏何譏爾不務乎公室也

三年春王正月公如晉至河乃復○三月辛卯邾婁子穿卒○夏四月○秋葬邾婁莊公○冬仲孫何忌及邾婁子盟于枝

四年春三二月癸巳陳侯吳卒○三月公會劉子晉侯宋公蔡侯衛侯陳子鄭伯許男曹伯莒子邾婁子頓子胡子滕子薛伯杞伯小邾婁子齊國夏于召陵侵楚○夏四月庚辰蔡公孫歸姓帥師滅沈以沈子嘉歸殺之○五月公及諸侯盟于浩油杞伯戊卒于會○六月葬陳惠公○許遷于容城○秋七月公至自會○劉卷卒

劉卷者何天子之大夫也外大夫不卒此何以卒

我主之也

葬杞悼公○楚人圍蔡○晉士鞅衛孔圉帥師伐鮮

虞○葬劉文公

外大夫不書葬此何以書錄我主也

冬十有一月庚午蔡侯以吳子及楚人戰于伯莒楚師敗績

吳何以稱子夷狄也而憂中國其憂中國奈何伍子胥入誅乎楚挾弓而去楚以干闥廬闔廬曰士

之甚勇之甚將為之興師而復讐于楚伍子胥復曰諸侯不為匹夫興師且臣聞之事君猶事父也虧君之義復父之讐臣不為也於是止蔡昭公朝乎楚有美裘焉囊瓦求之昭公不與為是拘昭公於南郢數年然後歸之於其歸焉用事乎河曰天下諸侯苟有能伐楚者寡人請為之前列楚人聞之怒為是興師使囊瓦將而伐蔡蔡請救于吳伍子胥復曰蔡非有罪也楚人為無道君如有憂中

國之心則若時可矣於是興師而救蔡曰事君猶事父也此其為可以復讐奈何曰父不受誅子復讐可也父受誅子復讐推刃之道也復讐不除害朋友相衛而不相迫古之道也

楚囊瓦出奔鄭○庚辰吳入楚

吳何以不稱子反夷狄也其反夷狄奈何君舍於君室大夫舍於大夫室蓋妻楚王之母也

五年春王正月辛亥朔日有食之○夏歸粟于蔡

孰歸之諸侯歸之曷為不言諸侯歸之離至不可得而序故言我也

於越入吳

於越者何越者何於越者未能以其名通也越者能以其名通也

六月丙申季孫隱如卒○秋七月壬子叔孫不敢卒

○冬晉士鞅帥師圍鮮虞

六年春王正月癸亥鄭游遨帥師滅許以許男斯歸

○二月公侵鄭公至自侵鄭○夏季孫斯仲孫何忌
如晉○秋晉人執宋行人樂祁犁○冬城中城○季
孫斯仲孫忌帥師圍運

此仲孫何忌也曷為謂之仲孫忌譏二名二名非
禮也

七年春王正月○夏四月○秋齊侯鄭伯盟于鹹○
齊人執衛行人北宮結以侵衛○齊侯衛侯盟于沙
澤○大雩○齊國夏帥師伐我西鄙○九月大雩○

冬十月

八年春王正月公侵齊公至自侵齊○二月公侵齊
三月公至自侵齊○曹伯露卒○夏齊國夏帥師伐
我西鄙○公會晉師于瓦公至自瓦○秋七月戊辰
陳侯柳卒○晉趙鞅帥師侵鄭遂侵衛○葬曹靖公
○九月葬陳懷公○季孫斯仲孫何忌帥師侵衛○
冬衛侯鄭伯盟于曲濮○從祀先公

從祀者何順祀也文公逆祀去者三人定公順祀

叛者五人

盜竊寶三大弓

盜者孰謂謂陽虎也陽虎者曷為者也季氏之宰也季氏之宰則微者也惡乎得國寶而竊之陽虎專季氏季氏專魯國陽虎拘季孫孟氏與叔孫氏迭而食之賊而斂其板曰某月某日將殺我于蒲圃力能救我則於是至乎日若時而出臨南者陽虎之出也御之於其疾焉季孫謂臨南曰以季氏

之世世有子子可以不免我死乎臨南曰齊乃不足臣何敢不勉陽越者陽虎之從弟也為右諸陽之從者車數十乘至于孟衢臨南投策而墜之陽越下取策臨南駮馬而由乎孟氏陽虎從而射之矢著于莊門然而甲起於琴如弑不成卻反舍于郊皆訖然息或曰弑千乘之主而不克舍此可乎陽虎曰夫孺子得國而已如丈夫何賊曰彼哉彼哉趣駕既駕公斂處父帥師而至懂然後得免

自是走之晉寶者何璋判白弓繡質龜青紉

九年春三正月○夏四月戊申鄭伯蠆卒○得寶玉大弓

何以書國寶之喪之書得之書

六月葬鄭獻公○秋齊侯衛侯次于五氏○秦伯卒

○冬葬秦哀公

十年春王三月及齊平○夏公會齊侯于頰谷公至自頰谷○晉趙鞅帥師圍衛○齊人來歸運詎龜陰

田

齊人曷為來歸運謹龜陰田孔子行乎季孫三月不違齊人為是來歸之

叔孫州仇仲孫何忌帥師圍郕○秋叔孫州仇仲孫

何忌帥師圍費○宋樂世心出奔曹○宋公子池出

奔陳○齊侯衛侯鄭游邀會于鞏○叔孫州仇如

齊○宋公之弟辰暨宋仲佗石彊出奔陳

十有一年春宋公之弟辰及仲佗石彊公子池自陳

入于蕭以叛○夏四月○秋宋樂世心自曹入于蕭
○冬及蒯平叔還如鄭蒞盟

十有二平春薛伯定卒○夏葬薛襄公○叔孫州仇
帥師墮郈○衛公孟彊帥師伐曹○季孫斯仲孫何
忌帥師墮費

曷為帥師墮郈帥師墮費孔子行乎季孫三月不
違曰家不藏甲邑無百雉之城於是帥師墮郈帥
師墮費雉者何五板而堵五堵而雉百雉也

秋大雩○冬十月癸亥公會晉侯盟于黃○十有
月丙寅朔日有食之○公至自黃○十有二月公圍
成公至自圍成

十有三年春齊侯衛侯次于垂瑗○夏築蛇淵圃○
大蒐于比蒲○衛公孟彊帥師伐曹○利晉趙鞅入
于晉陽以叛○冬晉荀寅及士吉射入于朝歌以叛
○晉趙鞅歸于晉

此叛也其言歸何以地正國也其以地正國奈何

晉趙鞅取晉陽之甲以逐荀寅與士吉射荀寅與士吉射者曷為者也君側之惡人也此君側之惡人為為以叛言之無君命也

薛弒其君比

十有四年春衛公叔戌來奔○晉趙陽出奔宋○三月辛巳楚公子結陳公子佗人帥師滅頓以頃子穀歸○夏衛北宮結來奔○五月於越敗吳于醉李吳子光卒○公會齊侯衛侯于堅公至自會○秋齊

宋公會于洮○天王使石尚來歸脤

石尚者何天子之士也脤者何俎實也脤曰脤熟

曰燔

衛世子蒯聵出奔宋○衛公孟彊出奔鄭○宋公之弟辰自蕭來奔○大蒐于比蒲○邾婁子來會公○城莒父及霄

十有五年春王正月邾婁子來朝○鼯鼠入邾牛牛死改卜牛

曷為不言其所食漫也

二月辛丑楚子滅胡以胡子豹歸○夏五月辛亥郊
曷為以夏五月郊三卜之運也

壬申公薨于高寢○鄭駟達帥師伐宋○齊侯衛侯
次于蘧蒨○邾婁子來奔喪

其言來奔喪何奔喪非禮也

秋七月壬申妣氏卒

妣氏者何哀公之母也何以不稱夫人哀未君

八月庚辰朔日有食之○九月滕子來會葬○丁

葬我君定公雨不克葬戊午日下吳乃克葬○辛巳

葬定妣

定妣何以書葬未踰年之君也有子則廟廟則書
葬

冬城漆

春秋公羊傳十二

哀公

元年春王正月公即位○楚子陳侯隨侯許男圍蔡
○鼯鼠食郊牛改卜牛○夏四月辛巳郊○秋齊侯
衛侯伐晉○冬仲孫何忌帥師伐邾婁
二年春王二月季孫斯叔孫州仇仲孫何忌帥師伐
邾婁取瀨東田及沂西田癸巳叔孫州仇仲孫何忌
及邾婁子盟于句繹○夏四月丙子衛侯元子○滕

子來朝○晉趙鞅帥師納衛世子蒯聵于戚
戚者何衛之邑也曷為不言入于衛父有子子不
得有父也

秋八月甲戌晉趙鞅帥師及鄭軒達帥師戰于栗鄭
師敗績○冬十月葬衛靈公○十有一月蔡遷于州
來蔡殺其大夫公子四

三年春齊國夏曷為與衛石曼姑帥師圍戚
齊國夏曷為與衛石曼姑帥師圍戚伯討也此其

為伯討奈何曼姑受命乎靈公而立輒以曼姑之
義為固可以距之也輒者曷為者也蒯聵之子也
然則曷為不立蒯聵而立輒蒯聵為無道靈公遂
蒯聵而立輒然則輒之義可以立乎曰可其可奈
何不以父命辭王父命以王父命辭父命是父之
行乎子也不以家事辭王事以王事辭家事是上
之行乎下也

夏四月甲午地震○五月辛卯桓宮僖宮災

此皆毀廟也其言災何復立也曷為不言其復立
春秋見者不復見也何以不言及敵也何以書記
災也

季孫斯叔孫州仇帥師城開陽○宋樂髡帥師伐曹
○秋七月丙子季孫斯卒○蔡人放其大夫公孫獵
于吳○冬十月癸卯秦伯卒○叔孫州仇仲孫何忌
帥師圍邾婁

四年春王三月庚戌盜殺蔡侯申

弑君賤者窮諸人此其稱盜以弑何賤乎賤者也
賤乎賤者孰謂謂罪人也

蔡公孫辰出奔吳○葬秦惠公○宋人執小邾婁子
○夏蔡殺其大夫公孫歸姓公孫霍○晉人執戎曼
子赤歸于楚

赤者何戎曼子之名也其言歸于楚何子北宮子
曰辟伯晉而京師楚也

城西郭○六月辛丑蒲社災

蒲社者何亡國之社也社者封也其言災何亡國之江蓋揜之揜其上而柴其下蒲社災何以書記災也

秋八月甲寅滕子結卒○冬十有二月葬蔡昭公○葬滕頃公

五年春城比○夏齊侯伐宋○晉趙鞅帥師伐衛○秋九月癸酉齊侯處白卒○冬叔還如齊○閏月葬齊景公

閏不書此何以書喪以閏數也○易為以閏數喪數略也

六年春城邾婁葭○晉趙鞅帥師伐鮮虞○吳伐陳○夏齊國夏及高張來奔○叔還會吳于柤○秋七月庚寅楚子軫卒○齊陽生入于齊齊陳乞弑其君舍

弑而立者不以當國之辭言之此其以當國之辭言之何為諉也此其為諉奈何景公謂陳乞曰吾

欲立舍何如陳乞曰所樂乎為君欲立之則立
之不欲立則不立君如欲立之則臣請立之陽生
謂陳乞曰吾聞子盍將不欲立我也陳乞曰夫千
乘之主將廢正而立不正必殺正者吾不立子者
所以生子者也走矣與之玉節而走之景公死而
舍立陳乞使人迎陽生于諸其家除景公之喪諸
大夫皆在朝陳乞曰常之母有魚鮓之祭願諸大
夫之化我也諸大夫皆曰諾於且皆之陳乞之家
坐陳乞曰吾有所為甲請以示焉諸大夫皆曰諾
於是使力士舉巨囊而至于中霑諸大夫見之皆
色然而駭開之則闖然公子陽生也陳乞曰此君
也已諸大夫不得已皆逡巡北面再拜稽首而君
之爾自是往弑舍

冬仲孫何忌帥師伐邾婁○宋向巢帥師伐曹

七年春宋皇瑗帥師侵鄭○晉魏曼多帥師侵衛○

夏會吳于鄆○秋公伐邾婁八月百入邾婁

邾子益來

「言伐此耳言伐何內辭也使若他人然邾婁子益何以名絕曷為絕之獲也曷為不言其獲內大惡諱也

宋人圍曹○冬鄭駟宏帥師救曹

八年春王正月宋公入曹以曹伯陽歸

曹伯陽何以名絕曷為絕之滅也曷為不言其滅諱同姓之滅也何諱乎同姓之滅力能救之而不

救也

吳伐我○夏齊人取譙及僂

外取邑不書此何以書所以略齊也曷為略齊為以邾婁子益來也

歸邾婁子益于邾婁○秋七月○冬十有二月癸亥

杞伯遫卒○齊人歸譙及僂

九年春王二月莒杞僖公○宋皇瑗帥師取鄭師于

雍

其易奈何詐之也

夏楚伐陳○秋宋公伐鄭○冬十月

十年春三月二月邠與丁益來奔○公會吳伐齊○三

月戊戌齊侯陽生卒○夏宋人伐鄭○晉趙鞅帥師

侵齊○五月公至自伐齊○葬廬淖公○衛公孟彊

自齊歸于衛○薛伯寅卒○秋葬薛惠公○冬楚公

子結帥師伐陳吳救陳

十有一年春齊國書帥師伐我○夏陳袁頌奔鄭

○五月公會吳伐齊甲戌齊國書帥師及吳擊于艾

陵齊師敗績獲齊國書○秋七月辛酉滕子虞母卒

○冬十有一月葬滕隱公○衛叔齊出奔宋

十有二年春用田賦

何以書譏何譏爾譏始用田賦也

夏五月甲辰孟子卒

十者何昭公之夫人也其稱孟子何諱娶同姓

也

○索皋○公會衛侯宋皇瑛于運○宋

第 四伐鄭○冬十有二月蝶

何...記共也何...爾不時也

十有三年春鄭軒達帥師取宋師于岳

其言取之何易也其易奈何詐文也

夏許男戌卒○公晉侯及吳心丁黃池

矣何以稱子吳主會也吳主會則曷為先言晉侯

不與夷狄之主中國也其言及吳子何會伯之

辭也不與夷狄之主中國則曷為以會兩伯之辭

言之重吳也曷為重吳吳在是則天下諸侯莫敢

不至也

楚公子申帥師伐陳○於越入吳○秋公至自會○

晉魏多帥師侵衛

此晉魏曼多也曷...謂之晉魏多譏二名二名非

也

○九月...○冬十有一月有星孛于東

名曰彗星也。言于東方何見于旦也何以言
也。

盜殺陳夏偃夫 ○ 十月二月蠲

十有四年春西狩獲麟

何以書記異也何異爾非中國之獸也然則孰狩
之薪采者也薪采則微者也曷為以狩言之大
之也曷為大之為獲麟大之也曰為為獲麟大之
麟者仁獸也有王者則至無王者則不至有以告

者曰有麇而角者孔子曰孰為來哉孰為來哉反
其拭面涕沾袍顏淵死子曰噫天喪予子路死子
曰噫天祝予西狩獲麟孔子曰吾道窮矣春秋何
以始乎隱祖之所逮聞也所見異辭所聞異辭所
傳聞異辭何以終乎哀十四年曰備矣君子曷為
為春秋撥亂世反誥正莫近諸春秋則未知其為

與其諸君子樂道堯舜之道與末不亦樂乎堯
君子也夫春秋之義以俟後聖以君子

心樂乎此

一

春秋穀梁傳一



隱公

元年春王正月

雖無事必舉正月謹始也公何以不言即位成公志也焉成之言君之不取為公也君之不取為公何也將以讓桓也讓桓正乎曰不正春秋成人之美不成人之惡隱不正而成之何也將以惡桓也其惡桓何也隱將讓桓桓弑之則桓惡矣桓弑而

隱讓則隱善矣善則其不正焉何也春秋貴義而不貴惠信道而不信邪孝子揚父之美不揚父之惡先君之欲與桓非正也邪也雖然既勝其邪心以與隱矣已探先君之邪志而遂以與桓則是成父之惡也兄弟天倫也為子受之父為諸侯受之君已廢天倫而忘君父以行小惠曰小道也若隱者可謂輕千乘之國蹈道則未也

三月公及邾儀父盟于昧

及者何內為志焉爾儀字也父猶傳也男子之美稱也其不言邾子何也邾之上古微未爵命於周也不日其盟渝也昧地名也

夏五月鄭伯克段于鄆

克者何能也何能也能殺也何以不言殺見段之有徒眾也段鄭伯弟也何以知其為弟也殺世子母弟目君以其目君知其為弟也段弟也而弗謂弟公子也而弗謂公子貶之也段失子弟之道矣

賤段而甚鄭伯也何其乎鄭伯甚鄭伯之處心積慮成於殺也于鄆遠也猶曰取之其母之懷中而殺之云爾甚之也然則為鄭伯者宜奈何緩追逸賊親親之道也

秋七月天王使宰咺來歸惠公仲子之賵

母以子氏仲子者何惠公之母孝公之妾也禮賵人之母則可賵人之妾則不可君子以其可辭受之其志不及事也賵者何也乘馬曰賵衣衾曰襚

貝玉曰含錢財曰賵

九月及宋人盟于宿

及者何內卑者也宋人外卑者也卑者之盟不日宿邑名也

冬十有二月祭伯來

來者來朝也其弗謂朝何也靈曰諸侯非有天子之命不得出會諸侯不正其外交故弗與朝也聘弓鉞矢不出竟場束脩之肉不行竟中有至尊者

不貳之也

公子益師卒

大夫日卒正也不日卒惡也

二年春公會戎于潛

會者外為主焉爾知者慮義者行仁者守有此三者然後可以出會會戎危公也

夏五月莒人入向

入者內弗受也向我邑也

無佞帥師入極

入者內弗受也極國也苟焉以入人為志者人亦入之矣不稱氏者滅同姓貶也

秋八月庚辰公及戎盟于唐○九月紀履緌來逆女
逆女親者也使大夫非正也以國氏者為其來交
掛於我故君子進之也

冬十月伯姬歸于紀

禮婦人謂嫁曰歸反曰來歸從人者也婦人在家

制於父既嫁制於夫夫死從長子婦人不專行必
有從也伯姬歸于紀此其如專行之辭何也曰非
專行也吾伯姬歸于紀故志之其不言使何也
逆之道微無足道焉爾

紀子伯莒子盟于密

或曰紀子伯莒子而與之盟或曰年同爵同故紀
子以伯先也

十有二月乙卯夫人子氏薨

夫人薨不地夫人者隱之妻也卒而不書葬夫人
之義從君者也

鄭人伐衛

三年春王二月己巳日有食之

言日不言朔食晦日也其日有食之何也吐者外
壤食者內壤闕然不見其壤有食之者也有內辭
也或外辭也有食之者內於日也其不言食之者
何也知其不可知也

三月庚戌天王崩

高曰崩厚曰崩尊曰崩天子之崩以尊也其崩之何也以其在民上故崩之其不名何也大上故不名也

夏四月辛卯尹氏卒

尹氏者何也天子之大夫也外大夫不卒此何以卒之也於天子之崩為魯主故隱而卒之

秋武氏子來求賻

武氏子者何也天子之大夫也天子之大夫其稱武氏子何也未畢喪孤未爵未爵使之非正也其不言使何也無君也歸死者曰賻歸生者曰賻曰歸之者正也求之者非正也周雖不求魯不可以不歸魯雖不歸周不可以求之求之為言得不得未可知之辭也交譏之

八月庚辰宋公和卒

諸侯曰卒正也

冬十有二月齊侯鄭伯盟于石門○癸未葬宋繆公
日葬故也危不得葬也

四年春王二月莒人伐杞取牟婁

傳曰言伐言取所惡也諸侯相伐取地於是始故
謹而志之也

戊申衛祝吁弑其君完

大夫弑其君以國氏者嫌也弑而代之也

夏公及宋公遇于清

及者內為志焉爾遇者志相得也

宋公陳侯蔡人衛人伐鄭○秋鞏帥師會宋公陳侯
蔡人衛人伐鄭

鞏者何也公子鞏也其不稱公子何也貶之也何
為貶之也與于弑公故貶也

九月衛人殺祝吁于濮

稱人以殺殺有罪也祝吁之挈失嫌也其月謹之
也于濮者譏失賊也

冬十有二月衛人立晉

衛人者衆辭也立者不宜立者也晉之名惡也其稱人以立之何也得衆也得衆則是賢也賢則其曰不宜立何也春秋之義諸侯與正而不與賢也五年春公觀魚于棠

傳曰常事曰視非常曰觀禮尊不親小事卑不尸大功魚卑者之事也公觀之非正也

夏四月葬衛桓公

月葬故也

秋衛師入郕

入者內弗受也郕國也將卑師衆曰師

九月考仲子之宮

考者何也考者成之也成之為夫人也禮庶子為君為其母築宮使公子主其祭也於子祭於孫止仲子者惠公之母隱孫而修之非隱也

初獻六羽

初始也穀梁子曰舞夏天子八佾諸公六佾諸侯四佾初獻六羽始僭樂矣尸子曰舞夏自天子至諸侯皆用八佾初獻六羽始厲樂矣

邾人鄭人伐宋○螟

蟲災也甚則月不甚則時

冬十有二月辛巳公子彊卒

隱不爵命大夫其曰公子彊何也先君之大夫也

宋人伐鄭圍長葛

伐國不言圍邑此其言圍何也久之也伐不踰時戰不逐奔誅不填服芑人民毆牛馬曰侵斬樹木

壞宮室曰伐

六年春鄭人來輸平

輸者墮也平之為言以道成也來輸平者不果成也

夏五月辛酉公會齊侯盟于艾○秋七月○冬宋人取長葛

外取邑不志此其志何也久之也

七年春王三月叔姬歸于紀

其不言逆何也逆之道微無足道焉爾

滕侯卒

滕侯無名少曰世子長曰君狄道也其不正者名也

夏城中邱

城為保民為之也民衆城小則益城益城無極凡

城之志皆譏也

齊侯使其弟年來聘

諸侯之尊弟兄不得以屬通其弟云者以其來接於我舉其貴者也

秋公伐邾○冬天王使凡伯來聘戎伐凡伯于楚邱以歸

凡伯者何也天子之大夫也國而曰伐此一人而曰伐何也大天子之命也戎者衛也戎衛者為其

伐天子之使貶而我之也楚邱衛之邑也以歸猶愈乎執也

八年春宋公衛侯遇于垂

不期而會曰遇遇者志相得也

三月鄭伯使宛來歸郟

名宛所以貶鄭伯惡與地也

庚寅我入郟

入者內弗受也日入惡入者也郟者鄭伯所受命

於天子而祭泰山之邑

夏六月己亥蔡侯考父卒

諸侯日卒正也

辛亥宿男卒

宿微國也未能同盟故男卒也

秋七月庚午宋公齊侯衛侯盟于瓦屋

外盟不日此其日何也諸侯之參盟於是始故謹而日之也誥誓不及五帝盟詛不及三王交質子

不及二伯

八月葬蔡宣公

月葬故也

九月辛卯公及莒人盟于包來

可言公及人不可言公及大夫

螟○冬十有二月無佺卒

無佺之名未有聞焉或曰隱不爵大夫也或說曰故貶之也

九年春天王使南季來聘

南氏姓也季字也聘問也聘諸侯非正也

三月癸酉大雨震電

震雷也電霆也

庚辰大雨雪

志疏數也八日之間再有大變陰陽錯行故謹而日之也兩月志正也

俠卒

俠者所俠也弗大夫者隱不爵大夫也隱之不爵大夫何也曰不成為君也

夏城郎○秋七月

無事焉何以書不遺時也

冬公會齊侯于防

會者外為主焉爾

十年春王二月公會齊侯鄭伯于中邱○夏翬帥師會齊人鄭人伐宋○六月壬戌公敗宋師于菅

內不言戰舉其大者也

辛未取郟辛巳取防

取邑不日此其日何也不正其乘敗人而深為利取二邑故謹而日之也

秋宋人衛人入鄭○宋人蔡人衛人伐載鄭伯伐取之

不正其因人之力而易取之故主其事也

冬十月壬午齊人鄭人入郟

入者內弗受也日入惡入者也邠國也

十有一年春滕侯薛侯來朝

天子無事諸侯相朝正也考禮修德所以尊天子也諸侯來朝時正也植言同時也累數皆至也

夏五月公會鄭伯于時來○秋七月壬午公及齊侯

鄭伯入許○冬十有一月壬辰公薨

公薨不地故也隱之不忍地也其不言葬何也君弑賊不討不書葬以罪下也隱十年無正隱不自

正也元年有正所以正隱也

春秋穀梁傳二

桓公

元年春王

桓無王其曰王何也謹始也其曰無王何也桓弟
弑兄臣弑君天子不能定諸侯不能救百姓不能
去以為無王之道遂可以至焉爾元年有王所以
治桓也

正月公即位

繼故不言即位正也繼故不言即位之為正何也
曰先君不以其道終則子弟不忍即位也繼故而
言即位則是與聞乎弒也繼故而言即位是為與
聞乎弒何也曰先君不以其道終已正即位之道
而即位是無恩於先君也

三月公會鄭伯于垂

會者外為主焉爾

鄭伯以璧假許田

假不言以言以非假也非假而曰假諱易地也禮
天子在上諸侯不得以地相與也無田則無許可
知矣不言許不與許也許田者魯朝宿之邑也邠
者鄭伯之所受命而祭泰山之邑也用見魯之不
朝於周而鄭之不祭泰山也

夏四月丁未公及鄭伯盟于越

及者內為志焉爾越盟地之名也

秋大水

高下有水災曰大水

冬十月

無事焉何以書不遺時也春秋編年四時具而後為年

二年春王正月戊申宋督弑其君與夷

桓無王其曰王何也正與夷之卒也

及其大夫孔父

孔父先死其曰及何也書尊及卑春秋之義也孔

父之先死何也督欲弑君而恐不立於是乎先殺孔父孔父閑也何以知其先殺孔父也曰子既死父不忍稱其名臣既死君不忍稱其名以是知君之累之也孔氏父字諡也或曰其不稱名蓋為祖諱也孔子故宋也

滕子來朝○三月公會齊侯陳侯鄭伯于稷以成宋

亂

以者內為志焉爾公為志乎成是亂也此成矣取

不成事之辭而加之焉於內之惡而君子無遺焉
爾

夏四月取郟大鼎于宋戊申納于大廟

桓內弑其君外成人之亂受賂而退以事其祖非
禮也其道以周公為弗受也郟鼎者郟之所為也
曰宋取之宋也以是為討之鼎也孔子曰名從主
人物從中國故曰郟大鼎也

秋七月紀侯來朝

朝時此其月何也桓內弑其君外成人之亂於是
為齊侯陳侯鄭伯討數日以賂己即是事而朝之
惡之故謹而月之也

蔡侯鄭伯會于鄧○九月入杞

我入之也

公及戎盟于唐○冬公至自唐

桓無會而其致何也遠之也

三年春正月公會齊侯于贏○夏齊侯衛侯胥命于

蒲

胥之為言猶相也相命而信諭謹言而退以是為近古也是必一人先其以相言之何也不以齊侯命衛侯也

六月公會祀侯于郕○秋七月壬辰朔日有食之既言日言朔食正朔也既者盡也有繼之辭也

公子翬如齊逆女

逆女親者也使大夫非正也

九月齊侯送姜氏于謹

禮送女父不下堂母不出祭門諸母兄弟不出闕門父戒之曰謹慎從爾舅之言母戒之曰謹慎從爾姑之言諸母般申之曰謹慎從爾父母之言送女踰竟非禮也

公會齊侯于謹

無譏乎曰為禮也齊侯來也公之逆而會之可也夫人姜氏至自齊

其不言翬之以來何也公親受之于齊侯也子貢曰冕而親迎不已重乎孔子曰合二姓之好以繼萬世之後何謂已重乎

冬齊侯使其弟年來聘○有年

五穀皆熟為有年也

四年春正月公狩于郎

四時之田皆為宗廟之事也春曰田夏曰苗秋曰蒐冬曰狩四時之田用三焉唯其所先得一為乾

豆二為賓客三為充君之庖

夏天王使宰渠伯糾來聘

五年春正月甲戌己丑陳侯鮑卒

鮑卒何為以二日卒之春秋之義信以傳信疑以傳疑陳侯以甲戌之日出己丑之日得不知死之日故舉二日以包也

夏齊侯鄭伯如紀○天王使任叔之子來聘

任叔之子者錄父以使子也故微其君臣而著其

父子不正父在子代仕之辭也

葬陳桓公○城祝邨○秋蔡人衛人陳人從王伐鄭
舉從者之辭也其舉從者之辭何也為天王諱伐
鄭也鄭同姓之國也在于冀州於是乎不服為天子
病矣

大雩○蠡

蠡蟲災也甚則月不甚則時

冬州公如曹

外相如不書此其書何也過我也

六年春正月寔來

寔來者是來也何謂是來謂州公也其謂之是來
何也以其畫我故簡言之也諸侯不以過相朝也

夏四月公會紀侯于邨○秋八月壬午大閱

大閱者何閱兵車也修教明諭國道也平而修戎
事非正也其日以為崇武故謹而日之蓋以觀婦
人也

蔡人殺陳佗

陳佗者陳君也其曰陳佗何也匹夫行故匹夫稱之也其匹夫行奈何陳侯意獵淫獵于蔡與蔡人爭禽蔡人不知其是陳君也而殺之何以知其是陳君也兩下相殺不道其不地於蔡也

九月丁卯子同生

疑故志之時曰同乎人也

冬紀侯來朝

七年春二月己亥焚咸邱

其不言邾咸邱何也疾其以火攻也

夏穀伯綏來朝鄧侯吾離來朝

其名何也失國也失國則其以朝言之何也嘗以諸侯與之接矣雖失國弗損吾異日也

八年春正月己卯烝

烝冬事也春興之志不時也

天王使冢父來聘○夏五月丁丑烝

烝冬事也春夏興之黷祀也志不敬也

秋伐邾○冬十月雨雪○祭公來遂逆王后于紀

其不言使焉何也不正其以宗廟之大事即謀於我故弗與使也遂繼事之辭也其曰遂逆王后故略之也或曰天子無外王命之則成矣

九年春紀季姜歸于京師

為之中者歸之也

夏四月○秋七月○冬曹伯使其世子射姑來朝

朝不言使言使非正也使世子伉諸侯之禮而來朝曹伯失正矣諸侯相見曰朝以待人父之道待人之子以內為失正矣內失正曹伯失正世子可以已矣則是故命也尸子曰夫已多乎道

十年春王正月庚申曹伯終生卒

桓無王其曰王何也正終生之卒也

夏五月葬曹桓公○秋公會衛侯于桃邱弗遇弗遇者志不相得也弗內辭也

冬十有二月丙午齊侯衛侯鄭伯來戰于郎

來戰者前定之戰也內不言戰言戰則敗也不言其人以吾敗也不言及者為內諱也

十有一年春正月齊人衛人鄭人盟于惡曹○夏五月癸未鄭伯寤生卒○秋七月葬鄭莊公○九月宋人執鄭祭仲

宋人者宋公也其曰人何也貶之也

突歸于鄭

曰突賤之也曰歸易辭也祭仲易其事權在祭仲也死君難臣道也今立惡而黜正惡祭仲也

鄭忽出奔衛

鄭忽者世子忽也其名失國也

柔會宋公陳侯蔡叔盟于柝

柔者何吾大夫之未命者也

公會宋公于夫鍾○冬十有二月公會宋公于闕

十有二年春正月○夏六月壬寅公會紀侯莒子盟

于曲池○秋七月丁亥公會宋公燕人盟于穀邱○
八月壬辰陳侯躍卒○公會宋公于虛○冬十有一
月公會宋公于龜○丙戌公會鄭伯盟于武父○丙
戌衛侯晉卒

再稱日決日義也

十有二月及鄭師伐宋丁未戰于宋

非與所與伐戰也不言與鄭戰恥不和也於伐與
戰敗也內諱敗舉其可道者也

十有三年春二月公會紀侯鄭伯己巳及齊侯宋公
衛侯燕人戰齊師宋師衛師燕師敗績

其言及者由內及之也其曰戰者由外言之也戰
稱人敗稱師重衆也其不地於紀也

三月葬衛宣公○夏大水○秋七月○冬十月

十有四年春正月公會鄭伯于曹○無冰

無冰時燠也

夏五鄭伯使其弟禦來盟

諸侯之尊弟兄不得以屬通其弟云者以其來我
舉其貴者也來盟前定也不日前定之盟不日孔
子曰聽遠音者聞其疾而不聞其舒望遠者察其
貌而不察其形立乎定哀以指隱桓隱桓之日遠
矣夏五傳疑也

秋八月壬申御廩災乙亥嘗

御廩之災不志此其志何也以為唯未易災之餘
而嘗可也志不敬也天子親耕以共粢盛王后親

蠶以共祭服國非無良農工女也以為人之所盡
事其祖禰不若以己所自親者也何用見其未易
災之餘而嘗也曰甸粟而內之三宮三宮米而藏
之御廩夫嘗必有兼甸之事焉壬申御廩災乙亥
嘗以為未易災之餘而嘗也

冬十有二月丁巳齊侯祿父卒○宋人以齊人蔡人
衛人陳人伐鄭

以者不以者也民者君之本也使人以其死非正

也

十有五年春二月天王使冢父來求車

古者諸侯時獻于天子以其國之所有故有辭讓而無徵求求車非禮也求金甚矣

三月乙未天王崩○夏四月己巳葬齊僖公○五月

鄭伯突出奔蔡

譏奪正也

鄭世子忽復歸于鄭

反正也

許叔入于許

許叔許之貴者也莫宜乎許叔其曰入何也其歸之道非所以歸也

公會齊侯于高○邾人牟人葛人來朝○秋九月鄭伯突入于櫟○冬十有一月公會宋公衛侯陳侯于

袤伐鄭

地而後伐疑辭也非其疑也

十有六年春正月公會宋公蔡侯衛侯于曹○夏四月公會宋公衛侯陳侯蔡侯伐鄭○秋七月公至自伐鄭

桓無會其致何也危之也

冬城向○十有一月衛侯朔出奔齊

朔之名惡也天子召而不往也

十有七年春正月丙辰公會齊侯紀侯盟于黃○二月丙午及邾儀父盟于趯○夏五月丙午及齊師戰

于郎

內諱敗舉其可道者也不言其人以吾敗也不言及之者為內諱也

六月丁丑蔡侯封人卒○秋八月蔡季自陳歸于蔡

蔡季蔡之貴者也自陳陳有奉馬爾

癸巳葬蔡桓侯○及宋人衛人伐邾○冬十月朔日有食之

言朔不言日食既朔也

十有八年春王正月公會齊侯于濼公與夫人姜氏
遂如齊

濼之會不言及夫人何也以夫人之伉弗稱數也
夏四月丙子公薨于齊

其地於外也薨稱公舉上也

丁酉公之喪至自齊○秋七月○冬十有二月己丑
葬我君桓公

葬我君接上下也君弑賊不討不書葬此其言葬

何也不責踰國而討于是也桓公葬而後舉謚謚
所以成德也於卒事乎加之矣知者慮義者行仁
者守有此三者備然後可以會矣

春秋穀梁傳三

莊公

元年春王正月

繼弑君不言即位正也繼弑君不言即位之為正何也曰先君不以其道終則子不忍即位也

三月夫人孫于齊

孫之為言猶孫也諱奔也接練時錄母之變始人之也不言氏姓貶之也人之於天也以道受命於

人也以言受命不若於道者天絕之也不若於言者人絕之也臣子大受命

夏單伯逆王姬

單伯者何吾大夫之命乎天子者也命大夫故不名也其不言如何也其義不可受於京師也其義不可受於京師何也曰躬君弑於齊使之主婚姻與齊為禮其義固不可受也

秋築王姬之館于外

築禮也于外非禮也築之為禮何也主王姬者必自公門出於廟則已尊於寢則已卑為之築節矣築之外變之正也築之外變之為正何也仇讐之人非所以接婚姻也衰麻非所以接弁冕也其不言齊侯之來逆何也不使齊侯得與吾為禮也

冬十月乙亥陳侯林卒

諸侯日卒正也

王使榮叔來錫桓公命

禮有受命無來錫命錫命非正也生服之死行之禮也生不服死追錫之不正甚矣

王姬歸于齊

為之中者歸之也

齊師遷紀邾鄆

紀國也邾鄆鄆國也或曰遷紀于邾鄆

二年春王二月葬陳莊公○夏公子慶父帥師伐於

餘邱

國而曰伐於餘邱邾之邑也其曰伐何也公子貴矣師重矣而敵人之邑公子病矣病公子所以譏乎公也其一曰君在而重之也

秋七月齊王姬卒

為之主者卒之也

冬十有二月夫人姜氏會齊侯于禚

婦人既嫁不踰竟踰竟非正也婦人不言會言會非正也饗甚矣

乙酉宋公馮卒

三年春王正月溺會齊侯伐衛

溺者何也公子溺也其不稱公子何也惡其會仇讐而伐同姓故貶而名之也

夏四月葬宋莊公

月葬故也

五月葬桓王

傳曰改葬也改葬之禮總舉下緬也或曰卻尸以

求諸侯天子志崩不志葬必其時也何必焉舉天下而葬一人其義不疑也志葬故也危不得葬也曰近不失崩不志崩失天下也獨陰不生獨陽不生獨天不生三合然後生故曰母之子也可天之子也可尊者取尊稱焉卑者取卑稱焉其曰王者民之所歸往也

秋紀季以鄫入于齊

鄫紀之邑也入于齊者以鄫事齊也入者內弗受

也

冬公次于郎

次止也有畏也欲救紀而不能也

四年春王二月夫人姜氏饗齊侯于祝邱

饗甚矣饗齊侯所以病齊侯也

三月紀伯姬卒

外夫人不卒此其言卒何也吾女也適諸侯則尊同以吾為之變卒之也

夏齊侯陳侯鄭伯遇于垂○紀侯大去其國

大去者不遺一人之辭也言民之從者四年而後畢也紀侯賢而齊侯滅之不言滅而曰大去其國者不使小人加乎君子

六月乙丑齊侯葬紀伯姬

外夫人不書葬此其書葬何也吾女也失國故隱而葬之

秋七月○冬公及齊人狩于郟

齊人者齊侯也其曰人何也卑公之敵所以卑公也何為卑公也不復讐而怨不釋刺釋怨也

五年春王正月○夏夫人姜氏如齊師

師而曰如衆也婦人既嫁不踰竟踰竟非禮也

秋郕黎來來朝

郕國也黎來微國之君未爵命者也

冬公會齊人宋人陳人蔡人伐衛

是齊侯宋公也其曰人何也人諸侯所以人公也

其人公何也逆天王之命也

六年春王二月王人子突救衛

王人卑者也稱名貴之也善救衛也救者善則伐者不正矣

夏六月衛侯朔入于衛

其不言伐衛納朔何也不逆天王之命也入者內弗受也何用弗受也為以王命絕之也朔之名惡也朔入逆則出順矣朔出入名以王命絕之也

秋公至自伐衛

惡事不致此其致何也不致則無用見公之惡事之成也

螟○冬齊人來歸衛寶

以齊首之分惡於齊也使之如下齊而來我然惡戰則殺矣

七年春夫人姜氏會齊侯于防

婦人不會會非正也

夏四月辛卯昔恒星不見夜中星隕如雨

恒星者經星也日入至於星出謂之昔不見者可
以見也夜中星隕如雨其隕也如雨是夜中與春
秋著以傳著疑以傳疑中之幾也而曰夜中著焉
爾何用見其中也失變而錄其時則夜中矣其不
曰恒星之隕何也我知恒星之不見而不知其隕
也我見其隕而接於地者則是雨說也著於上見
於下謂之雨著於下不見於上謂之隕豈雨說哉

秋大水

高下有水災曰大水

無麥苗

麥苗同時也

冬夫人姜氏會齊侯于穀

婦人不會會非正也

八年春王正月師次于郎以俟陳人蔡人

次止也俟待也

甲午治兵

出曰治兵習戰也入曰振旅習戰也治兵而陳蔡不至矣兵事以嚴終故曰善陳者不戰此之謂也善為國者不師善師者不陳善陳者不戰善戰者不死善死者不亡

夏師及齊師圍邾邾降于齊師

其曰降于齊師何不使齊師加威於邾也

秋師還

還者事未畢也遊也

冬十有一月癸未齊無知弑其君諸兒

大夫弑其君以國氏者嫌也弑而代之也

九年春齊人殺無知

無知之挈失嫌也稱人以殺大夫殺有罪也

公及齊大夫盟于暨

公不及大夫大夫不名無君也盟納子糾也不日其盟渝也當齊無君制在公矣當可納而不納故

惡內也

夏公伐齊納糾

當可納而不納齊變而後伐故乾時之戰不諱敗惡內也

齊小白入于齊

大夫出奔反以好曰歸以惡曰入齊公孫無知弑襄公公子糾公子小白不能存出亡齊人殺無知而迎公子糾于魯公子小白不讓公子糾先入又

殺之于魯故曰齊小白入于齊惡之也

秋七月丁酉葬齊襄公○八月庚申及齊師戰于乾時我師敗績○九月齊人取子糾殺之

外不言取言取病內也取易辭也猶曰取其子糾而殺之云爾十室之邑可以逃難百室之邑可以隱死以千乘之魯而不能存子糾以公為病矣

冬浚洙

浚洙者深洙也著力不足也

十年春王正月公敗齊師于長勺

不日疑戰也疑戰而曰敗勝內也

二月公侵宋

侵時此其月何也乃深其怨於齊又退侵宋以眾其敵惡之故謹而月之

三月宋人遷宿

遷亡辭也其不地宿不復見也遷者猶未失其國家以往者也

夏六月齊師宋師次于郎

次止也畏我也

公敗宋師于乘邱

不日疑戰也疑戰而曰敗勝內也

秋九月荆敗蔡師于莘以蔡侯獻武歸

荆者楚也何為謂之荆狄之也何為狄之聖人立
必後至天子弱必先叛故曰荆狄之也蔡侯何以
名也絕之也何為絕之獲也中國不言敗此其言

敗何也中國不言敗蔡侯其見獲乎其言敗何也
釋蔡侯之獲也以歸猶愈乎執也

冬十月齊師滅譚譚子奔莒

十有一年春王正月○夏五月戊寅公敗宋師于鄆
內事不言戰舉其大者其日成敗之也宋萬之獲
也

秋宋大水

外災不書此何以書王者之後也高下有水災曰

大水

冬王姬歸于齊

其志過我也

十有二年春王三月紀叔姬歸于鄆

國而曰歸此邑也其曰歸何也吾女也失國喜得其所故言歸焉爾

夏四月○秋八月甲午宋萬弑其君捷

宋萬宋之卑者也卑者以國氏

及其大夫仇牧

以尊及卑也仇牧閑也

冬十月宋萬出奔陳

十有三年春齊人宋人陳人蔡人邾人會于北杏

是齊侯宋公也其曰人何也始疑之何疑焉桓非受命之伯也將以事授之者也曰可矣乎未乎舉人衆之辭也

夏六月齊人滅遂

遂國也其不日微國也

秋七月○冬公會齊侯盟于柯

曹劌之盟也信齊侯也桓盟雖內與不日信也

十有四年春齊人陳人曹人伐宋○夏單伯會伐宋會事之成也

秋七月荆入蔡

荆者楚也其曰荆何也州舉之也州不如國國不如名名不如字

冬單伯會齊侯宋公衛侯鄭伯于鄆

復同會也

十有五年春齊侯宋公陳侯衛侯鄭伯會于鄆

復同會也

夏夫人姜氏如齊

婦人既嫁不踰竟踰竟非禮也

秋宋人齊人邾人伐郕○鄭人侵宋○冬十月

十有六年春王正月○夏宋人齊人衛人伐鄭○秋

荆伐鄭○冬十有二月會齊侯宋公陳侯衛侯鄭伯
許男曹伯滑伯滕子同盟于幽

同者有同也同尊周也不言公外內察一疑之也
邾子克卒

其曰子進之也

十有七年春齊人執鄭詹

人者衆辭也以人執與之辭也鄭詹鄭之卑者卑
者不志此其志何也以其逃來志之也逃來則何

志焉將有其末不得不錄其本也鄭詹鄭之佞人
也

夏齊人殲于遂

殲者盡也然則何為不言遂人盡齊人也無遂之
辭也無遂則何為言遂其猶存遂也存遂奈何曰
齊人滅遂使人戍之遂之因氏飲戍者酒而殺之
齊人殲焉此謂狎敵也

秋鄭詹自齊逃來

逃義曰逃

冬多麋

十有八年春王三月日有食之

不言日不言朔夜食也何以知其夜食也曰王者朝日故雖為天子必有尊也貴為諸侯必有長也故天子朝日諸侯朝朔

夏公追戎于濟西

其不言戎之伐我何也以公之追之不使戎邇於

我也于濟西者大之也何大焉為公之追之也

秋有蚤

一有一亡曰有蚤射人者也

冬十月

十有九年春王正月○夏四月○秋公子結媵陳人之婦于鄆遂及齊侯宋公盟

媵淺事也不志此其志何也辟要盟也何以見其辟要盟也媵禮之輕者也盟國之重也以輕事遂

乎國重無說其曰陳人之婦略之也其不日數渝
惡之也

夫人姜氏如莒

婦人既嫁不踰竟踰竟非正也

冬齊人宋人陳人伐我西鄙

其曰鄙遠之也其遠何也不以難邇我國也

二十年春王二月夫人姜氏如莒

婦人既嫁不踰竟踰竟非正也

夏齊大災

其志以甚也

秋七月○冬齊人伐我

二十有一年春王正月○夏五月辛酉鄭伯突卒○

秋七月戊戌夫人姜氏薨

婦人弗目也

冬十有二月葬鄭厲公

二十有二年春王正月肆大青

肆失也青災也災紀也失故也為嫌天子之葬也
癸丑葬我小君文姜

小君非君也其曰君何也以其為公配可以言小
君也

陳人殺其公子禦寇

言公子而不言大夫公子未命為大夫也其曰公
子何也公子之重視大夫命以執公子

夏五月○秋七月丙申及齊高侯盟于防

不言公高侯仇也

冬公如齊納幣

納幣大夫之事也禮有納采有問名有納徵有告
期四者備而後娶禮也公之親納幣非禮也故譏
之

二十有三年春公至自齊○祭叔來聘

其不言使何也天子之內臣也不正其外交故不
與使也

夏公如齊觀社

常事曰視非常曰觀觀無事之辭也以是為尸女也無事不出竟

公至自齊

公如往時正也致月故也如往月致月有懼焉爾荆人來聘

善累而後進之其曰人何也舉道不待再公及齊侯過于穀

及者內為志焉爾過者志相得也

蕭叔朝公

微國之君未爵命者其不言來於外也朝於廟正也於外非正也

秋丹桓宮楹

禮天子諸侯黝堊大夫倉士黹丹楹非禮也

冬十有一月曹伯射姑卒○十有二月甲寅公會齊侯盟于扈

二十有四年春王三月刻桓宮楠

禮天子之楠斲之礮之加密石焉諸侯之楠斲之礮之大夫斲之士斲本刻楠非正也夫人所以崇宗廟也取非禮與非正而加之於宗廟以飾夫人非正也刻桓宮楠丹桓宮楹斥言桓宮以惡莊也葬曹莊公○夏公如齊逆女

親迎恒事也不志此其志何也不正其親迎於齊也

秋公至自齊

迎者行見諸舍見諸先至非正也

八月丁丑夫人姜氏入

入者內弗受也日入惡入者何用不受也以宗廟弗受也其以宗廟弗受何也娶仇人子弟以薦舍於前其義不可受也

戊寅大夫宗婦覲用幣

覲見也禮大夫不見夫人不言及不正其行婦道

故列數之也男子之贄羔鴈雉脰婦人之贄棗栗
鍛脩用幣非禮也用者不宜用者也大夫國體也
而行婦道惡之故謹而日之也

大水○冬戎侵曹曹羈出奔陳○赤歸于曹郭公

赤蓋郭公也何為名也禮諸侯無外歸之義外歸
非正也

二十有五年春陳侯之女叔來聘
其不名何也天子之命大夫也

夏五月癸丑衛侯朔卒○六月辛未朔日有食之鼓
用牲于社

言日言朔食正朔也鼓禮也用牲非禮也天子救
日置五麾陟五兵五鼓諸侯置三麾陟三鼓三兵
大夫擊門士擊柝言充其陽也

伯姬歸于杞

其不言逆何也逆之道微無足道焉爾

秋大水鼓用牲于社于門

高下有水災曰大水既戒鼓而駭衆用牲可以已矣救日以鼓兵救水以鼓衆

冬公子友如陳

二十有六年春公伐戎○夏公至自伐戎○曹殺其大夫

言大夫而不稱名姓無命大夫也無命大夫而曰大夫賢也為曹豨也

秋公會宋人齊人伐徐○冬十有二月癸亥朔日有

食之

二十有七年春公令杞伯姬于洮○夏六月公會齊侯宋公陳侯鄭伯同盟于幽

同者有同也同尊周也於是而後授之諸侯也其授之諸侯何也齊侯得衆也桓會不致安之也桓盟不日信之也信其信仁其仁衣裳之會十有一未嘗有歃血之盟也信厚也兵車之會四未嘗有大戰也愛民也

秋公子友如陳葬原仲

言葬不言卒不葬者也不葬而曰葬諱出奔也

冬杞伯姬來○莒慶來逆叔姬

諸侯之嫁子於大夫主大夫以與之來者接內也

不正其接內故不與夫婦之稱也

杞伯來朝○公會齊侯于城濮

二十有八年春王三月甲寅齊人伐衛衛人及齊人

戰衛人敗績

於伐與戰安戰也戰衛戰則是師也其曰人何也

微之也何為微之也今授之諸侯而後有侵伐之

事故微之也其人衛何也以其人齊不可不人衛

也衛小齊大其以衛及之何也以其從之可以言

及也其稱人以敗何也不以師敗於人也

夏四月丁未邾子瑱卒○秋荆伐鄭

荆者楚也其曰荆州舉之也

公會齊人宋人救鄭

善救鄭也

冬築微

山林藪澤之利所以與民共也虞之非正也

大無麥禾

大者有顧之辭也於無禾及無麥也

臧孫辰告糴于齊

國無三年之畜曰曰非其國也一年不升告糴諸侯告請也糴糴也不正故舉臧孫辰以為私行也

國無九年之畜曰不足無六年之畜曰急無三年之畜曰國非其國也諸侯無粟諸侯相歸粟正也臧孫辰告糴于齊告然後與之言內之無外交也古者稅什一豐年補敗不外求而上下皆足也雖累凶年民弗病也一年不父而百姓饑君子非之不言如為內諱也

二十九年春新延廩

延廩者法廩也其言新有故也有故則何為書也

古之君人者必時視民之所勤民勤於力則功築
罕民勤於財則貢賦少民勤於食則百事廢矣冬
築微春新延廡以其用民力為已悉矣

夏鄭人侵許○秋有蜚

一有一亡曰有

冬十有二月紀叔姬卒○城諸及防

可城也以大及小也

三十年春王正月○夏師次于成

次止也有畏也欲救鄆而不能也不言公恥不能
救鄆也

秋七月齊人降鄆

降猶下也鄆紀之遺邑也

八月癸亥葬紀叔姬

不日卒而日葬閔紀之亡也

九月庚午朔日有食之鼓用牲于社○冬公及齊侯

遇于魯濟

及者內為志焉爾過者志相得也

齊人伐山戎

齊人者齊侯也其曰人何也愛齊侯乎山戎也其愛之何也桓內無因國外無從諸侯而越千里之險北伐山戎危之也則非之乎善之也何善乎爾燕周之分子也貢職不至山戎為之伐矣

三十有一年春築臺于郎○夏四月薛伯卒○築臺于薛○六月齊侯來獻戎捷

齊侯來獻捷者內齊侯也不言使內與同不言使也獻戎捷軍得曰捷戎菽也

秋築臺于秦

不正罷民三時虞山林藪澤之利且財盡則怨力盡則懟君子危之故謹而志之也或曰倚諸桓也桓外無諸侯之變內無國事越千里之險北伐山戎為燕辟地魯外無諸侯之變內無國事一年罷民三時虞山林藪澤之利惡內也

冬不雨

三十有二年春城小穀○夏宋公齊侯遇于梁邱
遇者志相得也梁邱在曹邾之間去齊八百里非
不能從諸侯而往也辭所遇遇所不遇大齊桓也
秋七月癸巳公子牙卒○八月癸亥公薨于路寢
路寢正寢也寢疾居正寢正也男子不絕于婦人
之手以齊終也

冬十月乙未子般卒

子卒日正也不日故也有所見則日

公子慶父如齊

此奔也其曰如何也諱莫如深深則隱苟有所見
莫如深也

狄伐邢

春秋穀梁傳四



閔公

元年春王正月

繼弒君不言即位正也親之非父也尊之非君也
繼之如君父也者受國焉爾

齊人救邢

善救邢也

夏六月辛酉葬我君莊公

莊公葬而後舉謚謚所以成德也於卒事乎加之矣

秋八月公及齊侯盟于洛姑

盟納季子也

季子來歸

其曰季子貴之也其曰來歸喜之也

冬齊仲孫來

其曰齊仲孫外之也其不目而曰仲孫疏之也其

言齊以累桓也

二年春王正月齊人遷陽○夏五月乙酉吉禘于莊

公

吉禘者不吉者也喪事未畢而舉吉祭故非之也

秋八月辛丑公薨

不地故也其不書葬不以討母葬子也

九月夫人姜氏孫于邾

孫之為言猶孫也諱奔也

公子慶父出奔莒

其曰出絕之也慶父不復見矣

冬齊高子來盟

其曰來喜之也其曰高子貴之也盟立僖公也不言使何也不以齊侯使高子也

十有二月狄入衛○鄭棄其師

惡其救也兼不反其衆則是棄其師也

春秋穀梁傳五

僖公

元年春王正月

繼弒君不言即位正也

齊師宋師曹師次于聶北救邢

救不言次言次非救也非救而曰救何也遂齊侯之意也是齊侯與齊侯也何用見其是齊侯也曹無師曹師者曹伯也其不言曹伯何也以其不言

齊侯不可言曹伯也其不言齊侯何也以其不足乎揚不言齊侯也

夏六月邢遷于夷儀

遷者猶得其國家以往者也其地邢復見也

齊師宋師曹師城邢

是向之師也使之如改事然美齊侯之功也

秋七月戊辰夫人姜氏薨于夷齊人以歸

夫人薨不地地故也不言以喪歸非以喪歸也加

喪焉諱以夫人歸也其以歸薨之也

楚人伐鄭○八月公會齊侯宋公鄭伯曹伯邾人于

櫓○九月公敗邾師于偃

不日疑戰也疑戰而曰敗勝內也

冬十月壬午公子友帥師敗莒師于麗獲莒挈

莒無大夫其曰莒挈何也以吾獲之目之也內不

言獲此其言獲何也惡公子之結結者奈何公子

友謂莒挈曰吾二人不相說士卒何罪屏左右而

相搏公子友處下左右曰孟勞孟勞者魯之寶刀也公子友以殺之然則何以惡乎紿也曰棄師之道也

十有二月丁巳夫人氏之喪至自齊

其不言姜以其殺二子貶之也或曰為齊桓諱殺同姓也

二年春正月城楚邱

楚邱者何衛邑也國而曰城此邑也其曰城何也

封衛也則其不言城衛何也衛未遷也其不言衛之遷馬何也不與齊侯專封也其言城之者專辭也故非天子不得專封諸侯諸侯不得專封諸侯雖通其仁以義而不與也故曰仁不勝道

夏五月辛巳葬我小君哀姜○虞師晉師滅夏陽

非國而曰滅重夏陽也虞無師其曰師何也以其先晉不可以不言師也其先晉何也為主乎滅夏陽也夏陽者虞虢之塞邑也滅夏陽而虞虢舉矣

虞之為主乎滅夏陽何也晉獻公欲伐虢荀息曰君何不以屈產之乘垂棘之璧而借道乎虞也公曰此晉國之寶也如受吾幣而不借吾道則如之何荀息曰此小國之所以事大國也彼不借吾道必不敢受吾幣如受吾幣而借吾道則是我取之中府而藏之外府取之中廩而置之外廩也公曰宮之奇存焉必不使受之也荀息曰宮之奇之為人也達心而懦又少長於君達心則其言略懦則不能彊諫長於君則君輕之且夫玩好在耳目之前而患在一國之後此中知以上乃能慮之臣料虞君中知以下也公遂借道而伐虢宮之奇諫曰晉國之使者其辭卑而幣重必不便於虞虞公弗聽遂受其幣而借之道宮之奇諫曰語曰晉亡則齒寒其斯之謂與挈其妻子以奔曹獻公亡虢五年而後舉虞荀息牽馬操璧而前曰璧則猶是也而馬齒加長矣

秋九月齊侯宋公江人黃人盟于貫

貫之盟不期而至者江人黃人也江人黃人者遠

國之辭也中國稱齊宋遠國稱江黃以為諸侯皆

來至也

冬十月不雨

不雨者勤雨也

楚人侵鄭

三年春王正月不雨

不正其踰而執也

秋及活從黃人伐陳

不言其人及之者何內師也

八月公至自伐楚

有二事偶則以後事致後事小則以先事致其以

伐楚致大伐楚也

葬許穆公○冬十有二月公孫茲帥師會齊人宋人

衛人鄭人許人曹人侵陳

五年春晉侯殺其世子申生

目晉侯斥殺惡晉侯也

杞伯姬來朝其子

婦人既嫁不踰竟踰竟非正也諸侯相見曰朝伯姬為志乎朝其子也伯姬為志乎朝其子則是杞伯失夫之道矣諸侯相見曰朝以待人父之道待人之子非正也故曰杞伯姬來朝其子參譏也

夏公孫茲如齊○公及齊侯宋公陳侯衛侯鄭伯許

不雨者勤丁也

夏四月不雨

一時言不雨者閔雨也閔雨者有志乎民者也

徐人取舒○六月雨

雨云者喜雨也喜雨者有志乎民者也

秋齊侯宋公江人黃人會于陽穀

陽穀之會桓公委端搢笏而朝諸侯諸侯皆諭乎

桓公之志

冬公子季友如齊莅盟

莅者位也其不日前定也不言及者以國與之也不言其人亦以國與之也

楚人伐鄭

四年春王正月公會齊侯宋公陳侯衛侯鄭伯許男曹伯侵蔡蔡潰

潰之為言上下不相得也侵淺事也侵蔡而蔡潰以桓公為矢所侵也不土其地不分其民明正也

遂伐楚以平之

遂繼事也次止也

夏許男新臣卒

諸侯死於國不地死於外地死於師何為不地內桓師也

楚屈完來盟于師盟于召陵

楚無大夫其曰屈完何也以其來會桓成之為大夫也其不言使權在屈完也則是正乎曰非正也

以其來會諸侯重之也來者何內桓師也于師前
定也于召陵得志乎桓公也得志者不得志也以
桓公得志為僅矣屈完曰大國之以兵向楚何也
桓公曰昭王南征不反菁茅之貢不至故周室不
祭屈完曰菁茅之貢不至則諾昭王南征不反我
將問諸江

齊人執陳袁濤塗

齊人者齊侯也其人之何也於是哆然外齊侯也

男曹伯會三子于首戴

及以會尊之也何尊焉王世子云者唯王之貳也
云可以重之存焉尊之也何重焉天子世子世天
下也

秋八月諸侯盟于首戴

無中事而復舉諸侯何也尊王世子而不敢與盟
也尊則其不敢與盟何也盟者不相信也故謹信
也不敢以所不信而加之尊者桓諸侯也不能朝

天子是不臣也王世子子也塊然受諸侯之尊己而立乎其位是不子也桓不臣王世子不子則其所善焉何也是則變之正也天子微諸侯不享覲桓控大國扶小國統諸侯不能以朝天子亦不敢致天王尊王世子于首戴乃所以尊天王之命也世子含王命會齊桓亦所以尊天王之命也世子受之可乎是亦變之正也天子微諸侯不享覲世子受諸侯之尊己而天王尊矣世子受之可也

鄭伯逃歸不立

以其去諸侯故逃之也

楚人滅弦弦子奔黃

弦國也其不日微國也

九月戊申朔日有食之○冬晉人執虞公

執不言所於地緼於晉也其曰公何也猶曰其下執之之辭也其猶下執之之辭何也晉命行乎虞民矣虞虢之相救非相為賜也今日亡虢而明日

亡虞矣

六年春王正月○夏公會齊侯宋公陳侯衛侯曹伯
伐鄭圍新城

伐國不言圍邑此其言圍何也病鄭也著鄭伯之
罪也

秋楚人圍許諸侯遂救許

善救許也

冬公至自伐莫

其不以救許致何也大伐鄭也

七年春齊人伐鄭○夏小邾子來朝○鄭殺其大夫
申侯

稱國以殺大夫殺無罪也

秋七月公會齊侯宋公陳世子款鄭世子華盟于寧
母

衣裳之會也

曹伯班卒○公子友如齊○冬葬曹昭公

八年春王正月公會王人齊侯宋公衛侯許男曹伯
陳世子款盟于洮

王人之先諸侯何也貴王命也朝服雖敝必加於
上弁冕雖舊必加於首周室雖衰必先諸侯兵車
之會也

鄭伯乞盟

以向之逃歸乞之也乞者重辭也重是盟也乞者
處其所而請與也蓋洵之也

夏狄伐晉○六月禘于大廟用致夫人

用者不宜用者也致者不宜致者也言夫人必以
其氏姓言夫人而不以氏姓非夫人也立妾之辭
也非正也夫人之我可以不夫人之乎夫人卒葬
之我可以不卒葬之乎一則以宗廟臨之而後貶
焉一則以外之弗夫人而見正焉

冬十有二月丁未天王崩

九年春王三月丁丑宋公禦說卒○夏公會宰周公

齊侯宋子衛侯鄭伯許男曹伯于葵邱

天子之宰通于四海宋其稱子何也未葬之辭也
禮桓在堂上孤無外事今背殯而出會以宋子為
無哀矣

秋七月乙酉伯姬卒

內女也未適人不卒此何以卒也許嫁笄而字之
死則以成人之喪治之

九月戊辰諸侯盟于葵邱

桓盟不日此何以日美之也為見天子之禁故備
之也葵邱之盟陳牲而不殺讀書加于牲上壹明
天子之禁曰毋雍泉毋訖糴毋易樹子毋以妾為
妻毋使婦人與國事

甲子晉侯詭諸卒○冬晉里克殺其君之子奚齊
其君之子云者國人不子也國人不子何也不正
其殺世子申生而立之也

十年春王正月公如齊○狄滅溫溫子奔衛○晉里

克弑其君卓及其大夫荀息

以尊及卑也荀息閑也

夏齊侯許男伐北戎○晉殺其大夫里克

稱國以殺罪累上也里克弑二君與一大夫其以累上之辭言之何也其殺之不以其罪也其殺之不以其罪奈何里克所為弑者為重耳也夷吾曰是又將殺我乎故殺之不以其罪也其為重耳弑奈何晉獻公伐虢得麗姬獻公私之有二子長曰

奚齊註曰卓子麗姬欲為亂故謂君曰吾夜者夢夫人趨而來曰吾苦畏胡不使大夫將衛士而衛冢乎公曰孰可使曰臣莫尊於世子則世子可故君謂世子曰麗姬夢夫人趨而來曰吾苦畏女其將衛士而往衛冢乎世子曰敬諾築宮宮成麗姬又曰吾夜者夢夫人趨而來曰吾苦饑世子之宮已成則何為不使祠也故獻公謂世子曰其祠世子祠已祠致福於君君田而不在麗姬以醎為酒

藥脯以毒獻公田來麗姬曰世子已祠故致福於君君將食麗姬跪曰食自外來者不可不試也覆酒於地而地賁以脯與犬犬死麗姬下堂而啼呼曰天乎天乎國子之國也子何遲於為君君喟然歎曰吾與女未有過切是何與我之深也使人謂世子曰爾其圖之世子之傅里克謂世子曰入自明入自明則可以生不入自明則不可以生世子曰吾君已老矣已昏矣若此而入自明明則麗姬必死麗姬死則吾君不安所以使吾君不安者吾不若自死吾寧自殺以安吾君以重耳為寄矣刎脰而死以里克所為弑者為重耳也夷吾曰是又將殺我也

秋七月○冬大雨雪

十有一年春晉殺其大夫平鄭父

稱國以殺罪累上也

夏公及夫人姜氏會齊侯于陽穀○秋八月大雩

雩月正也雩得雨曰雩不得雨曰旱

冬楚人伐黃

十有二年春王正月庚午日有食之○夏楚人滅黃
貫之盟管仲曰江黃遠齊而近楚楚為利之國也
若伐而不能救則無以宗諸侯矣桓公不聽遂與
之盟管仲死楚伐江滅黃桓公不能救故君子閔
之也

秋七月○冬十有二月丁丑陳侯杵臼卒

十有三年春秋侵衛○夏四月葬陳宣公○公會齊
侯宋公陳侯衛侯鄭伯許男曹伯于鹹

兵車之會也

秋九月大雩○冬公子友如齊

十有四年春諸侯城緣陵

其曰諸侯散辭也聚而曰散何也諸侯城有散辭
也桓德衰矣

夏六月季姬及繒子過于防使繒子來朝

遇者同謀也來朝者來請己也朝不言使言使非正也以病繒子也

秋八月辛卯沙鹿崩

林屬於山為鹿沙山名也無崩道而崩故志之也其日重其變也

狄侵鄭○冬蔡侯貶卒

諸侯時卒惡之也

十有五年春王正月公如齊○楚人伐徐○三月公

會齊侯宋公陳侯衛侯鄭伯許男曹伯盟于牡邱

兵車之會也

遂次于匡

遂繼事也次止也有畏也

公孫敖帥師及諸侯之大夫救徐

善救徐也

夏五月日有食之○秋七月齊師曹師伐厲○八月

蝨

蝨蟲災也甚則月不甚則時

九月公至自會○季姬歸于繒○己卯晦震夷伯之

廟

晦冥也震雷也夷伯魯大夫也因此以見天子至
于士皆有廟天子七廟諸侯五大夫三士二故德
厚者流光德薄者流卑是以貴始德之本也始封
必為祖

冬宋人伐曹○楚人敗徐于婁林

夷狄相敗志也

十有一月壬戌晉侯及秦伯戰于韓獲晉侯

韓之戰晉侯失民矣以其民未敗而君獲也

十有六年春王正月戊申朔隕石于宋五

先隕而後石何也隕而後石也于宋四竟之內曰
宋後數散辭也耳治也

是月六鷗退飛過宋都

是月者決不日而月也六鷗退飛過宋都先數聚

辭也目治也子曰石無知之物鵙微有知之物石無知故日之鵙微有知之物故月之君子之於物無所苟而已石鵙且猶盡其辭而况於人乎故五石六鵙之辭不設則王道不亢矣民所聚曰都三月壬申公子季友卒大夫日平正也稱公弟叔仲賢也大夫不言公子公孫疏之也

夏四月丙申繒季姬卒○秋七月甲子公孫茲卒

大夫日卒正也

冬十有二月公會齊侯宋公陳侯衛侯鄭伯許男邢侯曹伯于淮

兵車之會也

十有七年春齊人徐人伐英氏○夏滅項

孰滅之桓公也何以不言桓公也為賢者諱也項國也不可滅而滅之乎桓公知項之可滅也而不知己之不可以滅也既滅人之國矣何賢乎君子

惡惡疾其始善善樂其終桓公嘗有存亡繼絕之功故君子為之諱也

秋夫人姜氏會齊侯于卞○九月公至自會○冬十有二月乙亥齊侯小白卒

此不正其日之何也其不正前見矣其不正之前見何也以不正入虛國故稱嫌焉爾

十有八年春宋公曹伯衛人邾人伐齊

非伐喪也

夏師救齊

善救齊也

五月戊寅宋師及齊師戰于贏齊師敗績

戰不言伐客不言及言及惡宋也

狄救齊

善救齊也

秋八月丁亥葬齊桓公○冬邢人狄人伐衛

狄其稱人何也善累而後進之伐衛所以救齊也

功近而德遠矣

十有九年春王三月宋人執滕子嬰齊○夏六月宋公曹人邾人盟于曹南繒子會盟于邾己酉邾人執繒子用之

微國之君因邾以求與之盟人因己以求與之盟己迎而執之惡之故謹而日之也用之者叩其鼻以衄社也

秋宋人圍曹○衛人伐邢○冬會陳人蔡人楚人鄭人盟于齊○梁亡

自亡也洩於酒淫於色心昏耳目塞上無正長之治大臣背叛民為寇盜梁亡自亡也如加力役焉洩不足道也梁亡鄭棄其師我無加損焉正名而已矣梁亡出惡正也鄭棄其師惡其長也

二十年春新作南門

作為也有加其度也言新有故也非作也南門者法門也

夏郟子來朝○五月乙巳西宮災

謂之新宮則近為禰宮以謚言之則如疏之然以是為閔宮也

鄭人入滑○秋齊人狄人盟于邢

邢為主焉爾邢小其為主何也其為主乎救齊

冬楚人伐隨

隨國也

二十有一年春秋侵衛○宋人齊人楚人盟于鹿上

○夏大旱

旱時正也

秋宋公楚子陳侯蔡侯鄭伯許男曹伯會于雩執宋公以伐宋

以重辭也

冬公伐邾○楚人使宜申來獻捷

捷軍得也其不曰宋捷何也不與楚捷於宋也

十有二月癸丑公會諸侯盟于薄釋宋公

會者外為主焉爾外釋不志此其志何也以公之
與之盟目之也不言楚不與楚專釋也

二十二年春公伐邾取須句○夏宋公衛侯許男滕
子伐鄭○秋八月丁未及邾人戰于升陘

內諱敗舉其可道者也不言其人以吾敗也不言
及之者為內諱也

冬十有一月己巳朔宋公及楚人戰于泓宋師敗績
日事遇朔曰朔春秋三十有四戰未有以尊敗乎

卑以師敗乎人者也以尊敗乎卑以師敗乎人則
驕其敵襄公以師敗乎人而不驕其敵何也責之
也泓之戰以為復雩之恥也雩之恥宋襄公有以
自取之伐齊之喪執滕子圍曹為雩之會不顧其
力之不足而致楚成王成王怒而執之故曰禮人
而不答則反其敬愛人而不親則反其仁治人而
不治則反其知過而不改又之是謂之過襄公之
謂也古者被甲嬰冑非以興國也則以征無道也

豈曰以報其恥哉宋公與楚人戰于泓水之上司馬子反曰楚衆我少鼓險而擊之勝無幸焉襄公曰君子不推人危不攻人厄須其出既出旌亂於上陳亂於下子反曰楚衆我少擊之勝無幸焉襄公曰不鼓不成列須其成列而後擊之則衆敗而身傷焉七月而死倍則攻敵則戰少則守人之所以為人老言也人而不能言何以為人言之所以為言者信也言而不信何以為言信之所以為信也

者道也信而不道何以為信道之貴者時其行勢也

二十有三年春齊侯伐宋圍閔

伐國不言圍邑此其言圍何也不正其以惡報惡也

夏五月庚寅宋公茲父卒

茲父之不葬何也失民也其失民何也以其不教民戰則是棄其師也為人君而棄其師其民孰以

為君哉

秋楚人伐陳○冬十有一月杞子卒

二十有四年春王正月○夏狄伐鄭○秋七月○冬

天王出居于鄭

天子無出出失天下也居者居其所也雖失天下
莫敢有也

晉侯夷吾卒

二十五年春王正月丙午衛侯燬滅邢

燬之名何也不正其伐本而滅同姓也

夏四月癸酉衛侯燬卒○宋蕩伯姬來逆婦

婦人既嫁不踰竟宋蕩伯姬來逆婦非正也其曰
婦何也緣姑言之之辭也

宋殺其大夫

其不稱名姓以其在祖之位尊之也

秋楚人圍陳納頓子于頓

納者內弗受也圍一事也納一事也而遂言之蓋

納頓子者陳也

葬衛文公○冬十有二月癸亥公會衛子莒慶盟于洮

莒無大夫其曰莒慶何也以公之會目之也

二十有六年春王正月己未公會莒子衛甯速盟于向

公不會大夫其曰甯速何也以其隨莒子可以言會也

齊人侵我西鄙公追齊師至舊弗及

人微考也侵淺事也公之追之非正也至舊急辭也弗及者弗與也可以及而不敢及也其侵也曰人其追也曰師以公之弗及大之也弗及內辭也夏齊人伐我北鄙○衛人伐齊○公子遂如楚乞師乞重辭也何重焉重人之死也非所乞也師出不必反戰不必勝故重之也

秋楚人滅夔以夔子歸

夔國也不日微國也以歸猶愈乎執也

冬楚人伐宋圍閔

伐國不言圍邑此其言圍何也以吾用其師目其事也非道用師也

公以楚師伐齊取穀

以者不以者也民者君之本也使民以其死非其正也

公至自伐齊

惡事不致此其致之何也危之也

二十有二年春杞子來朝○夏六月庚寅齊侯昭卒

○秋八月乙未葬齊孝公○乙巳公子遂帥師入杞

○冬楚人陳侯蔡侯鄭伯許男圍宋

楚人者楚子也其曰人何也人楚子所以人諸侯也其人諸侯何也不正其信夷狄而伐中國也

十有二月甲戌公會諸侯盟于宋

二十有八年春晉侯侵曹晉侯伐衛

再稱晉侯忌也

公子買戍衛不卒戍刺之

先名後刺殺有罪也公子啓曰不卒戍者可以卒也也可以卒而不卒譏在公子也刺之可也

楚人救衛○三月丙午晉侯入曹執曹伯畀宋人入者內弗受也日入惡入者也以晉侯而斥執曹伯惡晉侯也畀與也其日人何也不以晉侯畀宋公也

夏四月己巳晉侯齊師宋師秦師及楚人戰于城濮
楚師敗績楚殺其大夫得臣衛侯出奔楚○五月癸丑公會晉侯齊侯宋公蔡侯鄭伯衛子莒子盟于踐土

諱會天王也

陳侯如會

如會外乎會也於會受命也

公朝于王所

朝不言所言所者非其所也

六月衛侯鄭自楚復歸于衛

自楚楚有奉焉爾復者復中國也歸者歸其所也
鄭之名失國也

衛元咺出奔晉○陳侯款卒○秋杞伯姬來○公子
遂如齊○冬公會晉侯宋公蔡侯鄭伯陳子莒子邾
子秦人于温

諱會天王也

天王守于河陽

全天王之行也為若將守而過諸侯之朝也為天
王諱也水北為陽山南為陽温河陽也

壬申公朝於王所

朝于廟禮也于外非禮也獨公朝與諸侯盡朝也
其日以其再致天子故謹而日之主善以內目惡
以外言曰公朝逆辭也而尊天子會于温言小諸
侯温河北地以河陽言之大天子也日繫於月月

繫於時壬申公朝于王所其不月失其所繫也以
為晉文公之行事為已慎矣

晉人執衛侯歸之于京師

此入而執其不言入何也不外王命於衛也歸之
于京師緩辭也斷在京師也

衛元咺自晉復歸于衛

自晉晉有奉焉爾復者復中國也歸者歸其所也
諸侯遂圍許

遂繼事也

曹伯襄復歸于曹

復者復中國也天子免之因與之會其曰復通王
命也

遂會諸侯圍許

遂繼事也

二十有九年春介葛盧來

介國也葛盧微國之君未爵者也其曰來卑也

公至自圍許○夏六月公會王人晉人宋人齊人陳人蔡人秦人盟于翟泉○秋大雨雹○冬介葛盧來
三十年春王正月○夏狄侵齊○秋衛殺其大夫元
咺

稱國以殺罪累上也以是為訟君也衛侯在外其
以累上之辭言之何也待其殺而後入也

及公子瑕

公子瑕累也以尊及卑也

衛侯鄭歸于衛○晉人秦人圍鄭○介人侵蕭○冬
天王使宰周公來聘

天子之宰通于四海

公子遂如京師遂如晉

以尊遂乎卑此言不敢叛京師也

三十有一年春取濟西田○公子遂如晉○夏四月
四卜郊不從乃免牲猶三望

夏四月不時也四卜非禮也免牲者為之緇衣熏

裳有司元端奉送至于南郊免乎亦然乃者亡乎
人之辭也猶者可以已之辭也

秋七月○冬杞伯姬來求婦

婦人既嫁不踰竟杞伯姬來求婦非正也

狄圍衛○十有二月衛遷於帝邱

三十有二年春王正月○夏四月己丑鄭伯捷卒○

衛人侵狄○秋衛人及狄盟○冬十有二月己卯晉

侯重耳卒

三十有三年春王二月秦人入滑

滑國也

齊侯使國歸父來聘○夏四月辛巳晉人及姜戎敗

秦師于殽

不言戰而言敗何也狄秦也其狄之何也秦越千

里之險入虛國進不能守退敗其師徒亂人子女

之教無男女之別秦之為狄自殽之戰始也秦伯

將襲鄭百里子與蹇叔子諫曰千里而襲人未有

不亡者也秦伯曰子之冢木已拱矣何知師行百
里子與蹇叔子送其子而戒之曰女死必於穀之
巖陰之下我將尸女於是師行百里子與蹇叔子
隨其子而哭之秦伯怒曰何為哭吾師也二子曰
非敢哭師也哭吾子也我老矣彼不死則我死矣
晉人與姜戎要而擊之殺匹馬倚輪無反者晉人
者晉子也其曰人何也微之也何為微之不正其
釋死而主乎戰也

癸巳葬晉文公

日葬危不得葬也

狄侵齊○公伐邾取訾樓○秋公子遂帥師伐邾○
晉人敗狄于箕○冬十月公如齊十有二月公至自
齊○乙巳公薨于小寢

小寢非正也

隕霜不殺草

未可殺而殺舉重也可殺而不殺舉輕也

李梅實

實之為言猶實也

晉人陳人鄭人伐許

春秋穀梁傳六

文公

元年春王正月公即位

繼正即位正也

二月癸亥日有食之○天王使叔服來會葬

葬曰會其志重天子之禮也

夏四月丁巳葬我君僖公

薨稱公舉上也葬我君接上下也僖公葬而後舉

謚謚所以成德也於卒事乎加之矣

天王使毛伯來錫公命

禮有受命無來錫命錫命非正也

晉侯伐衛○叔孫得臣如京師○衛人伐晉○秋公

孫教會晉侯于戚○冬十月丁未楚世子商臣弑其

君鬯

日鬯之卒所以謹商臣之弑也夷狄不言正不正

公孫敖如齊

二年春王二月甲子晉侯及秦師戰于彭衙秦師敗

績○丁丑作僖公主

作為也為僖公主也立主喪主於虞吉主於練作

僖公主譏其後也作主壞廟有時日於練焉壞廟

壞廟之道易檐可也改塗可也

三月乙巳及晉處父盟

不言公處父仇也為公諱也何以知其與公盟以

其日也何以不言公之如晉所恥也出不書反不

致也

夏六月公孫敖會宋公陳侯鄭伯晉士穀盟于垂斂
內大夫可以會外諸侯

自十有二月不雨至于秋七月

歷時而言不雨文不憂雨也不憂雨者無志乎民
也

八月丁卯大事于大廟躋僖公

大事者何大是事也著祫嘗祫祭者毀廟之主陳

于大祖未毀廟之主皆升合祭于大祖躋升也先
親而後祖也逆祀也逆祀則是無昭穆也無昭穆
則是無祖也無祖則無天也故曰文無天無天者
是無天而行也君子不以親親害尊尊此春秋之
義也

冬晉人宋人陳人鄭人伐秦○公子遂如齊納幣○
三年春王正月叔孫得臣會晉人宋人陳人衛人鄭
人伐沈沈潰○夏五月王子虎卒

叔服也此不卒者也何以卒之以其來會葬我卒之也或曰以其嘗執重以守也

秦人伐晉○秋楚人圍江○雨蝨于宋

外災不志此何以志也曰災甚也其甚奈何茅茨盡矣著於上見於下謂之雨

冬公如晉十有二月己巳公及晉侯盟○晉陽處父帥師伐楚救江

此伐楚其言救江何也江遠楚近代楚所以救江

也

四年春公至自晉○夏逆婦姜于齊

其曰婦姜為其禮成乎齊也其逆者誰也親逆而稱婦或者公與何其速婦之也曰公也其不言公何也非成禮於齊也曰婦有姑之辭也其不言氏何也貶之也何為貶之也夫人與有貶也

狄侵齊○秋楚人滅江○晉侯伐秦○衛侯使甯俞來聘○冬十有一月壬寅夫人風氏薨

五年春王正月王使榮叔歸含且賵

含一事也賵一事也兼歸之非正也其曰且志兼

也其不言來不周事之用也賵以早而含已晚

三月辛亥葬我小君成風王使毛伯來會葬

會葬之禮於鄙上

夏公孫敖如晉○秦人入郟○秋楚人滅六○冬十

月甲申許男業卒

六年春葬許僖公○夏季孫行父如陳○秋季孫行

父如晉○八月乙亥晉侯驩卒○冬十月公子遂如

晉葬晉襄公○晉殺其大夫陽處父

稱國以殺罪累上也襄公已葬其以累上之辭言之何也君漏言也上泄則下闇下闇則上聾且闇且聾無以相通夜姑殺者也夜姑之殺奈何曰晉將與狄戰使狐夜姑為將軍趙盾佐之陽處父曰不可古者君之使臣也使仁者佐賢者不使賢者佐仁者今趙盾賢夜姑仁其不可乎襄公曰諾謂

夜姑曰吾始使盾佐女今女佐盾矣夜姑曰敬諾
襄公死處父主竟上事夜姑使人殺之君漏言也
故士造辟而言詭辭而出曰用我則可不用我則
無亂其德

晉狐夜姑出奔狄○閏月不告月猶朝于廟

不告月者何也不告朔也不告朔則何為不言朔
也閏月者附月之餘日也積分而成於月者也天
子不以告朔而喪事不數也猶之為言可以已也

七年春公伐邾三月甲戌取須句

取邑不日此其日何也不正其再取故謹而日之
也

遂城部

遂繼事也

夏四月宋公壬臣卒○宋人殺其大夫

稱人以殺誅有罪也

戊子晉人及秦人戰于令狐晉先蔑奔秦

不言出在外也輟戰而奔秦以是為逃軍也

狄侵我西鄙○秋八月公會諸侯晉大夫盟于扈
其曰諸侯略之也

冬徐伐莒○公孫敖如莒莅盟

莅位也其曰位何也前定也其不日前定之盟不
日也

八年春王正月○夏四月○秋八月戊申天王崩○
冬十月壬午公子遂會晉趙盾盟于衡雍○乙酉公

子遂會雒戎盟于暴○公孫敖如京師不至而復丙
戌奔莒

不言所至未如也未如則未復也未如而曰如不
廢君命也未復而曰復不專君命也其如非如也
其復非復也唯奔莒之為信故謹而日之也

蝨○宋人殺其大夫司馬

司馬官也其以官稱無君之辭也

宋司城來奔

司城官也其以官稱弒君之辭也來奔者不言出
舉其接我也

九年春毛伯來求金

求金猶可求金甚矣

夫人姜氏如齊○二月叔孫得臣如京師

京大也師衆也言周必以衆與大言之也

辛丑葬襄王

天子志崩不志葬舉天下而葬一人其道不疑也

志葬急不得葬也日之甚矣其不葬之辭也

晉人殺其大夫先都○三月夫人姜氏至自齊

卑以尊致病文公也

晉人殺其大夫士穀及箕鄭父

稱人以殺誅有罪也鄭父累也

楚人伐鄭○公子遂會晉人宋人衛人許人救鄭○

夏狄侵齊○秋八月曹伯襄卒○九月癸酉地震

震動也地不震者也震故謹而日之也

冬楚子使欬來聘

楚無大夫其曰欬何也以其來我褒之也

秦人來歸僖公成風之襚

秦人弗夫人也即外之弗夫人而見正焉

葬曹共公

十年春王三月辛卯臧孫辰卒○夏秦伐晉○楚殺

其大夫宜申○自正月不雨至于秋七月

歷時而言不雨文不閔雨也不閔雨者無志乎民

也

及蘇子盟于女栗○冬狄侵宋○楚子蔡侯次于厥
貉

十有一年春楚子伐麋○夏叔彭生會晉卻缺于承

匡○秋曹伯來朝○公子遂如宋○狄侵齊○冬十

月甲午叔孫得臣敗狄于鹹

不言帥師而言敗何也直敗一人之辭也一人而
曰敗何也以衆焉言之也傳曰長狄也弟兄三人

佚宕中國瓦石不能告叔孫得臣最善射者也射其目身橫九畝斷其首而載之眉見於軾然則何為不言獲也曰古者不重創不禽二毛故不言獲為諱也其之齊者王子成父殺之則未知其之晉者也

十有二年春王正月邾伯來奔○杞伯來朝○二月庚子子叔姬卒

其曰子叔姬貴也公之母姊妹也其一傳曰許嫁以卒之也男子二十而冠冠而列大夫三十而娶女子十五而許嫁二十而嫁

夏楚人圍巢○秋滕子來朝○秦伯使術來聘○冬十有二月戊午晉人秦人戰于河曲不言及秦晉之戰已亟故略之也

季孫行父帥師城諸及鄆

稱帥師言有難也

十有三年春王正月○丁巳五月壬午陳侯朔卒○鄆

子蘧篠卒○自正月不祭至于秋七月○大室屋壞
大室屋壞者有壞道也譏不修也大室猶世室也
周公曰大廟伯禽曰大室羣公曰宮禮宗廟之事
君親割夫人親春敬之至也為社稷之主而先君
之廟壞極稱之志不敬也

冬公如晉衛侯會公于沓○狄侵衛○十有二月己
丑公及晉侯盟還自晉

還者事亦畢也自晉事畢也

鄭伯會公于渠

于有四年春王正月公至自晉○邾人伐我南鄙○
叔彭生帥師伐邾○夏五月乙亥齊侯潘卒○六月
公會宋公陳侯衛侯鄭伯許伯曹伯晉趙盾癸酉同
盟于新城

同者有同也同外楚也

秋七月有星孛入于北斗

孛之為言猶第也其入北斗斗有環域也

公至自會○晉人納捷菑于邾弗克納

是邾克也其曰人何也微之也何為微之也長轂
五百乘縣地千里過宋鄭滕薛莫入千乘之國欲
變人之主至城下然後知何知之晚也弗克納未
伐而曰弗克何也弗克其義也捷菑晉出也獲且
齊出也獲且正也捷菑不正也

九月甲申公孫敖卒于齊

奔大夫不言卒而言卒何也為受其喪不可不卒

也其地於外也

齊公子商人弑其君舍

舍未踰年其曰君何一舍之為君所以重商人
之弑也商人其不以國氏何也不以嫌代嫌也舍
之不曰何也未成為君也

宋子哀來奔

其曰子哀失之也

冬單伯如齊齊人執單伯

私罪也單伯淫于齊齊人執之

齊人執子叔姬

叔姬同罪也

十有五年春季孫行父如晉○三月宋司馬華孫來

盟

司馬官也其以官稱知君之辭也來盟者何前定
也不言及者以國與之也

夏曹伯來朝○齊人歸公孫敖之喪○六月辛丑朔

日有食之鼓用牲于社○單伯至自齊

大夫執則致致則名此其不名何也天子之命大
夫也

晉郤缺帥師伐蔡戊申入蔡○秋齊人侵我西鄙

其曰鄙遠之也其遠之何也不以難介我國也

季孫行父如晉○冬十有一月諸侯盟于扈○十有

二月齊人來歸子叔姬

其曰子叔姬貴之也其言來歸何也父母之於

雖有罪猶欲其免也

齊侯侵我西鄙遂伐曹入其郛

十有六年春季孫行父會齊侯于陽穀齊侯弗及盟
弗及者內辭也行父失命矣齊得內辭也

夏五月公四不視朔

天子告朔于諸侯諸侯受乎禰廟禮也公四不視
朔公不臣也以公為厭政以甚矣

六月戊辰公子遂及齊侯盟于師邱

復行父之盟也

秋八月辛未夫人姜氏薨○毀泉臺

喪不貳事貳事緩喪一以文為多失道矣自古為
之今毀之不如勿處而已矣

楚人秦人巴人滅庸○冬十有一月宋人弑其君杵

臼

十有七年春晉人衛人陳人鄭人伐宋○夏四月癸
亥葬我小君聲姜○齊侯伐我西鄙○六月癸未公

及齊侯盟于穀○諸侯會于扈○秋公至自殺○冬
公子遂如齊

十有八年春王二月丁丑公薨于臺下

臺下非正也

秦伯瑩卒○夏五月戊戌齊人弑其君商人○六月
癸酉葬我君文公○秋公子遂叔孫得臣如齊

使舉上客而不稱介不正其同倫而相介故列而
數之也

冬十月子卒

子卒不日故也

夫人姜氏歸于齊

惡宣公也有不待貶絕而罪惡見者有待貶絕而
惡從之者姪娣者不孤子之意也一人有子三人
緩帶一曰就賢也

季孫行父如齊○莒弑其君庶其

春秋穀梁傳七

宣公

元年春王正月公即位

繼故而言即位與聞乎故也

公之遂如齊逆女○三月遂以夫人婦姜至自齊

其不言氏喪未畢故略之也其曰婦緣姑言之之
辭也遂之挈繇上致之也

夏李孫行父如齊○晉放其大夫胥甲父于衛



放猶屏也稱國以放放無罪也

公會齊侯于平州公子遂如齊○六月齊人取濟西

田

以不言取言取授之也以是為賂齊也

秋邾子來朝○楚子鄭人侵陳遂侵宋

遂繼事也

晉趙盾帥師救陳

善救陳也

宋公陳侯衛侯曹伯會晉師于榘林伐鄭

列數諸侯而會晉趙盾大趙盾之事也其曰師何也以其大之也于榘林地而後伐鄭疑辭也此其地何則著其美也

冬晉趙穿帥師侵崇○晉人宋人伐鄭

伐鄭所以救宋也

二年春王二月壬子宋華元帥師及鄭公子歸生帥師戰于大棘宋師敗績獲宋華元

獲者不與之辭也言盡其衆以救其將也以三軍
敵華元華元雖獲不病矣

秦師伐晉○夏晉人宋人衛人陳人侵鄭○秋九月
乙丑晉趙盾弑其君夷臯

穿弑也盾不弑而曰盾弑何也以罪盾也其以罪
盾何也曰靈公朝諸大夫而暴彈之觀其辟丸也
趙盾入諫不聽出亡至於郊趙穿弑公而後反趙
盾史狐書賊曰趙盾弑公盾曰天乎天乎予無罪

孰為盾而忍弑其君者乎史狐曰子為正卿入諫
不聽出亡不遠君然反不討賊則志同志同則書
重非子而誰故書之曰晉趙盾弑其君夷臯者過
在下也曰於盾也見忠臣之至於許世子止見孝
子之至

冬十月乙亥天王崩

三年春王正月郊牛之口傷

之口緩辭也傷自牛作也

改卜牛牛死乃不郊

事之變也乃者亡乎人之辭也

猶三望○葬匡王○楚子伐陸渾戎○夏楚人侵鄭
○秋赤狄侵齊○宋師圍曹○冬十月丙戌鄭伯蘭
卒○葬鄭穆公

四年春王正月公及齊侯平莒及郟莒人不肯

及者內為志焉爾平者成也不肯者可以肯也

公伐莒取向

伐猶可取向甚天莒人辭不受治也伐莒義兵也
取向非也乘義而為利也

秦伯稻卒○夏六月乙酉鄭公子歸生弑其君夷○
赤狄侵齊○秋公如齊公至自齊○冬楚子伐鄭
五年春公如齊○夏公至自齊○秋九月齊高固來
逆子叔姬

諸侯之嫁子於大夫主大夫以與之來者接內也
不正其接內故不與夫婦之稱也

叔孫得臣卒○冬齊高固及子叔姬來

及者及吾子叔姬也為使來者不使得歸之意也
楚人伐鄭

六年春晉趙盾衛孫免侵陳

此帥師也其不言帥師何也不正其敗前事故不
與帥師也

夏四月○秋八月螽○冬十月

七年春衛侯使孫良夫來盟

來盟前定也不言及者以國與之不言其人亦以
國與之不日前定之盟不日

夏公會齊侯伐萊○秋公至自伐萊○大旱○冬公
會晉侯宋公衛侯鄭伯曹伯于黑壤

八年春公至自會○夏六月公子遂如齊至黃乃復
乃者亡乎人之辭也復者事畢也不專公命也
辛巳有事于大廟仲遂卒于垂

為若反命而後卒也此公子也其曰仲何也○

也何為疏之也是不卒者也不疏則無用鬼其不卒也則其卒之何也以譏乎宣也其譏乎宣何也聞大夫之喪則去樂卒事

壬午猶繹萬人去籥

猶者可以已之辭也繹者祭之旦日之享賓也萬人去籥以其為之變譏之也

戊子夫人熊氏薨○晉師白狄伐秦○楚人滅舒鄧

○秋七月甲子日有食之既○冬十月己丑葬我小

君頃熊兩不克葬

葬既有日不為雨止禮也雨不克葬喪不以制也

庚寅日中而克葬

而緩辭也足乎日之辭也

城平陽○楚師伐陳

九年春王正月公如齊公至自齊○夏仲孫蔑如京

師○齊侯伐萊○秋取根牟○八月滕子卒○九月

晉侯宋公衛侯鄭伯曹伯會于扈○晉荀林父帥師

伐陳○辛酉晉侯黑臀卒于扈

其地於外也其日未踰竟也

冬十月癸酉衛侯鄭卒○宋人圍滕○楚人伐鄭晉
卻缺帥師救鄭○陳殺其大夫泄冶

稱國以殺其大夫殺無罪也泄冶之無罪如何陳
靈公通于夏徵舒之家公孫寧儀行父亦通其家
或衣其衣或衷其襦以相戲於朝泄冶聞之入諫
曰使國人聞之則猶可使仁人聞之則不可君愧

於泄冶不能用其言而殺之

十年春公如齊公至自齊齊人歸我濟西田

公娶齊齊繇以為兄弟反之不言來公如齊受之
也

夏四月丙辰日有食之○己巳齊侯元卒○齊崔氏
出奔衛

氏者舉族而出之之辭也

公如齊五月公至自齊○癸巳陳夏徵舒弑其君平

國○六月宋師伐滕○公孫歸父如齊葬齊惠公○
晉人宋人衛人曹人伐鄭○秋天王使王季子來聘
其曰王季王子也其曰子尊之也聘問也

公孫歸父帥師伐邾取緝○大水○季孫行父如齊
○冬公孫歸父如齊○齊侯使國佐來聘○饑○楚
子伐鄭

十有一年春王正月○夏楚子陳侯鄭伯盟于夷陵
○公孫歸父會齊人伐莒○秋晉侯會狄于欒函

不言及外狄

冬十月楚人殺陳夏徵舒

此入而殺也其不言入何也外徵舒於陳也其外
徵舒於陳何也明楚之討有罪也

丁亥楚子入陳

入者內弗受也日入惡入者何用弗受也不使
夷狄為中國也

納公孫寧儀行父于陳

納者內弗受也輔人之不能民而討猶可入人之國制人之上下使不得其君臣之道不可

十有二年春葬陳靈公○楚子圍鄭○夏六月乙卯晉荀林父帥師及楚子戰于邲晉師敗績

績功也功事也日其事敗也

秋七月○冬十有二月戊寅楚子滅蕭○晉人宋人衛人曹人同盟于清邱○宋師伐陳衛人救陳十有三年春齊師伐莒○夏楚子伐宋○秋螽○冬

晉殺其大夫先穀

十有四年春衛殺其大夫孔達○夏五月壬申曹伯壽卒○晉侯伐鄭○秋九月楚子圍宋○葬曹文公○冬公孫歸父會齊侯于穀

十有五年春公孫歸父會楚子于宋○夏五月宋人及楚人平

平者成也善其量力而反義也人者衆辭也平稱衆上下欲之也外平不道以吾人之存焉道之也

六月癸卯晉師滅赤狄潞氏以潞子嬰兒歸

滅國有三術中國謹日卑國月夷狄不日其日潞子嬰兒賢也

秦人伐晉○王札子殺召伯毛伯

王札子者當上之辭也殺召伯毛伯不言其何也兩下相殺也兩下相殺不志乎春秋此其志何也矯王命以殺之非忿怒相殺也故曰以王命殺也以王命殺則何志焉為天下主者天也繼天者君

也君之所存者命也為人臣而侵其君之命而用之是不臣也為人君而失其命是不君也君不君臣不臣此天下所以頌也

秋螽○仲孫蔑會齊高固于無婁○初稅畝

初者始也古者什一藉而不稅初稅畝非正也古者三百步為里名曰井田井田者九百畝公田居一私田稼不善則非吏公田稼不善則非民初稅畝者非公之去公田而履畝十取一也以公之與

民為已悉矣古者公田為居升竈葱韭盡以焉
冬蠶生

蠶非災也其曰蠶非稅畝之災也

饑

十有六年春王正月晉人滅赤狄甲氏及留吁○夏
成周宣榭災

周災不志也其曰宣榭何也以樂器之所藏目之
也

不郊伯姬來歸○冬大有年

五穀大熟為大有年

十有七年春王正月庚子許男錫我卒○丁未蔡侯
申卒○夏葬許昭公○葬蔡文公○六月癸卯日有
食之○己未公會晉侯衛侯曹伯邾子同盟于斷道
同者有同也同外楚也

秋公之自會○冬十有一月壬午公弟叔肝卒

其曰公弟叔肝賢之也其賢之何也宣弑而非之

也非之則胡為不亡也曰兄弟也何去而之與之
財則曰我足矣織屨而食終身不食宣公之食君
子以是為通恩也以取貴乎春秋

十有八年春晉侯衛世子臧伐齊○公伐杞○夏四
月○秋七月邾人戕繒子于繒

戕猶殘也稅殺也

甲戌楚子呂卒

夷狄不卒卒少進也卒而不日日少進也日而不

言正不正簡之也

公孫歸父如晉○冬十月壬戌公薨于路寢

正寢也

歸父還自晉至禋遂奔齊

還者事未畢也自晉事畢也與人之子守其父之
殯捐殯而奔其父之從者是以奔父也至禋遂奔
齊遂繼事也

春秋穀梁傳八

成公

元年春王正月公即位○二月辛酉葬我君宣公○
無冰

終時無冰則志此未終時而言無冰何也終無冰
矣加之寒之辭也

二月作邱甲

作為也邱為甲也年甲國之爭也邱作甲非正也

邱作甲之為非正何也古者立國家百官士農工皆有職以事上古者有四民有士民有商民有農民有工民夫甲非人人之所能為也邱作甲非正也

夏臧孫許及晉侯盟于赤棘○秋王師敗績于冥戎不言戰莫之敢敵也為尊者諱敵不諱敗為親者諱敗不諱敵尊尊親親之義也然則孰敗之晉也

冬十月

季孫行父禿晉郤克眇衛孫良夫跛曹公子手僂同時而聘於齊齊使禿者御禿者使眇者御眇者使跛者御跛者使僂者御僂者蕭同姪子庭臺上而笑之聞於客客不說而去相與立胥閭而語移日不解齊人有知之者曰齊之患必自此始矣

二年春齊侯伐我北鄙○夏四月丙戌衛孫良夫帥師及齊師戰于新築衛師敗績○六月癸酉季孫行父臧孫許叔孫僑如公孫嬰齊帥師會晉郤克衛孫

良夫曹公子手及齊侯戰于鞏齊師敗績

其日或曰日其戰也或曰日其悉也曹無大夫其
曰公子何也以吾之曰大夫在焉舉其貴者也

秋七月齊侯使國佐如師己酉及國佐盟于爰婁

鞏去國五百里爰婁去國五十里一戰繇地五百
里焚雍門之茨侵車東至海君子聞之曰夫甚甚
之辭焉齊有以取之也齊之有以取之何也敗衛
師于新築侵我北鄙敖郤獻子齊有以取之也爰

婁在師之外郤克曰反魯衛之侵地以紀侯之獻
來以蕭同姪子之母為質使耕者皆東其畝然後
與子盟國佐曰反魯衛之侵地以紀侯之獻來則
諾以蕭同姪子之母為質則是齊侯之母也齊侯
之母猶晉君之母也晉君之母猶齊侯之母也使
耕者盡東其畝則是終土齊也不可請一戰一戰
不克請再再不克請三三不克請四四不克請五
五不克舉國而授於是而與之盟

八月壬午宋公鮒卒○庚寅衛侯速卒○取汶陽田
于蜀○冬楚師鄭師侵衛○十有一月公會楚公子嬰齊

楚無大夫其曰公子何也嬰齊亢也

丙申公及楚人秦人宋人陳人衛人鄭人齊人曹人
邾人薛人繒人盟于蜀

楚其稱人何也於是而後公得其所也會與盟同
月則地會不地盟不同月則地會地盟此其地會

地盟何也以公得其所申其事也今之屈向之驕
也

三年春王正月公會晉侯宋公衛侯曹伯伐鄭○辛
亥葬衛穆公○二月公至自伐鄭○甲子新宮災三
日哭

新宮者禰宮也三日哭哀也其哀禮也迫近不敢
稱謚恭也其辭恭且哀以成公為無譏矣

乙亥葬宋文公○夏公如晉○鄭公子去疾帥師伐

許○公至自晉○秋叔孫僑如帥師圍棘○大雩○
晉卻克衛孫良夫伐牆谷如○冬十有一月晉侯使
荀庚來聘衛侯使孫良夫來聘○丙午及荀庚盟丁
未及孫良夫盟

其日公也來聘而求盟不言及者以國與之也不
言其人亦以國與之也尔言求兩欲之也

鄭伐許

四年春宋公使華元來聘○三月壬申鄭伯堅卒○

杞伯來朝○夏四月甲寅臧孫許卒○公如晉○葬

鄭襄公○秋公至自晉○冬城鄆○鄭伯伐許

五年春王正月杞叔姬來歸

婦人之義嫁曰歸反曰來歸

仲孫蔑如宋○夏叔孫僑如會晉荀首于穀○梁山

崩

不日何也高者有崩道也有崩道則何以書也曰

梁山崩壅是三日不流晉君召伯尊而問焉伯

尊來遇輦者輦者不辟使車右下而鞭之輦者曰
所以鞭我者其取道遠矣伯尊下車而問焉曰子
有聞乎對曰梁山崩壅過河三日不流伯尊曰君
為此召我也為之奈何輦者曰天有山天崩之天
有河天壅之雖召伯尊如之何伯尊由忠問焉輦
者曰君親素縞帥羣臣而哭之既而祠焉斯流矣
伯尊至君問之曰梁山崩壅過河三日不流為之
奈何伯尊曰君親素縞帥羣臣而哭之既而祠焉

斯流矣孔子聞之曰伯尊其無績乎攘善也

秋大水○冬十有一月己酉天王崩○十有二月己
丑公會晉侯齊侯宋公衛侯鄭伯曹伯邾子杞伯同
盟于蟲牢

六年春王正月公至自會○二月辛巳立武宮
立者不宜立也

取鄆

鄆國也

衛孫良夫帥師伐宋○夏六月邾子來朝○公孫嬰
齊如晉○壬申鄭伯費卒○秋仲孫蔑叔孫僑如帥
師侵宋○楚公子嬰齊帥師伐鄭○冬季孫行父如
晉○晉欒書帥師救鄭

七年春王正月饑鼠食郊牛角改卜牛饑鼠又食其
角乃免牛

不言日急辭也過有司也郊牛日展斛角而知傷
展道盡矣其所以備災之道不盡也改卜牛饑鼠

又食其角又有繼之辭也其緩辭也曰亡乎人矣
非人之所能也所以免有司之過也乃免牛乃者
亡乎人之辭也免牲者為之緇衣纁裳有司元端
奉送至于南郊免牛亦然免牲不曰不郊免牛亦
然

吳伐鄭○夏五月曹伯來朝○不郊猶三望○秋楚
公子嬰齊帥師伐鄭公會晉侯齊侯宋公衛侯曹伯
莒子邾子杞伯鄭八月戊辰同盟于馬陵公至自

會○吳入州來○冬大雩

雩不月而時非之也冬無為雩也

衛孫林父出奔晉

八年春晉侯使韓穿來言汶陽之田歸之于齊

于齊緩辭也不使盡我也

晉欒書帥師侵蔡○公孫吳齊如莒○宋公使華元

來聘○夏宋公使公孫壽來納幣○晉殺其大夫趙

同趙括○秋七月天子使召伯來錫公命

禮有受命無來錫命錫命非正也曰天子何也曰

見一稱也

冬十月癸卯杞叔姬卒○晉侯使士燮來聘○叔孫

僑如會晉士燮齊人邾人伐郟○衛人來媵

媵淺事也不志此其志何也以伯姬之不得其所
故盡其事也

九年春王正月杞伯來逆叔姬之喪以歸

傳曰夫無逆出妻之喪而為之也

公會晉侯齊侯宋公衛侯鄭伯曹伯莒子杞伯同盟
于蒲公至自會○二月伯姬歸于宋○夏季孫行父
如宋致女

致者不致者也婦人在家制於父既嫁制於夫如
宋致女是以我盡之也不正故不與內稱也逆者
微故致女詳其事賢伯姬也

晉人來媵

媵淺事也不志此其志何也以伯姬之不得其所

故盡其事也

秋七月丙子齊侯無野卒○晉人執鄭伯晉欒書帥
師伐鄭

不言戰以鄭伯也為尊者諱恥為賢者諱過為親
者諱疾

冬十有一月葬齊頃公○楚公子嬰齊帥師伐莒庚
申莒潰

其日莒雖夷狄猶中國也大夫潰莒而之楚是以

知其上為事也惡之故謹而日之也

楚人入鄆○秦人白狄伐晉○鄭人圍許○城中城
城中城者非外民也

十年春衛侯之弟黑背帥師侵鄭○夏四月五卜郊
不從乃不郊

夏四月不時也五卜強也乃者亡乎人之辭也

五月公會晉侯齊侯宋公衛侯曹伯伐鄭○齊人來
媵○丙午晉侯孺卒○秋七月公如晉○冬十月

十有一年春王三月公至自晉○晉侯使卻犢來聘
己丑及卻犢盟○夏季孫行父如晉○秋叔孫僑如
如齊○冬十月
十有二年春周公出奔晉

周有八無出其曰出上下一見之也言其上下之
道無以存也上雖失之下孰敢有之今上下皆失
之矣

夏公會晉侯衛侯于瑣澤○秋晉人敗狄于交剛

中國與夷狄不言戰皆曰敗之夷狄不日

冬十月

十有三年春晉侯使卻錡來乞師

乞重辭也古之人重師故以乞言之也

三月公如京師

公如京師不月月非如也非如而曰如不叛京師也

夏五月公自京師遂會晉侯宋公衛侯鄭伯曹伯邾

人滕人伐秦

言受命不敢叛周也

曹伯廬卒于師

傳曰閔之也公大夫在師曰師在會曰會

秋七月公至自伐秦○冬葬曹宣公

葬時正也

十有四年春王正月莒子朱卒○夏衛孫林父自魯歸于衛○邾叔孫僑如如齊逆女○鄭公子喜帥師

伐許○僑如以夫人婦姜氏至自齊

大夫不以夫人以夫人非正也刺不親迎也僑如之挈由上致之也

冬十月庚寅衛侯臧卒○秦伯卒

十有五年春王二月葬衛定公○三月乙巳仲嬰卒

此公孫也其曰仲何也子由父疏之也

癸丑公會晉侯衛侯鄭伯曹伯宋世子成齊國佐邾

人同盟于戚晉侯執曹伯歸于京師

以晉侯而斥執曹伯惡晉侯也不言之急辭也斷在晉侯也

公至自會○夏六月宋公固卒○楚子伐鄭○秋八月庚辰葬宋共公

月卒日葬非葬者也此其言葬何也以其葬共姬不可不葬共公也葬共姬則其不可不葬共公何也夫人之不踰君也為賢者崇也

宋華元出奔晉宋華元自晉歸于宋○宋殺其大夫
山○宋魚石出奔楚○冬十有一月叔孫僑如會晉
士燮齊高無咎宋華元衛孫林父鄭公子緡邾人會
吳于鍾離

會又會外之也

許遷于葉

遷者猶得其國家以往者也其地許復見也

十有六年春王正月雨木冰

雨而木冰也志異也傳曰根枝折

夏四月辛未滕子卒○鄭公孫喜帥師侵宋○六月

丙寅朔日有食之○晉侯使欒黶來乞師○甲午晦

晉侯及楚子鄭伯戰于鄆陵楚子鄭師敗績

日事遇晦曰晦四體偏斷曰收此其敗則目也楚
不言師君重於師也

楚殺其大夫公子側○秋公會晉侯齊侯衛侯宋華
元邾人○不見公

不見。可以見公也。可以見公而不見公。譏在諸侯也。

公至自會。○公會尹子。晉侯。齊國。佐邾人伐鄭。○曹伯歸自京師。

不言所歸。歸之善者也。出入不名。以為不失其國也。歸為善。自某歸次之。

九月。晉人執季孫行父。舍之于莒邱。

執者不舍。而舍公所也。執者致而不致。公在也。何。

其執而辭也。猶存公也。存意公亦存也。公存也。

冬十月乙亥。叔孫僑如出奔齊。○十有二月乙丑。季

孫行父及晉郤犢盟于扈。○公至自會。○乙酉。刺公子偃。

大夫日卒止也。先刺後名。殺無罪也。

十有七年春。衛北宮括帥師侵鄭。○夏公會尹子。單子。晉侯。齊侯。宋公。衛侯。曹伯。邾人。伐鄭。○六月乙酉。同盟于柯。後。

柯陵以盟復伐鄭也

秋公至自會

不曰至自伐鄭也公不周乎伐鄭也何以知公之不周乎伐鄭以其以會致也何以知其盟復伐鄭也以其後會之人盡盟者也不周乎伐鄭則何而日也言公之不背柯陵之盟也

齊高無咎出奔莒○九月辛丑用郊

夏之始可以承春以秋之末承春之始蓋不可矣

九月用郊用者不宜用也宮室不設不可以祭衣服不脩不可以祭車馬器械不備不可以祭有司一人不備其職不可以祭祭者薦其時也薦其敬也薦其美也非享味也

晉侯使荀瑩來乞師○冬公會單子晉侯宋公衛侯曹伯齊人邾人伐鄭

言公不背柯陵之盟也

十有一日公自伐鄭○壬申公孫嬰齊卒于狸蜃

十一月無壬申壬申乃十月也致公而後錄臣子之義也其地未踰竟也

十有二月丁巳朔日有食之○邾子釹且卒○晉殺其大夫卻錡卻犇卻至

自禍於是起矣

楚人滅舒庸

十有八年春王正月晉殺其大夫胥童○庚申晉弑其君州蒲

稱國以弑其君君惡甚矣

齊殺其大夫國佐○公如晉○夏楚子鄭伯伐宋魚石復入于彭城○公至自晉○晉侯使士匄來聘○秋杞伯來朝○八月邾子來朝○築鹿囿

築不志此其志何也山林藪澤之利所以與民共也虞之非正也

己丑公薨于路寢

路寢丘也○子不絕婦人之手以齊終也

冬楚人鄭人侵宋○晉侯使士魴來乞師○十有二
月仲孫蔑會晉侯宋公衛侯邾子齊崔杼同盟于虛
打○丁未葬我君成公

春秋穀梁傳九

襄公

元年春王正月公即位

繼上即位正也

仲孫蔑會晉欒黶宋華元衛甯殖曹人莒人邾人滕
人薛人圍宋彭城

繫彭城於宋者不與魚石正也

晉韓厥帥師伐鄭○仲孫蔑會齊崔杼曹人邾人

人次于鄆○秋楚公子壬夫帥師侵宋○九月辛酉天王崩○邾子來朝○冬衛侯使公孫剝來聘○晉侯使荀瑩來聘

二年春王正月葬簡王○鄭師伐宋○夏五月庚寅夫人姜氏薨○六月庚辰鄭伯淪卒○晉師侵衛

甯 侵鄭

其曰衛甯殖如是而稱于前事也

秋七月仲孫蔑會晉荀瑩齊崔杼宋華元衛孫林父曹人邾

人于戚○己丑葬我小君齊姜○叔孫豹如宋○冬

孫蔑會晉荀瑩齊崔杼宋華元衛孫林父曹人邾

人于戚○人薛人小邾人于戚遂城虎牢

若○國焉內鄭也

楚殺其大夫公子申

三年春楚公子嬰齊帥師伐吳○公如晉○夏四月

壬戌公及晉侯盟于長檣公至自晉○六月公會單

晉侯宋公衛侯鄭伯莒子邾子齊世子光己未同盟

于雞澤

同者有同也同外楚也

陳侯使袁僑如會

如會外乎會也於會受命也

戊寅孫豹及諸侯之大夫及陳袁僑盟

以及與之也諸侯以為可與則與之不可與則

釋之諸侯盟又大夫相與私盟是大夫張也雞

澤之會諸侯皆正矣大夫執國權曰袁僑異之

也

不公至自會○冬晉荀營帥師伐許

四年不王三月己酉陳侯午卒○夏叔孫豹如晉○

秋七月戊子夫人如氏薨○葬陳成公○八月辛亥

葬我小君定姒○冬公如晉○陳人圍頓

五年春公至自晉○夏鄭伯使公子發來聘○叔孫

豹繒世子巫如晉

下不言如而言如為弒事往也

孫茂衛孫林父會吳于善稻

吳謂善伊謂稻緩號從中國名從主人

秋大雩○楚殺其大夫公子壬夫○公會晉侯宋公
陳侯衛侯鄭伯曹伯莒子邾子滕子薛伯齊世子光
吳人皆人于戚公至自會○冬弋陳

謝也

大公子貞帥師伐陳公會晉侯宋公衛侯冀伯莒伯
莒子邾子滕子薛伯齊世子光救陳十有二月公至

自救陳

善救陳也

辛丑季孫行父卒

六年春王三月壬午杞伯姑容卒○夏宋華弱來奔
○秋葬杞桓公○滕子來朝○莒人滅繒

非滅也中國日卑國月夷狄時繒中國也而時非
滅也家有既亡國有既滅滅而不自知由別之而
不別也莒人滅繒非滅也非立異姓以蒞祭祀滅

亡之道也

冬叔孫豹如邾○季孫宿如晉○十有二月齊侯滅萊

七年春鄭子來朝○夏四月三卜郊不從乃免牲

夏六月不時也三卜禮也乃皆亡乎人之辭也

小邾子來朝○城費○秋季孫宿如衛○八月螽○

冬十月衛侯使孫林父來聘壬戌及孫林父盟○楚

公子貞帥師圍蔣○十有二月公會晉侯宋公陳侯

秋七月己未同盟于京城北公至自伐鄭

不以後致此後復伐鄭也

楚子鄭伯伐宋○公會晉侯宋公衛侯曹伯齊世子

光莒子邾子滕子薛伯杞伯小邾子伐鄭會于蕭魚

公至自會

伐而後會不以伐鄭致得鄭伯之辭也

楚人執鄭行人良霄

行人者挈國之辭也

冬秦人伐晉

十有二年春王三月莒人伐我東鄙圍郕

伐國不言圍邑舉重也取邑不書圍安足書也

季孫宿帥師救郕遂入鄆

遂繼事也受命而救郕不受命而入鄆惡季孫宿也

夏晉侯使士^方來聘○秋九月吳子乘卒○冬楚公子貞帥師侵宋○公如晉

國有善事則并焉無善事則異之存之也汲鄭伯逃歸陳侯以祖之會存中國也

楚公子貞鄭公孫輒帥師伐宋○晉師伐秦○秋莒人伐我東鄙○公會晉侯宋公衛侯曹伯莒子邾子齊世子光滕子薛伯杞伯小邾子伐鄭○冬盜殺鄭公子斐公子發公孫輒

稱盜以殺大夫弗以上下道惡上也

戊鄭虎牢

其曰鄭虎牢決鄭乎虎牢也

楚公子貞帥師救鄭○公至自伐鄭

十有一年春王正月作三軍

作為也古者天子六師諸侯一軍作三軍非正也

夏四月四卜郊不從乃不郊

夏四月不時也四卜非禮也

鄭公孫舍之帥師侵宋○公會晉侯宋公衛侯曹伯

齊世子光莒子邾子滕子薛伯杞伯小邾子伐鄭○

公子貞帥師伐鄭○晉侯使士匄來聘

九年春宋災

外災不志此其志何也故宋也

夏季孫宿如晉○五月辛酉夫人姜氏薨○秋八月

癸未葬我小君穆姜○冬公會晉侯宋公衛侯曹伯

莒子邾子滕子薛伯小邾子齊世子光伐鄭十有二

月己亥同盟于戲

不異言鄭善得鄭也不致恥不能據鄭也

楚子伐鄭

十年春公會晉侯宋公衛侯曹伯莒子邾子滕子薛伯杞伯小邾子齊世子光會吳于柤

會又會外之也

夏五月甲午遂滅傅陽

遂直遂也其曰遂何不以中國從夷狄也

公至自會

會夷狄不致惡事不致此其致何也存中國也中

衛侯曹伯莒子邾子于鄆鄭伯死原如會未見諸侯
丙戌卒于操

未見諸侯其曰如會何也致其志也禮諸侯不生
名也其生名何也卒之名也卒之名則何為加之
如會之上見以如會卒也其見以如會卒何也鄭
伯將會中國其臣欲從楚不勝其臣弑而死其不
言弑何也不使夷狄之民加乎中國之君也其地
於外也其日未踰竟也日卒時葬正也

陳侯逃歸

以其去諸侯故逃之也

八年春王正月公如晉○夏葬鄭僖公○鄭人侵蔡
獲蔡公子溼

人從者也侵淺事也而獲公子公子病矣

季孫宿會晉侯鄭伯齊人宋人衛人邾人于邢邱

見魯之失正也公在而大夫會也

公至自晉○莒人伐我東鄙○秋九月大雩○冬楚

十有三年春公至自晉○夏取郟○秋九月庚辰楚
子審卒○冬城防

十有四年春王正月季孫宿叔老會晉士匄齊人宋
人衛人鄭公孫蠆曹人莒人邾人滕人薛人杞人小
邾人會吳于向○二月乙未朔日有食之○夏四月
叔孫豹會晉荀偃齊人宋人衛北宮括鄭公孫蠆曹
人莒人邾人滕人薛人杞人小邾人伐秦○己未衛
侯出奔齊○莒人侵我東鄙○秋楚公子貞帥師伐

吳○冬季孫宿會晉士匄宋華閱衛孫林父鄭公孫
薑莒人邾人于戚

十有五年春宋公使向戌來聘二月己亥及向戌盟
于劉○劉夏逆王后于齊

過我故志之也

夏齊侯伐我北鄙圍成公救成至遇○季孫宿叔孫
豹帥師城成郚○秋八月丁巳日有食之○邾人伐
我南鄙○冬十有一月癸亥晉侯周卒

十有六年春王正月葬晉悼公○三月公會晉侯宋
公衛侯鄭伯曹伯莒子邾子薛伯杞伯小邾子于澠
梁戊寅大夫盟

澠梁之會諸侯失正矣諸侯會而曰大夫盟正在
大夫也諸侯在而不曰諸侯之大夫大夫不臣也

晉人執莒子邾子以歸○齊侯伐我北鄙○夏公至
自會○五月甲子地震○叔老會鄭伯晉荀偃衛甯
殖宋人伐許○秋齊侯伐我北鄙圍成○大雩○冬

叔孫豹如晉

十有七年春王二月庚午邾子矐卒○宋人伐陳○
夏衛石買帥師伐曹○秋齊侯伐我北鄙圍防○九月大雩○宋華臣出奔
陳○冬邾人伐我南鄙

十有八年春白狄來○夏晉人執衛行人石買

稱行人怨接於上也

秋齊侯伐我北鄙○冬十月公會晉侯宋公衛侯鄭

伯曹伯莒子邾子滕子薛伯杞伯小邾子同圍齊

非圍而曰圍齊有大馬亦有病馬非大而足同焉

諸侯同罪之也亦病矣

曹伯負芻卒于師

閔之也

楚公子午帥師伐鄭

十有九年春王正月諸侯盟于祝柯晉人執邾子公
至自伐齊

春秋之義已伐而盟復伐者則以伐致盟不復伐者則以會致祝柯之盟盟復伐齊與曰非也然則何為以伐致也曰與人同事或執其君或取其地取邾田自漵水

軋辭也其不曰惡盟也

季孫宿如晉○葬曹成公○夏衛孫林父帥師伐齊○秋七月辛卯齊侯環卒○晉士匄帥師侵齊至穀聞齊侯卒乃還

還者事未畢之辭也受命而誅生死無所加其怒不伐喪善之也善之則何為未畢也君不尸小事臣不專大名善則稱君過則稱己則民作讓矣士匄外專君命故非之也然則為士匄者宜奈何宜墀帷而歸命乎介

八月丙辰仲孫蔑卒○齊殺其大夫高厚○鄭殺其大夫公子嘉○冬葬齊靈公○城西郭○叔孫豹會晉士匄于柯○城武城

二十年春王正月辛亥仲孫速會莒人盟于向○夏
六月庚申公會晉侯齊侯宋公衛侯鄭伯曹伯莒子
邾子滕子薛伯杞伯小邾子盟于澶淵○秋公至自
會○仲孫速帥師伐邾○蔡殺其大夫公子溼蔡公
子履出奔楚○陳侯之弟光出奔楚

諸侯之尊弟兄不得以屬通其弟云者親之也親
而奔之惡也

叔老如齊○冬十月丙辰朔日有食之○季孫宿如

宋

二十有一年春王正月公如晉○邾庶其以漆閭邱
來奔

以者不以者也來奔者不言出舉其接我者也漆
閭邱不言及小大敵也

夏公至自晉○秋晉欒盈出奔楚○九月庚戌朔日
有食之○冬十月庚辰朔日有食之○曹伯來朝○
公會晉侯齊侯宋公衛侯鄭伯曹伯莒子邾子于商

任

庚子孔子生

二十有二年春王正月公至自會○夏四月○秋七月辛酉叔老卒○冬公會晉侯齊侯宋公衛侯鄭伯曹伯莒子邾子滕子薛伯杞伯小邾子于沙隨公至自會○楚殺其大夫公子追舒

二十有三平春王二月癸酉朔日有食之○三月己巳杞伯勾卒○夏邾畀我來奔○葬杞孝公○陳殺

其大夫慶虎及慶寅

稱國以殺罪累上也及慶寅慶寅累也

陳侯之弟光自楚歸于陳○晉欒盈復入于晉入于曲沃○秋齊侯伐衛遂伐晉○八月叔孫豹帥師救晉次于雍渝

言救後次非救也

己卯仲孫速卒○冬十月乙亥臧孫紇出奔邾

其日正臧孫紇之出也蘧伯玉曰不以道事其君

者其出乎

晉人殺欒盈

惡之弗有也

齊侯襲莒

二十有四年春叔孫豹如晉○仲孫羯帥師侵齊○

夏楚子伐吳○秋七月甲子朔日有食之既○齊崔

棼帥師伐莒○大水○八月癸巳朔日有食之○公

會晉侯宋公衛侯鄭伯曹伯莒子邾子滕子薛伯杞

伯小邾子于夷儀○冬楚子蔡侯陳侯許男伐鄭○

公至自會○陳鍼宜咎出奔楚○叔孫豹如京師○

大饑

五穀不升為大饑一穀不升謂之嗛二穀不升謂

之饑三穀不升謂之饑四穀不升謂之康五穀不

升謂之大侵大侵之禮君食不兼味臺榭不塗

侯廷道不除百官布而不制鬼神禱而不祀此大

侵之禮也

二十有五年春齊崔杼帥師伐我北鄙○夏五月乙亥齊崔杼弑其君光

莊公失言淫于崔氏

公會晉侯宋公衛侯鄭伯曹伯莒子邾子滕子薛伯杞伯小邾子于夷儀○六月壬子鄭公孫舍之帥師入陳○秋八月己巳諸侯同盟于重邱公至自會○衛侯入于夷儀○楚屈建帥師滅舒鳩○冬鄭公孫夏帥師伐陳○十有二月吳子謁伐楚門于巢卒

以伐楚之事門于巢卒也于巢者外乎楚也門于巢乃伐楚也諸侯不生名取卒之古加之伐楚之上者見以伐楚卒也其見以伐楚卒何也古者大國過小邑小邑必飾城而請罪禮也吳子謁伐楚至巢入其門門人射吳子有矢創反舍而卒古者雖有文事必有武備非巢之不飾城而請罪非子之自輕也

二十有六年春王二月辛卯衛甯喜弑其君剽

此不正其日何也殞也立之喜也君之正也

衛孫林父入于戚以叛○甲午衛侯衎復歸于衛

日歸見知弑也

夏晉侯使荀吳來聘○公會晉人鄭良霄宋人曹人

于澶淵○秋宋公殺其世子座○晉人執衛甯喜○

八月壬午許男甯卒于楚○冬楚子蔡侯陳侯伐鄭

○葬許靈公

二十有七年齊侯使慶封來聘○夏叔孫豹會齊

楚武屈建葬公孫歸生衛不惡陳孔奭鄭良霄許人曹人于宋○衛殺其大夫甯喜

稱國以殺罪累上也甯喜弑君其以累上之辭言之何也嘗為大夫與之涉公事矣甯喜由君弑君而不以弑君之罪罪之者惡獻公也

衛侯之弟專出奔晉

專喜之徒也專之為喜之徒何也已雖急納其兄與人之臣弑其君是亦弑君者也專其弟何

也專有者者君賂不入乎喜而不直
乎喜也故出奔晉織絢邯鄲終身不言衛專之去
合乎春秋

秋七月辛巳豹及諸侯之大夫盟于宋

澠梁之會諸侯在而不曰諸侯之大夫大夫不臣
也晉趙武恥之豹云者恭也諸侯不在而曰諸侯
之大夫大夫臣也其臣恭也晉趙武為之會也
二十有二月，亥朔日有食之。

二十有八年，無水。○夏，衛石之出奔晉。○邾來

朝。○秋八月大雩。○仲孫羯曰旨。○齊靈討災。

○十有一月，公如楚。○十有二月甲寅，天王崩。○乙
未，楚子昭卒。

二十有九年春，王正月，公在楚。

閔公也。

夏五月，公至自楚。

喜之也。致者殆其往而喜其反此致。一意義。

也

庚子衛侯衎卒○閹弑吳子餘祭

閹門者也寺人也不稱名姓閹不得齊於人不稱其君閹不得君其君也禮君不使無恥不近刑人不狎敵不瀆怨賤人非所貴也貴人非所刑也刑人非所近也舉至賤而加之吳子吳子這月人也閹弑吳子餘祭仇之也

不狎敵會晉盈齋高止宋華衛世又儀

段曹人莒人知人滕人薛人城也

古者天子封諸侯其地足人容其人其民足以城以自守也杞危而不能自守故諸侯之大夫相帥以城之此變之正也

晉侯使士鞅來聘○杞子來盟○吳子使札來聘

吳共稱子何也善使延陵季子故進之也身賢賢也使賢亦賢也延陵季子之賢尊君也其名成尊於上也

秋七月葬所公○齊高止出奔北

其曰北燕從史文也

冬仲孫羯如晉

三十年春王正月楚子使薳罷來聘○夏四月蔡世

子般弑其君

其不曰子辱父政是謂夷之

五月甲午宋災伯姬卒

取卒之日之災上者見以卒也其見

奈何伯姬之舍夫火左古曰夫人少時火

曰婦人之義傳母不在宵不下堂左右又曰夫

少辟火乎伯姬曰婦人之義保母不在宵不下堂

遂逮乎火而死婦人以貞為行者也伯姬之婦

盡矣詳其事賢伯姬也

天王殺其弟佞夫

傳曰諸侯且不首惡况於天子乎君知忍親之義

天子諸侯所親者唯長子母弟耳夫弟佞

夫甚之也

王子瑕奔晉○秋七月叔弓如宋葬其外夫人不書葬此其言葬何也吾女也卒災故隱而葬之也

鄭良霄出許自許入于鄭鄭人殺良霄

不言大夫惡之也

冬十月葬蔡景公

不曰卒而曰葬不葬者也卒而葬之不忍言

民於子也

晉人齊人宋人衛人鄭人曹人邠人滕人薛人杞人小邾人會于澶淵宋災故

會不言其所為其曰宋災故何也不言災故則無以見其善也其曰人何也救災以衆何救焉更宋之所喪財也澶淵之會中國不侵伐夷狄夷狄不入中國無侵伐八子善之也晉趙武楚屈建之力也

三十有一年春王正月○夏六月辛巳○亮于楚宮
楚宮非正也

秋九月癸巳子野卒

子卒日正也

己亥仲孫羯卒○冬十月滕子來會葬○癸酉葬於
君襄公○十有一月莒人弑其君密州

春秋穀梁傳十



昭公

元年春王正月公即位

繼正即位正也

叔孫豹會晉趙武楚公子圍齊國弱宋尚戍衛齊惡
陳公子招蔡公孫歸生鄭罕虎許人曹人于鄭○三
月取鄆○夏秦伯之弟鍼出奔晉

諸侯之尊弟兄不得以屬通其弟云存親之也執

而奔之惡也

六月丁巳邾子華卒○晉荀吳帥師敗狄于大原

傳曰中國曰大原夷狄曰大鹵號從中國者從主

人

秋莒去疾自齊入于莒莒屏出奔吳○叔弓帥師驅

鄆田

疆之為言猶竟也

葬邾悼公○冬十有一月己酉楚于卷卒○葬公子

比出奔晉

二年春晉侯使韓起來聘○夏叔弓如晉○秋鄭殺

其大夫公孫黑○冬公如晉至河乃復

恥如晉故著有疾也

季孫宿如晉

公如晉而不得入季孫宿如晉而得入惡季孫宿

也

三年春王正月丁未滕子原卒○夏叔弓如滕五月

葬滕成公○秋小邾子來朝○八月大雩○冬大雨
電○北燕伯款出奔齊

其曰北燕從史文也

四年春王正月大雨雪○夏楚子蔡侯陳侯鄭伯許
男徐子滕子頓子胡子沈子小邾子宋世子佐淮夷
會于申楚人執徐子○秋七月楚子蔡侯陳侯許男
頓子胡子沈子淮夷伐吳執齊慶封殺之

此人而殺其不言人何也慶封封乎吳鍾離其不

言伐鍾離何也不與吳討也慶封其以齊氏何也
為齊討也靈王使人以慶封令於軍中曰有若齊
慶封弑其君者乎慶封曰子一息我亦且一言曰
有若楚公子圍弑其兄之子而代之為君者乎軍
人粲然皆笑慶封弑其君而不以弑君之罪罪之
者慶封不為靈王服也不與楚討也春秋之義用
貴治賤用賢治不肖不以亂治亂也孔子曰懷惡
而討雖死不服其斯之謂與

遂滅厲

遂繼事也

九月取繒○冬十有二月乙卯叔孫豹卒

五年春王正月舍中軍

貴復正也

楚殺其大夫屈申○公如晉○夏莒牟夷以牟婁及

防茲來奔

以者不以者也來奔者不言出防茲以大及小

也莒無大夫其曰牟夷何也以其地來也以地來

則何以書也重地也

秋七月公至自晉○戊辰叔弓帥師敗莒師于賁泉

狄人謂賁泉失台號從中國名從主人

秦伯卒○冬楚子蔡侯陳侯許男頓子沈子徐人越

人伐吳

六年春王正月杞伯益姑卒○葬秦景公○夏季孫

宿如晉○葬杞文公○宋華合比出奔衛○秋九月

大雩○楚遠罷帥師伐吳○久叔弓如楚○齊侯伐北燕

七年春王正月暨齊平

平者成也暨猶暨暨也暨者不得已也以外及內曰暨

三月公如楚○叔孫婁如齊莅盟

莅位也內之前定之辭謂之莅外之前定之辭謂之來

夏四月甲辰朔日有食之○秋八月戊辰衛侯惡卒

鄉曰衛齊惡今日衛侯惡此何為君臣同名也君子不奪人名不奪人親之所名重其所以來也王父名子也

九月公至自楚○冬十有一月癸未季孫宿卒○十有二月癸亥葬衛襄公

八年春陳侯之弟招殺陳世子偃師

鄉曰陳公子招今日陳侯之弟招何也曰盡其親

所以惡招也兩下相殺不於春秋此其志何也
世子云者唯君之貳也云可以重之存焉志之也
諸侯之尊兄弟不得以屬通其弟云者親之也親
而殺之惡也

夏四月辛丑陳侯溺卒○以弓如晉○楚人執陳行
人干徵師殺之

稱人以執大夫執有罪也稱行人怨接於上也

陳公子留出奔鄭○秋蒐于紅

正也因蒐狩以習用武事禮之大者也父闞以為
防黑旃以為轅門以葛覆質以為檠流旁握御鞶
者不得入車軌塵馬候蹄揜禽旅御者不失其馳
然後射者能中過防弗逐不從奔之道也面傷不
獻不成禽不獻禽雖多天子取三十焉其餘與士
衆以習射於射宮射而中田不得禽則得禽田得
禽而射不中則不得禽是以知古之貴仁義而賤
勇力也

陳人殺其大夫公子過○大宮○冬十月壬午楚師滅陳執陳公子招放之于越殺陳孔奐

惡楚子也

葬陳哀公

不與楚滅閔公也

九年春叔弓會楚子于凍○許遷于夷○夏四月陳火

國曰災邑曰火火不志此何以志閔陳而存之也

秋仲孫獲如齊○冬築郎囿

十年春王正月○夏齊藥施來奔○初七月季孫意如叔弓仲孫獲帥師伐莒○戊子晉侯彪卒○九月叔孫婁如晉葬晉平公○十有二月甲子宋公成卒十有一年春王二月叔弓如宋葬宋平公○夏四月丁巳楚子虔誘蔡侯般殺之于申

何為名之也夷狄之君誘中國之君而殺之故謹而名之也稱時稱月稱日稱地謹之也

楚公子棄疾帥師圍蔡○五月中申夫人歸氏薨○
大蒐于比蒲○仲孫獲會邾子盟于祲祥○秋季孫
意如會晉韓起齊國弱宋華亥衛北宮佗鄭罕虎曹
人杞人于厥愁○九月己亥葬我小君齊歸○冬十
有一月丁酉楚師滅蔡執蔡世子友以歸用之
此子也其曰世子何之不與楚殺也一事註乎志
所以惡楚子也

十有二年春齊高偃帥師納北燕伯于陽

納者內不受也燕伯之不名行也不以高偃挈燕
伯也

三月壬申鄭伯嘉卒○夏宋公使華定來聘○公如
晉至河乃復

季孫氏不使遂乎晉也

五月葬鄭簡公○楚殺其大夫成虎○秋七月○冬
十月公子愁出奔齊○楚子伐徐○晉伐鮮虞

其曰晉狄之也其狄之何也不正其與夷狄交伐

中國故狄稱之也

十有三年春叔弓帥師圍費○夏四月楚公子比自
晉歸于楚弑其君虔于乾溪

自晉晉有奉焉爾歸而弑不言歸言歸非弑也歸
一事也弑一事也而遂言之以比之歸弑比不弑
也弑君者日不日比不弑也

楚公子棄疾殺公子比

當上之辭也當上之辭者謂不稱人以殺乃以恣
殺之也討賊以當上之辭殺非弑也比之不弑可
四取國者稱國以弑楚公子棄疾殺公子比比不
嫌也春秋不以嫌代嫌棄疾主其事故嫌也

秋公會劉子晉侯齊侯宋公衛侯鄭伯曹伯莒子邾
子滕子薛伯杞伯小邾子于平邱八月甲戌同盟于
平邱公不與盟

同者有同也同外楚也公不與盟者可以與而不
與譏在公也其日善是盟也

晉人執季孫意如以歸公至自會○蔡伋廬于蔡
陳侯吳歸于陳

善其成之會而歸之故謹而日之此未嘗不國也
使如失國辭然者不與楚滅也

冬十月葬蔡靈公

變之不葬有三失德不葬弑君不葬滅國不葬然
且葬之不與楚滅且成諸侯之事也

公如晉至河乃復○吳滅州外

十有四年春意如至自晉

大夫執則致致則名意如惡然而致見君臣之禮
也

三月曹伯滕卒○夏四月○秋葬曹武公○八月莒

子去疾卒○冬莒殺其公子意恢

言公子而不言大夫莒無大夫也莒無大夫而曰
公子意恢意恢賢也曹莒皆無大 其所以無大
夫者其義異也

十有五年春王正月吳子夷末卒○二月癸酉有事于武宮籥入叔弓卒去樂卒事

君在祭樂之中聞大夫之喪則去樂卒事禮也君在祭樂之中大夫有變以聞可乎大夫國體也古之人重死君命無所不通

夏蔡朝吳出奔鄭○六月丁巳朔日有食之○秋晉荀吳帥師伐鮮虞○冬公如晉

十有六年春齊侯使徐○楚子誘戎蠻子殺之○夏

公至自晉○秋八月己亥晉侯夷卒○九月大雨○

季孫意如如晉○冬十月葬晉昭公

十有七年春小邾子來朝○夏六月甲戌朔日有食

之○秋郊子來朝○八月晉荀吳帥師滅陸渾戎○

冬有星孛于大辰

一有一亡曰有于大辰者濫于大辰也

楚人及吳戰于長岸

兩夷狄曰敗中國與夷狄亦曰敗楚人及吳戰于

長岸水楚子故曰戰

十有八年春王三月曹伯須卒○夏一月壬午宋衛陳鄭災

其志以同日也其日亦以同日也或曰人有謂鄭子產曰某日有災子產曰天者神子惡知之是人也同日為四國災也

六月邾人入郟○秋葬曹平公○冬許遷于白羽十有九年春宋公伐邾○夏五月戊辰許亡子止死

其君買

日弑正卒也正卒則止不弑也不弑而曰弑責上也止曰我與夫弑者不立乎其位以與其弟虺哭泣歔飭粥噍不容米未踰年而死故君子即止自責而責之也

己卯地震○秋齊高發帥師伐莒○冬葬許悼公

日卒時年不使止為弑父也曰子生不免乎水火母之非也羈貫成童不就師傅父一罪也就師

學問無方心志不通身之罪也心志以通而名譽不聞友之罪也名譽既聞有司不斥有司之罪也有司舉之王者不用王者之過也許世子不知嘗藥累及許君也

二十年春王正月○公孫會自夢出奔宋

自夢者專乎夢也曹無大夫其曰公孫何也言其以貴取之而不以叛也

秋盜殺衛侯之兄輒

盜賤也其曰兄母九也目衛侯衛侯累也然則何為不為君也曰有天疾者不得入乎宗廟輒者何也曰兩足不能相過齊謂之綦楚謂之跣衛謂之輒

冬十月宋華亥向寧華定出奔陳○十有一月辛卯蔡侯廬卒

二十有一年春王三月葬蔡平公○夏晉侯使士鞅來聘○定辛亥向寧華定自陳入于宋而里以叛

自陳陟有奉馬爾入者內弗受也其言宋南里宋之南鄙也。以者不以者也。叛直叛也。

秋七月壬午朔日有食之。○八月乙亥叔鞅卒。○冬蔡侯東出奔楚。

東者東國也。何為謂之東也。王父誘而殺焉。父執而用焉。奔而又奔之曰東。惡之而貶之也。

公如晉至河乃復。

二十有二年春齊侯伐莒。○宋華亥回寧華定自宋。

南里出奔楚。

自宋南里者專也。

大蒐于昌間。

秋而曰蒐。此春也。其曰蒐何也。以蒐事也。

夏四月乙丑天王崩。○六月叔鞅如京師葬景王。○

王室亂。

亂之為言事未有所成也。

劉子單子人王猛居于皇。

以者不以者也王猛嫌也

秋劉子驥子以王猛入于王城

以者不以者也入者內弗受也

冬十月王子猛卒

此不卒者也其曰卒失嫌也

十有二月癸酉朔日有食之

二十有三年春王正月叔孫婁如晉○癸丑叔鞅卒

○晉人執我行人叔孫婁○晉人圍邲○夏六月蔡

侯東國卒于楚○秋七月莒子庚與來奔○戊辰吳

敗頓胡沈蔡陳許之師于雞甫胡子髡沈子盈滅獲

陳夏鬻

中國不言敗此其言敗何也中國不敗胡子髡沈

子盈其滅乎其言敗釋其滅也獲陳夏鬻獲者非

與之辭也上下之稱也

天王居于狄泉

始王也○曰天王因其居而王之也

尹氏立王于朝

立者不宜立者也朝之不名何也別嫌乎尹氏之朝也

八月乙未地震○冬公如平至河公有疾乃復

疾不志此其志何也釋不得入乎晉也

二十有四年春王二月丙戌仲孫釁卒○姒至自晉

大夫執則致致則挈由上致之也

夏五月乙未朔日有食之○秋八月六雩○丁酉杞

伯郁釐卒○冬吳滅
言○葬杞平公

二十有五年春叔孫婁如宋○夏叔倪會晉趙鞅宋

樂大心衛北宮喜鄭游吉曹人邾人滕人薛人小邾人于黃父○有鸛鵒來巢

一有一亡曰有來者來中國也鸛鵒穴者而曰巢或曰增之也

秋七月辛酉大雩季辛又雩

季者有尸之辭也又有繼之辭也

九月乙亥公孫于齊次于陽州

孫之為言猶孫也諱奔也次止也

齊侯唁公于野井

弔失國曰唁唁公不得入於魯也

冬十月戊辰叔孫婁卒○十有一月己亥宋公佐卒

于曲棘

邠公也

十有二月齊侯取鄆

取易辭也內不言人以其為公取之故易言之也

二十有六年春王正月葬宋元公○二月公至自齊

居于鄆

公次于陽州其曰至自齊何也以齊侯之見公可
以言至自齊也居于鄆者公在外也至自齊道義
不外公也

夏公圍成

平國不言圍所以言圍者以大公也

和公會齊侯莒子邾子杞伯盟于鄆公至自會居
于鄆

公在外也至自會道義不外也

九月庚申楚子居卒○冬十一月天王入于成周

周有入無出也

尹氏召伯毛伯以王子朝奔楚

遠矣非也奔直奔也

二十有七年春公如齊公至自齊居于鄆

公在外也

夏四月吳弑其君僚○楚殺其大夫郟宛○秋晉士

鞅宋樂祁犁衛北宮喜曹人邾人滕人會于扈○冬

十月曹伯午卒○邾快來奔○公如齊公至自齊居

于鄆

二十有八年春王三月葬曹悼公○公如晉次于乾

侯

公在外也

四月丙戌鄭伯寧卒○六月葬鄭伯○秋七月
癸巳滕子寧卒○冬葬滕悼公

二十有九年春公至自乾侯居鄆○齊侯使高張
來唁公

唁公不得入於魯也

公如晉次于乾侯○夏四月庚子叔白卒

季孫意如曰叔倪無病而死此皆無公也是天命
也非我罪也

秋七月○冬十月鄆

潰之為言上下不相得也上下不相得則惡矣亦
譏公也昭公出而民如釋重負

三十年春王正月公在乾侯

中國不存公存公故也

夏六月庚辰晉侯去疾卒○秋八月葬晉頃公○冬
十有二月吳滅徐徐子章羽奔楚

十有一年春王正月公在乾侯○季孫意如會晉

標于適歷○夏四月丁巳薛伯穀卒○晉侯使荀
標唁公于乾侯

唁公不得入於魯也曰既為子言之矣不可者意
如也

秋葬薛獻公○冬黑肱以濫來奔

其不言邾黑肱何也別乎邾也其不言濫子何也
非天子所封也來奔內不言叛也

十有二月辛亥朔日不食之

三十有二年春王正月公在乾侯取闕○夏吳伐越

○秋七月○冬仲孫何忌會晉韓不信齊高張宋仲
幾衛大叔申鄭國參曹人莒人邾人郕人杞人小邾
人城成周

天子微諸侯不享覲天子之在者惟祭與號故諸
侯之大夫相帥以城之此變之正也

十有二月己未公薨于乾侯

春秋穀梁傳十一

定公

元年春王

不言正月定無正也定之無正何也昭公之終非
正終也定之始非正始也昭無正終故定無正始
不言即位喪在外也

三月晉人執宋仲幾于京師

此其大夫其曰人何也微之也何為微之不正其

執人於尊者之所也不與大夫之伯討也

夏六月癸亥公之喪至自乾侯戊辰公即位

殯然後即位也定無正見無以正也踰年不言即位是有故公也言即位是無故公也即位授受之道也先君無正終則後君無正始也先君有正終則後君有正始也戊辰公即位謹之也定之即位不可不察也公即位何以日也戊辰之日然後即位也癸亥公之喪至自乾侯何為戊辰之日然後

即位也正君乎國然後即位也沈子曰正棺乎兩楹之間然後即位也內之大事日即位君之大事也其不日何也以年決者不以日決也此則其日何也著之也何著焉踰年即位厲也於厲之中又有義焉未殯雖有天子之命猶不敢況臨諸臣乎周人有喪魯人有喪周人弔魯人不弔周人曰固吾臣也使人可也魯人曰吾君也親之者也使大夫則不可也故周人弔魯人不弔以其下成康為

未久也君至尊也去父之殯而往弔猶不敢況未殯而臨諸臣乎

秋七月癸巳葬我君昭公○九月大雩

雩月雩之正也秋大雩非正也冬大雩非正也秋大雩雩之為非正何也毛澤未盡人力未竭未可以雩也雩月雩正也月之為雩之正何也其時窮人力盡然後雩雩之正也何謂其時窮人力盡是月不雨則無及矣是年不艾則無食矣是謂其

時窮人力盡也雩之必待其時窮人力盡何也雩者為早求者也求者請也古之人重請何重乎請人之所以為人者讓也請道去讓也則是舍其所以為人也是以重之焉請哉請乎應上公古之神人有應上公者通乎陰陽君親帥諸大夫道之而以請焉夫請者非可詔託而往也必親之者也是以重之

立者不宜立者也

冬十月隕霜殺菽

未可以殺而殺舉重可殺而不殺舉輕其曰菽舉重也

二年春王正月○夏五月壬辰雉門及兩觀災

其不曰雉門災、兩觀何也災自兩觀始也不以尊者親災也先言雉門尊尊也

秋楚人伐吳○冬十月新作雉門及兩觀

言新有舊也作為也有加其度也此不正其以尊者親之何也雖不正也於美猶可

三年春王正月公女晉至河乃復○三月辛卯邾子

穿卒○夏四月○秋葬邾莊公○冬仲孫何忌及邾

子盟于拔

四年春王二月癸巳陳侯吳卒○三月公會劉子晉

侯宋公蔡侯衛侯陳子鄭伯許男曹伯莒子邾子頓

子胡子滕子薛伯杞伯小邾子齊國夏于召陵侵楚

○夏四月庚辰蔡公孫姓帥師滅沈以沈子嘉歸殺之○五月公及諸侯盟于皋鼬

後而再會公志於後會也後志疑也

杞伯成卒于會○六月葬陳惠公○許遷于容城○

秋七月公至自會○劉卷卒

此不卒而卒者以之也震內諸侯也非列土諸侯此何以卒也天王崩為諸侯主也

葬杞悼公○楚人圍蔡○晉士鞅衛孔圉帥師伐齊

虞○葬劉文公○冬十有一月庚午蔡侯以吳子及楚人戰于伯舉楚師敗績

吳其稱子何也○蔡侯之以之舉其貴者也○蔡侯之以之則其舉貴者何也○吳信中國而攘夷狄吳進矣其信中國而攘夷狄奈何子胥父誅于楚也挾弓持矢而干闥廬闔廬曰大之甚勇之甚為是欲興師而伐楚子胥諫曰臣聞之君不為匹夫興師且事君猶事父也虧君之義復父之讐臣弗為

也於是止蔡昭公朝於楚有美裘正是日囊瓦求
之昭公不與為是拘昭公於南郢數年然後得歸
歸乃用事乎漢曰苟諸侯有欲伐楚者寡人請為
前列焉楚人聞之而怒為是興師而伐蔡蔡請救
于吳子胥曰蔡非有罪楚無道也君若有憂中國
之心則若此時一矢為是興師而伐楚何以不言
救也救大也

楚囊瓦出奔鄭○庚辰吳入楚

日入易無楚也易無楚者壞宗廟徙陳器楚平王
之墓何以不言滅也欲存楚也其次存楚奈何昭
王之軍敗而逃父老送之曰寡人不肖亡先王之
邑父老反矣何憂無君寡人且用此入海矣父老
曰有君如此其賢也以衆不如吳以必死不如楚
相與擊之一夜而三敗吳人復立何以謂之吳也
狄之也何謂狄之也君居其君之寢而妻其君之
妾大夫居其大夫之寢而妻其大夫之妻蓋有欲

妾楚王之母者不正乘敗人之績而深為利
之凶故反其狄道也

五年春王三月辛亥朔日有食之○夏歸粟于蔡
諸侯無粟諸侯相歸粟正也孰歸之諸侯也不言
歸之者專鄭也義邇也

於越入吳○六月丙申季孫意如卒○秋七月壬子
叔孫不敢卒○冬晉士鞅帥師圍鮮虞

六年春王正月癸亥鄭游速帥師滅許以許男斯歸

季孫斯仲孫何忌帥師侵衛○冬衛侯邴伯盟于甘

濮○從祀先公

貴復玉也

盜竊寶玉大弓

寶王者封圭也大弓者武王之戎弓也周公受賜
藏之魯非其所以與人而與人謂之亡非其所取
而取之謂之盜

九年春王正月○夏四月戊申鄭伯薨卒

大弓

小地何也寶玉大弓在家則蓋不日蓋也惡得之得之堤下或曰陽虎以解眾也

六月葬鄭獻公○秋齊侯衛侯次于五氏○秦伯卒

○冬葬秦哀公

十年春三三月及齊平○夏公會齊侯于頰谷公至

自頰谷

離會不致何為致也危之也危之則以地致何

○二月公侵鄭公至自侵鄭○夏季孫斯仲孫何忌

如晉○秋晉人執宋行人樂祁犁○城

城中城者三家張也或曰非外民也

季孫斯仲孫何忌帥師圍鄆

七年春王正月○夏四月○秋齊侯鄭伯盟于鹹○

齊人執衛行人北宮結以侵衛

以重辭也衛人重北宮結

齊侯衛侯盟于沙○大雩○齊國夏沛師

○元月大雩○冬十月

八年不王正月公侵齊公至自侵齊二月公侵齊三月公至自侵齊

公如往時致月危致也往月致時危往也往月致月惡之也

曹伯露也○夏齊國夏帥師伐我西鄙○公會晉師于瓦公至自瓦○秋七月戊辰陳侯柳卒○晉士鞅帥師侵鄭遂侵衛○葬曹靖公○九月葬陳懷公○

為危之之其危奈何曰頰谷之會孔子相焉而左就壇兩相相揖齊人以譟而起欲以執魯君孔子歷階而二不盡一等而視歸乎齊侯曰兩君合于夷狄之民河為采為命司馬止之齊侯遂巡而謝曰寡人之過也退而屬其二三大夫曰夫人率其君與之行古人之道二三子獨率我而入夷狄之俗何為罷會齊人使優施舞於魯君之幕下孔子曰笑君者罪當死使司馬行法焉首足子

齊人來歸謂龜陰之田者蓋為此也因

雖有文事必有武備孔子於頃之會見之矣

晉趙鞅帥師圍衛○齊人來歸鄆謂龜陰之田○叔

孫州仇仲孫何忌帥師圍郕○秋叔孫州仇仲孫何

忌帥師圍郕○宋樂大心出奔曹宋公子地出奔陳

○冬齊侯衛侯鄭游速會于安甫○叔孫州仇如齊

○宋公之弟辰暨宋仲伋石驅出奔陳

十有一年春宋公之弟辰及仲伋石驅公子地自陳

入于蕭以叛

宋公之弟辰未失其弟也及仲伋石驅公子地以

尊及卑也自陳陳有奉焉爾入于蕭以叛入者均

弗受也以者不以也叛直叛也

夏四月○秋宋樂大心自曹入于蕭○冬及鄭平叔

還如鄭莅盟

十有二年春薛伯定卒○夏葬薛襄公○叔孫州仇

帥師墮郕

墮猶取

衛公孟彊帥師伐曹○季孫斯帥師墮費
○秋大雩○冬十月癸亥公會齊侯盟于黃○十有
一月丙寅朔日有食之○公至自黃○十有二月公
圍成

非國言圍圍成大公也

公至自圍成

何以致危之也何危爾邊乎齊也

十有三年春齊侯次于垂葭○夏築蛇淵圍○大蒐
于比蒲○衛公孟彊帥師伐曹○秋晉趙鞅入于晉
陽以叛

以者不以者也叛直叛也

冬晉荀寅士吉射入于朝歌以叛○晉趙鞅歸于晉

此叛也其以歸言之何也貴其以地反也貴其以

地反則是大利也非大刑也許悔過也許悔過則

何以言叛也以地正國也以地正國則何以言叛

其入無君命也

薛弒其君比

十有四年春衛公叔戌來奔○晉趙陽出奔宋○二月辛巳楚公子結陳公孫佗人帥師滅頓以頓子牂歸○夏衛北宮結來奔○五月於越敗吳于檇李○吳子光卒○公會齊侯衛侯于牽公至自會○秋齊侯宋公會于洮○天王使石尚來歸脤

脤者何也俎實也祭肉也生日脤熟曰臠其辭石

尚士也何以知兵士也天子之大夫不名石尚欲書春秋諫曰久矣周之不行禮於魯也請行脤貴復正也

衛世子蒯聵出奔宋衛公孟彊出奔鄭○宋公之弟辰自蕭來奔○大蒐于比蒲邾子來會公○城莒父及霄

十有五年春王正月邾子來朝○鼯鼠食郊牛牛死改卜牛

不敬莫大焉

二月辛丑楚子滅胡以胡子豹歸○夏五月辛亥郊
○壬申公薨于高寢

高寢非正也

鄭罕達帥師伐宋○齊侯衛侯次于渠蔭○邾子來
奔喪

喪急故以奔言之

秋七月壬申弋氏卒

妾辭也哀公之姊也

八月庚辰朔日有食之○九月滕子來會葬○丁巳
葬我君定公雨不克葬

葬既有日不為雨止禮也雨不克葬喪不以制也
戊午日下殺乃克葬

乃急辭也不足乎日之辭也

辛巳葬定弋○冬城漆

春秋穀梁傳十二

不公

元年春王正月公即位○楚子陳侯隨侯許男圍蔡
○饑鼠食郊牛角改卜牛夏四月辛巳郊

此說之變而道之也於變之中又有言焉饑鼠食

郊牛角改卜牛志不敬也郊牛日展觶角而知傷

展道盡矣郊自正月于三月郊之時也夏四月

不時也五月郊不時也見之可以承春以秋

末承春之始蓋不可也八月郊用者不宜用者也郊三禮也四非禮也五強也卜免牲者吉則免之不吉則否牛傷不言傷之者傷自牛非也故其辭緩全曰牲傷曰牛未牲曰牛其牛一也其所以為牛者異有變而不郊故卜免牛也已牛矣其尚卜免之何也禮與其亡也寧有嘗置之上而後免之不取專也卜之不吉則如之何不免以置之繫而待六月上甲始庀牲然後

左右之子之所言者牲之變也而曰我一該郊之變不道也我以六月二日始庀牲十月上甲始繫牲十一月十二月牲雖有變不道也待正月然後言牲之變此乃所以該郊享道也貴其時力其禮其養牲雖小不備可也子不志三月卜郊何也郊自正月至于三月郊之時也我以十二月下辛卜正月上辛如從則以正月下辛卜二月下辛如不從則以二月下月上辛如不從

不郊矣

秋齊侯衛侯伐晉○冬孫何忌帥師伐邾

二年春王二月季孫斯叔孫州仇仲孫何忌帥師以
邾取邾東田及沂西田

取邾東田沂東未盡也及沂西田沂西未盡也

癸巳叔孫州仇仲孫何忌及邾子盟于句繹

三人伐而二人盟何也各盟其得也

四月丙子衛侯元卒○滕子來朝○趙鞅帥師

系衛世子蒯聵于戚

納者內帛受也帥師而後約者有伐也何用弗受
也以輒不受也以輒不受父之命受之王父也信
父而辭王父則是不尊王父也其弗受以尊王父
也

秋八月甲戌晉趙鞅帥師及鄭罕達帥師戰于鐵鉏
師敗績○冬十月葬衛公○十有一月蔡遷于州

及其大夫公子駟

三三 春齊國夏衛石曼姑也 邾圍

此衛事也并先國夏也子不圍父也不繫戚於衛者子不有父也

夏四月甲午地震○五月辛卯桓宮僖宮災

言及則祖有尊卑由我言之則一也

季孫斯叔孫州仇帥師城啓陽○宋樂髡帥師伐曹
○秋七月丙子季孫斯卒○蔡人放其大夫公孫獵
吳○冬十月癸卯秦伯卒○叔孫州二仲孫何忌

帥師圍邾

四年春王二月庚戌盜弑蔡侯申

稱盜以弑君不以上下道道也內其君而外弑者不以弑道道也春秋有三盜微殺大夫謂之盜非所取而取之謂之盜辟中國之正道以襲利謂之盜

蔡公孫辰出奔吳○葬秦惠公○宋人執小邾子○
夏蔡殺其大夫公孫姓公孫霍○人執戎蠻子赤

歸于楚○城西郛○六月辛丑亳之災

亳社者亳之社也亳亡國也亡國之社以為廟屏
戒也其屋亡國之社不得達上也

秋八月甲寅滕子結卒○冬十有二月葬蔡昭公○
葬滕頃公

五年春城毗○夏齊侯伐宋○晉趙鞅帥師伐衛○
秋九月癸酉齊侯杵臼卒○冬叔還如齊○閏月葬
齊景公

不正其閏也

六年春城邾瑕○晉趙鞅帥師伐鮮虞○吳伐陳○
夏齊國夏及高張來奔○叔還會吳于柤○秋七月
庚寅楚子軫卒○齊陽生入于齊齊陳乞弑其君荼
陽生入而弑其君以陳乞主之何也不以陽生君
荼也其不以陽生君荼何也陽生正荼不正不正
則其曰君何也荼雖不正已受命矣入者內弗受
也荼不正何用弗受以其受命可以言弗受也陽

生其以國氏何也取國於荼也

冬仲孫何忌帥師伐邾○宋向巢帥師伐曹

七年春宋皇瑗帥師侵鄭○晉魏曼多帥師侵衛○

夏公會吳于繒○秋公伐邾八月己酉入邾以邾子益來

以者不以者也益之名惡也春秋有臨天下之言焉有臨一國之言焉有臨一家之言焉其言來者有外魯之辭焉

宋人圍曹○冬鄭駟宏帥師救曹

八年春王正月宋公入曹以曹伯陽歸○吳伐我○夏齊人取謹及闡

惡內也

歸邾子益于邾

益之名失國也

秋七月○冬十有二月癸亥杞伯過卒○齊人歸謹及闡

九年春王二月葬杞僖公○宋皇瑗帥師取鄭師于
雍邱

取易辭也以師而易取鄭病矣

夏楚人伐陳○秋宋公伐鄭○冬十月

十年春王二月邾子益來奔○公會吳伐齊○三月
戊戌齊侯陽生卒○夏宋人伐鄭○晉趙鞅帥師侵
齊○五月公至自伐齊○葬齊悼公○衛公孟彊自
齊歸于衛○薛伯夷卒○秋葬薛惠公○冬楚公子

結帥師伐陳吳救陳

十有一年春齊國書帥師伐我○夏陳轅頗出奔鄭
○五月公會吳伐齊甲戌齊國書帥師及吳戰于艾
陵齊侯敗績獲齊國書○秋七月辛酉滕子虞母卒
○冬十有一月葬滕隱公○衛世叔齊出奔宋
十有二年春用田賦

古者公田什一用田賦非正也

夏五月甲辰孟子卒

孟子者何也昭公夫人也其不言夫人何也諱取同姓也

公會吳于橐皋○秋公會衛侯宋皇瑗于鄆○宋向巢帥師伐鄭○冬十有二月螽

十有三年春鄭罕達帥師取宋師于蟲

取易辭也以師而易取宋病矣

夏許男成卒○公會晉侯及吳子于黃池

黃池之會吳子進乎菑遂于矣吳夷狄之國也祝

髮文身欲因魯之禮因晉之權而請冠端而寵其藉于成周以尊天王吳進矣吳東方之大國也累累致小國以會諸侯以合乎中國吳能為之則不臣乎吳進矣王尊稱也子卑稱也辭尊稱而居卑稱以會乎諸侯以尊天王吳王夫差曰好冠來孔子曰大矣哉夫差未能言冠而欲冠也

楚公子申帥師伐陳○於越入吳○秋公至自會○晉魏曼多帥師侵衛○葬許元公○九月螽○冬十

有一月有星孛于東方○盜殺陳夏區夫○十有二
月蝨

十有四年春西狩獲麟

引取之也狩地不地不狩也非狩而曰狩大獲麟
故大其適也其不言來不外麟於中國也其不言
有不使麟不恒於中國也

孝經



開宗明義章第一

仲尼居曾子侍子曰先王有至德要道以順天下民
用和睦上下無怨汝知之乎曾子避席曰參不敏何
足以知之子曰夫孝德之本也教之所由生也復坐
吾語汝身體髮膚受之父母不敢毀傷孝之始也立
身行道揚名於後世以顯父母孝之終也夫孝始於
事親中於事君終於立身大雅云無念爾祖聿脩厥

德

天子章第二

子曰愛親者不敢惡於人敬親者不敢慢於人愛敬
盡於事親而德教加於百姓刑於四海蓋天子之孝
也甫刑云一人有慶兆民賴之

諸侯章第三

在上不驕高而不危制節謹度滿而不溢高而不危
所以長守貴也滿而不溢所以長守富也富貴不離

其身然後能保其社稷而和其民人蓋諸侯之孝也
詩曰戰戰兢兢如臨深淵如履薄冰

卿大夫章第四

非先王之法服不敢服非先王之法言不敢道非先
王之德行不敢行是故非法不言非道不行口無擇
言身無擇行言滿天下無口過行滿天下無怨惡三
者備矣然後能守其宗廟蓋卿大夫之孝也詩云夙
夜匪懈以事一人

士章第五

資於事父以事母而愛同資於事父以事君而敬同
故母取其愛而君取其敬兼之者父也故以孝事君
則忠以敬事長則順忠順不失以事其上然後能保
其祿位而守其祭祀蓋士之孝也詩云夙興夜寐無
忝爾所生

庶人章第六

用天之道分地之利謹身節用以養父母此庶人之

孝也故自天子至於庶人孝無終始而患不及者未
之有也

三才章第七

曾子曰甚哉孝之大也子曰夫孝天之經也地之義
也民之行也天地之經而民是則之則天之明因地
之利以順天下是以其教不肅而成其政不嚴而治
先王見教之可以化民也是故先之以博愛而民莫
遺其親陳之以德義而民興行先之以敬讓而民不

爭導之以禮樂而民和睦示之以好惡而民知禁詩
云赫赫師尹民具爾瞻

孝治章第八

子曰昔者明王之以孝治天下也不敢遺小國之臣
而況於公侯伯子男乎故得萬國之歡心以事其先
王治國者不敢侮於鰥寡而況於士民乎故得百姓
之歡心以事其先君治家者不敢失於臣妾而況於
妻子乎故得人之歡心以事其親夫然故生則親安

之祭則鬼享之是以天下和平災害不生禍亂不作
故明王之以孝治天下也如此詩云有覺德行四國
順之

聖治章第九

曾子曰敢問聖人之德無以加於孝乎子曰天地之
性人為貴人之行莫大於孝孝莫大於嚴父嚴父莫
大於配天則周公其人也昔者周公郊祀后稷以配
天尊祀文王於明堂以配上帝是以四海之內各以

其職來祭夫聖人之德又何以加於孝乎故親生之
膝下以養父母日嚴聖人因嚴以教敬因親以教愛
聖人之教不肅而成其政不嚴而治其所因者本也
父子之道天性也君臣之義也父母生之續莫大焉
君親臨之厚莫重焉故不愛其親而愛他人者謂之
悖德不敬其親而敬他人者謂之悖禮以順則逆民
無則焉不在於善而皆在於凶德雖得之君子不貴
也君子則不然言思可道行思可樂德義可尊作事

可法容止可觀進退可度以臨其民是以其民畏而
愛之則而象之故能成其德教而行其政令詩云淑
人君子其儀不忒

紀孝行章第十

子曰孝子之事親也居則致其敬養則致其樂病則
致其憂喪則致其哀祭則致其嚴五者備矣然後能
事親事親者居上不驕為下不亂在醜不爭居上而
驕則亡為下而亂則刑在醜而爭則兵三者不除雖

日用三牲之養猶為不孝也

五刑章第十一

子曰五刑之屬三千而罪莫大於不孝要君者無上非聖人者無法非孝者無親此大亂之道也

廣要道章第十二

子曰教民親愛莫善於孝教民禮順莫善於悌移風易俗莫善於樂安上治民莫善於禮禮者敬而已矣故敬其父則子悅敬其兄則弟悅敬其君則臣悅敬

一人則千萬人悅所敬者寡而悅者衆此之謂要道也

廣至德章第十三

子曰君子之教以孝也非家至而日見之也教以孝所以敬天下之為人父者也教以悌所以敬天下之為人兄者也教以臣所以敬天下之為人君者也詩云愷悌君子民之父母非至德其孰能順民如此其大者乎

廣揚名章第十四

子曰君子之事親孝故忠可移於君事兄悌故順可移於長居家理故治可移於官是以行成於內而名立於後世矣

諫諍章第十五

曾子曰若夫慈愛恭敬安親揚名則聞命矣敢問子從父之令可謂孝乎子曰是何言與是何言與昔者天子有爭臣七人雖無道不失其天下諸侯有爭臣

五人雖無道不失其國大夫有爭臣三人雖無道不失其家士有爭友則身不離於令名父有爭子則身不陷於不義故當不義則子不可以不爭於父臣不可以不爭於君故當不義則爭之從父之令又焉得為孝乎

感應章第十六

子曰昔者明王事父孝故事天明事母孝故事地察長幼順故上下治天地明察神明彰矣故雖天子必

有尊也言有父也必有先也言有兄也宗廟致敬不
忘親也脩身慎行恐辱先也宗廟致敬鬼神著矣孝
悌之至通於神明光於四海無所不通詩云自西自
東自南自北無思不服

事君章第十七

子曰君子之事上也進思盡忠退思補過將順其美
匡救其惡故上下能相親也詩云心乎愛矣遐不謂
矣中心藏之何日忘之

喪親章第十八

子曰孝子之喪親也哭不偯禮無容言不文服美不
安聞樂不樂食旨不甘此哀戚之情也三日而食教
民無以死傷生毀不滅性此聖人之政也喪不過三
年示民有終也為之棺槨衣衾而舉之陳其簠簋而
哀感之擗踊哭泣哀以送之卜其宅兆而安厝之為
之宗廟以鬼享之春秋祭祀以時思之生事愛敬死
事哀感生民之本盡矣死生之義備矣孝子之事親

終矣

大學

子程子曰大學孔氏之遺書而初學入德之門也於今可見古人為學次第者獨賴此篇之存而論孟次之學者必由是而學焉則庶乎其不差矣

大學之道在明明德在親民在止於至善知止而后有定定而后能靜靜而后能安安而后能慮慮而后能得物有本末事有終始知所先後則近道矣古之

欲明明德於天下者先治其國欲治其國者先齊其
家欲齊其家者先脩其身欲脩其身者先正其心欲
正其心者先誠其意欲誠其意者先致其知致知在
格物物格而后知至知至而后意誠意誠而后心正
心正而后身脩身脩而后家齊家齊而后國治國治
而后天下平自天子以至於庶人壹是皆以脩身為
本其本亂而末治者否矣其所厚者薄而其所薄者
厚未之有也

右經一章蓋孔子之言而曾子述之其傳十章
則曾子之意而門人記之也舊本頗有錯簡今
因程子所定而更考經文別為序次如左
康誥曰克明德大甲曰顧諟天之明命帝典曰克明
峻德皆自明也

右傳之首章釋明明德

湯之盤銘曰苟日新日日新又日新康誥曰作新民
詩曰周雖舊邦其命維新是故君子無所不用其極

右傳之二章釋新民

詩云邦畿千里 民所止詩云緡蠻黃鳥止于邱隅
子曰於止知其所止可以人而不如鳥乎詩云穆穆
文王於緡熙敬止為人君止於仁為人臣止於敬為
人子止於孝為人父止於慈與國人交止於信詩云
瞻彼淇澳棗竹猗猗有斐君子如切如磋如琢如磨
瑟兮僖兮赫兮喧兮有斐君子終不可諠兮如切如
磋者道學也如琢如磨者自脩也瑟兮僖兮者恂慤

也赫兮喧兮者威儀也有斐君子終不可諠兮者道
盛德至善民之不能忘之詩云於戲前王不忘君子
賢其賢而親其親小人樂其樂而利其利此以沒世
不忘也

右傳之三章釋止於至善

子曰聽訟吾猶人也必也使無訟乎無情者不得盡
其辭大畏民志此謂知本

右傳之四章釋本末

此謂知本此謂知之至也

右傳之五章蓋釋格物致知之義而今亡矣間嘗竊取程子之意以補之曰所謂致知在格物者言欲致吾之知在即物而窮其理也蓋人心之靈莫不有知而天下之物莫不有理惟於理有未窮故其知有不盡也是以大學始教必使學者即凡天下之物莫不因其已知之理而益窮之以求至乎其極至於用力之久而一旦豁

然貫通焉則衆物之表裏精粗無不到而吾心之全體大用無不月矣此謂物格此謂知之至也

所謂誠其意者毋自欺也如惡惡臭如好好色此之謂自謙故君子必慎其獨也小人閒居為不善無所不至見君子而后厭然揜其不善而著其善人之視己如見其肺肝然則何辜矣此謂誠於中形於外故君子必慎其獨也曾子曰十目所視十手所指其嚴

乎富潤屋德潤身心廣體胖故君子必誠其意

右傳之六章釋誠意

所謂脩身在正其心者身有所忿懣則不得其正有所恐懼則不得其正有所好樂則不得其正有所憂患則不得其正心不在焉視而不見聽而不聞食而不知其味此謂脩身在正其心

右傳之七章釋正心脩身

所謂齊其家在脩其身者人之其所親愛而辟焉之其所賤惡而辟焉之其所畏敬而辟焉之其所哀矜而辟焉之其所教惰而率焉故好而知其惡惡而知其美者天下鮮矣故諺有之曰人莫知其子之惡莫知其苗之碩此謂身不脩不可以齊其家

右傳之八章釋脩身齊家

所謂治國必先齊其家者其家不可教而能教人者無之故君子不出家而或教於國孝者所以事君也弟者所以事長也慈者所以使眾也康誥曰如保赤

子心誠求之雖不中不遠矣未有學養子而后嫁者也一家仁一國興仁一家讓一國興讓一人貪戾一國作亂其機如此此謂一言僨事一人定國堯舜帥天下以仁而民從之桀紂帥天下以暴而民從之其所令反其所好而民不從是故君子有諸己而后求諸人無諸己而后非諸人所藏乎身不恕而能喻諸人者未之有也故治國在齊其家詩云桃之夭夭其葉蓁蓁之子于歸宜其家人宜其家人而后可以教

國人詩云宜兄宜弟宜兄宜弟而后可以教國人詩云其儀不忒正是四國其為父子兄弟足法而后民法之也此謂治國在齊其家

右傳之九章釋齊家治國

所謂平天下在治其國者上老老而民興孝上長長而民興弟上恤孤而民不倍是以君子有絜矩之道也所惡於上毋以使下所惡於下毋以事上所惡於前毋以先後所惡於後毋以從前所惡於右毋以交

於左所惡於左毋以交於右此之謂絜矩之道詩云
樂只君子民之父母民之所好好之民之所惡惡之
此之謂民之父母詩云節彼南山維石巖巖赫赫師
尹民具爾瞻有國者不可以不慎辟則為天下僂矣
詩云殷之未喪師克配上帝儀監于殷峻命不易道
得衆則得國失衆則失國是故君子先慎乎德有德
此有人有人此有土有土此有財有財此有用德者
本也財者末也外本內末爭民施奪是故財聚則民

散財散則民聚是故言悖而出者亦悖而入貨悖而
入者亦悖而出康誥曰惟命不于常道善則得之不
善則失之矣楚書曰楚國無以為寶惟善以為寶舅
犯曰亡人無以為寶仁親以為寶秦誓曰若有一个
臣斷斷兮無他技其心休休焉其如有容焉人之有
技若己有之人之彥聖其心好之不啻若自其口出
寔能容之以能保我子孫黎民尚亦有利哉人之有
技媚疾以惡之人之彥聖而違之俾不通寔不能容

以不能保我子孫黎民亦曰殆哉唯仁人放流之迸
諸四夷不與同中國此謂唯仁人為能愛人能惡人
見賢而不能舉舉而不能先命也見不善而不能退
退而不能遠過也好人之所惡惡人之所好是謂拂
人之性菑必逮夫身是故君子有大道必忠信以得
之驕泰以失之生財有大道生之者衆食之者寡為
之者疾用之者舒則財恒足矣仁者以財發身不仁
者以身發財未有上好仁而下不好義者也未有好

義其事不終者也未有府庫財非其財者也孟獻子
曰畜馬乘不察於雞豚伐冰之家不畜牛羊百乘之
家不畜聚斂之臣與其有聚斂之臣寧有盜臣此謂
國不以利為利以義為利也長國家而務財用者必
自小人矣從為善之小人之使為國家菑害竝至雖
有善者亦無如之何矣此謂國不以利為利以義為
利也

右傳之十章釋治國平天下凡傳十章前四章

統論綱領指趣後六章細論條目工夫其第五章乃明善之要第六章乃誠身之本在初學尤為當務之急讀者不可以其近而忽之也

中庸

子程子曰不偏之謂中不易之謂庸中者天下之正道庸者天下之定理此篇乃孔門傳授心法子思恐其久而差也故筆之於書以授孟子其書如言一理中散為萬事末復合為一理放之則彌六合卷之則退藏於密其味無窮皆實學也善讀者玩索而有得焉則終身用之有不能盡者矣

天命之謂性率性之謂道脩道之謂教道也者不可
須臾離也可離非道也是故君子戒慎乎其所不睹
恐懼乎其所不聞莫見乎隱莫顯乎微故君子慎其
獨也喜怒哀樂之未發謂之中發而皆中節謂之和
中也者天下之大本也和也者天下之達道也致中
和天地位焉萬物育焉

右第一章子思述所傳之意以立言首明道之
本原出於天而不可易其實體備於己而不可

離次言存養省察之要終言聖神功化之極蓋
欲學者於此反求諸身而自得之以去夫外誘
之私而充其本然之善楊氏所謂一篇之體要
是也其下十章蓋子思引夫子之言以終此章
之義

仲尼曰君子中庸小人反中庸君子之中庸也君子
而時中小人之中庸也小人而無忌憚也

右第二章

子曰中庸其至矣乎民鮮能久矣

右第三章

子曰道之不行也我知之矣知者過之愚者不及也
道之不明也我知之矣賢者過之不肖者不及也人
莫不飲食也鮮能知味也

右第四章

子曰道其不行矣夫

右第五章

子曰舜其大知也與舜好問而好察邇言隱惡而揚
善執其兩端用其中於民共斯以為舜乎

右第六章

子曰人皆曰予知驅而納諸罟獲陷阱之中而莫之
知辟也人皆曰予知擇乎中庸而不能期月守也

右第七章

子曰回之為人也擇乎中庸得一善則拳拳服膺而
弗失之矣

右第八章

子曰天下國家可均也爵祿可辭也白刃可蹈也中庸不可能也

右第九章

子路問強子曰南方之強與北方之強與抑而強與寬柔以教不報無道南方之強也君子居之衽金革死而不厭北方之強也而強者居之故君子和而不流強哉矯中立而不倚強哉矯國有道不變塞焉強哉矯國無道至死不變強哉矯

右第十章

子曰素隱行怪後世有述焉吾弗為之矣君子遵道而行半塗而廢吾弗能已矣君子依乎中庸遯世不見知而不悔唯聖者能之

右第十一章

君子之道費而隱夫婦之愚可以與知焉及其至也雖聖人亦有所不知焉夫婦之不肖可以能行焉及

其至也雖聖人亦有所不能焉天地之大也人猶有所憾故君子語大天下莫能載焉語小天下莫能破焉詩云鳶飛戾天魚躍于淵言其上下察也君子之道造端乎夫婦及其至也察乎天地

右第十二章子思之言蓋以申明首章道不可離之意也其下八章雜引孔子之言以明之

子曰道不遠人人之為道而遠人不可以為道詩云伐柯伐柯其則不遠執柯以伐柯睨而視之猶以為

遠故君子以人治人改而止忠恕違道不遠施諸己而不願亦勿施於人君子之道四其未能一焉所求乎子以事父未能也所求乎臣以事君未能也所求乎弟以事兄未能也所求乎朋友先施之未能也庸德之行庸言之謹有所不足不敢不勉有餘不敢盡言顧行行顧言君子胡不慥慥爾

右第十三章

君子素其位而行不願乎其外素富貴行乎富貴素

貧賤行乎貧賤素夷狄行乎夷狄素患難行乎患難
君子無入而不自得焉在上位不陵下在下位不援
上正己而不求於人則無怨上不怨天下不尤人故
君子居易以俟命小人行險以徼幸子曰射有似乎
君子失諸正鵠反求諸其身

右第十四章

君子之道辟如行遠必自邇辟如登高必自卑詩曰
妻子好合如鼓瑟兄弟既翕心樂且耽宜爾室家
樂爾妻帑子曰父兮其頌矣乎

右第十五章

子曰鬼神之為德其盛矣乎視之而弗見聽之而弗
聞體物而不可遺使天下之人齊明盛服以承祭祀
洋洋乎如在其上如在其左右詩曰神之格思不可
度思矧可射思夫微之顯誠之不可揜如此夫

右第十六章

子曰舜其大孝也與德為聖人尊為天子富有四海

之內宗廟饗之子孫保之故大德必得其位必得其祿必得其名必得其壽故天之生物必因其時而篤焉故栽者培之傾者覆之詩曰嘉樂君子憲憲令德宜民宜人受祿于天保佑命之自天申之故大德者必受命

右第十七章

子曰無憂者其惟文王乎以王季為父以武王為子父作之子述之武王纘大王王季又王之緒壹戎衣

而有天下身不失天下之顯名蓋為天子富有四海之內宗廟饗之子孫保之武王末受命周公成文武之德追王大王王季上祀先公以天子之禮斯禮也達乎諸侯大夫及士庶人父為大夫子為士葬以大夫祭以士父為士子為大夫葬以士祭以大夫期之喪達乎大夫三年之喪達乎天子父母之喪無貴賤一也

右第十八章

子曰武王周公其達之矣乎夫孝者善繼人之志善
述人之事者也春秋脩其祖廟陳其宗器設其裳衣
薦其時食宗廟之禮所以序昭穆也序爵所以辨貴
賤也序事所以辨賢也旅酬下為上所以逮賤也燕
毛所以序齒也踐其位行其禮奏其樂敬其所尊愛
其所親事死如事生事亡如事存孝之至也郊社之
禮所以事上帝也宗廟之禮所以祀乎其先也明乎
郊社之禮禘之氣治國其如二 啗掌乎

右第十八章

哀公問政子曰文武之政布在方策其人存則其政
舉其人亡則其政息人道敏政地道敏樹夫政也者
蒲盧也故為政在人取人以身脩身以道脩道以仁
仁者人也親親為大義者宜也尊賢為大親親之殺
尊賢之等禮所生也在下位不獲乎上民不可得而
治矣故君子不可以不脩身思脩身不可以不事親
思事親不可以不知人知人不可以不知天天下

之達道五所以行之者三曰君臣也父子也夫婦也
昆弟也朋友之交也五者天下之達道也知仁勇三
者天下之達德也所以行之者一也或生而知之或
學而知之或困而知之及其知之一也或安而行之
或利而行之或勉強而行之及其成功一也子曰好
學近乎知力行近乎仁知恥近乎勇知斯三者則知
所以脩身知所以治人知所以治人知所以治人
則知所以治天下國家矣凡為天下國家有九經曰

脩身也尊賢之親親也敬大臣也體羣臣也子庶民
也來百工也柔遠人也懷諸侯也脩身則道立尊賢
則不惑親親則諸父昆弟不怨敬大臣則不眩體羣
臣則士之報禮重子庶民則百姓勸來百工則財用
足柔遠人則四方歸之懷諸侯則天下畏之齊明盛
服非禮不動所以脩身也去讒遠色賤貨而貴德所
以勸賢也尊其位重其祿同其好惡所以勸親親也
官盛任使所以勸大臣也忠信重祿所以勸士也時

使薄斂所以勸百姓也日省月試既稟稱事所以勸
百工也送往迎來嘉善而矜不能所以柔遠人也繼
絕世舉廢國治亂持危朝聘以時厚往而薄來所以
懷諸侯也凡為天下國家有九經所以行之者一也
凡事豫則立不豫則廢言前定則不跲事前定則不
困行前定則不疚道前定則不窮在下位不獲乎上
民不可得而治矣獲乎上有道不信乎朋友不獲乎
上矣信乎朋友有道不順乎親不信乎朋友矣順乎

親有道反諸身不誠不順乎親矣誠身有道不明乎
善不誠乎身矣誠者天之道也誠之者人之道也誠
者不勉而中不思而得從容中道聖人也誠之者擇
善而固執之者也博學之審問之慎思之明辨之篤
行之有弗學學之弗能弗措也有弗問問之弗知弗
措也有弗思思之弗得弗措也有弗辨辨之弗明弗
措也有弗行行之弗篤弗措也人一能之己百之人
十能之己千之果能此道矣雖愚必明雖柔必強

右第二十章

自誠明謂之性自明誠謂之教誠則明矣明則誠矣
右第二十一章子思承上章夫子天道人道之
意而立言也自此以下十二章皆子思之言以
反覆推明此章之意

唯天下至誠為能盡其性能盡其性則能盡人之性
能盡人之性則能盡物之性能盡物之性則可以贊
天地之化育可以贊天地之化育則可以與天地參

矣

右第二十二章

其次致曲曲能有誠言則形形則著著則明明則動
動則變變則化唯天下至誠為能化

右第二十三章

至誠之道可以前知國家將興必有祥國家將亡
必有妖孽見乎蓍龜動乎四體禍福將至善必先知
之不善必先知之故至誠如神

右第二十四章

誠者自成也而道自道也誠者物之終始不誠無物是故君子誠之為貴誠者非自成己而已也所以成物也成己仁也成物知也性之德也合外內之道也故時措之宜也

右第二十五章

故至誠無息不息則久久則徵徵則悠遠悠遠則博厚博厚則高明博厚所以載物也高明所以覆物也

悠久所以成物也博厚配地高明配天悠久無疆如此者不見而章不動而變無為而成天地之道可一言而盡也其為物不賁則其生物不測天地之道博也厚也高也明也悠也久也今夫天斯昭昭之多及其無窮也日月星辰繫焉萬物覆焉今夫地一撮土之多及其廣厚載華嶽而不重振河海而不洩萬物載焉今夫山一卷石之多及其廣大草木生之禽獸居之寶藏興焉今天水一勺之多及其不測鼃鼃蛟

龍魚鼈生馬貨財殖焉詩云維天之命於穆不已蓋
曰天之所以為天也於乎不顯文王之德之純蓋曰
文王之所以為文也純亦不已

右第二十六章

大哉聖人之道洋洋乎發育萬物峻極于天優優大
典禮儀三百威儀三千待其人而後行故曰苟不至
德至道不凝焉故君子尊德性而道問學致廣大而
盡精微極高明而道中庸溫故而知新敦厚以崇禮

是故居上不驕為下不信國有道其言足以興國無
道其默足以容詩曰既明且哲以保其身其此之謂
與

右第二十七章

子曰愚而好自用賤而好自專生乎今之世反古之
道如此者裁及其身也非天子不議禮不制度不
考文今天下車同軌書同文行同倫雖有其位苟無
其德不敢作禮樂焉雖有其德苟無其位亦不敢作

禮樂焉子曰吾說夏禮杞不足徵也吾學殷禮有宋存焉吾學周禮今用之吾從周

右第二十八章

王天下有三重焉其寡過矣乎上焉者雖善無徵無徵不信不信民弗從下焉者雖善不尊不尊不信不信民弗從故君子之道本諸身徵諸庶民考諸三王而不繆建諸天地而不悖質諸鬼神而無疑百世以俟聖人而不惑質諸鬼神而無疑知天也百世以俟

聖人而不惑知人也是故君子動而世為天下道行而世為天下法言而世為天下則遠之則有望近之則不厭詩曰在彼無惡在此無射庶幾夙夜以永終譽君子未有不如此而蚤有譽於天下者也

右第二十九章

仲尼祖述堯舜憲章文武上律天時下襲水土辟如天地之無不持載無不覆幬辟如四時之錯行如日月之代明萬物竝育而不相害道竝行而不相悖小

德川流大德敦化此天地之所以為大也

右第三十章

唯天下至聖為能聰明睿知足以有臨也寬裕溫柔
足以有容也發強剛毅足以有執也齊莊中正足以
有敬也文理密察足以有別也溥博淵泉而時出之
溥博如天淵泉如淵見而民莫不敬言而民莫不信
行而民莫不說是以聲名洋溢乎中國施及蠻貊舟
車所至人力所通天之所覆地之所載日月所照霜

露所隊凡有血氣者莫不尊親故曰配天

右第三十一章

唯天下至誠為能經綸天下之大經立天下之大本
知天地之化育夫馬有所倚肫肫其仁淵淵其淵浩
浩其天苟不同聰明聖知達天德者其孰能知之

右第三十二章

詩曰衣錦尚絀惡其文之著也故君子之道闇然而
日章小人之道的然而日亡君子之道淡而不厭簡

而文溫而理知遠之近知風之自知微之顯可與入
德矣詩云潛雖伏矣亦孔之昭故君子內省不疚無
惡於志君子之所不可及者其唯人之所不見乎詩
云相在爾室尚不愧于屋漏故君子不動而敬不言
而信詩曰奏假無言時靡有爭是故君子不賞而民
勸不怒而民威於鈇鉞詩曰不顯惟德百辟其刑之
是故君子篤恭而天下平詩云予懷明德不大聲以
色子曰聲色之於以化民末也詩曰德輶如毛毛猶
有倫上天之載無聲無臭至矣

右第三十三章子思因前章極致之言反求其
本復自下學為己謹獨之事推而言之以馴致
乎篤恭而天下平之盛又贊其妙至於無聲無
臭而後已焉蓋舉一篇之要而約言之其反復
丁寧示人之意至深切矣學者其可不盡心乎

論語一



學而第一

子曰學而時習之不亦說乎有朋自遠方來不亦樂乎人不知而不愠不亦君子乎○有子曰其為人也孝弟而好犯上者鮮矣不好犯上而好作亂者未之有也君子務本本立而道生孝弟也者其為仁之本與○子曰巧言令色鮮矣仁○曾子曰吾日三省吾身為人謀而不忠乎與朋友交而不信乎傳不習乎

○子曰道千乘之國敬事而信節用而愛人使民以時○子曰弟子入則孝出則弟謹而信汎愛衆而親仁行有餘力則以學文○子夏曰賢賢易色事父母能竭其力事君能致其身與朋友交言而有信雖曰未學吾必謂之學矣○子曰君子不重則不威學則不固主忠信無友不如己者過則勿憚改○曾子曰慎終追遠民德歸厚矣○子禽問於子貢曰夫子至於是邦也必聞其政求之與抑與之與子

溫良恭儉讓以得之夫子之求之也其誥之也其求之與○子曰父在觀其志父沒觀其行三其改於父之道可謂孝矣○宥子曰禮之用和為貴先王之道斯為美小大由之有所不行知和而和不以禮節之亦不可行也○有子曰信近於義言可復也恭近於禮遠恥辱也因不失其親亦可宗也○子曰君子食無求飽居無求安敏於事而慎於言就有道而正焉可謂好學也已○子貢曰貧而無諂富而無驕

何如子曰可也未若貧而樂富而好禮者也子曰
詩云如切如磋如琢如磨其斯之謂與子曰賜也始
可與言詩已矣告諸往而知來者○子曰不患人之
不己知患不知人也

為政第二

子曰為政以德譬如北辰居其所而眾星共之○子
曰詩三百一言以蔽之曰思無疆○子曰道之以政
齊之以刑民免而無恥道之以德齊之以

格○子曰吾十有五而志于學三十而立四十不
惑五十而知天命六十而耳順七十而從心所欲不
踰矩○孟懿子問孝子曰無違樊遲御子告之曰孟
孫問孝於我我對曰無違樊遲曰何謂也子曰生事
之以禮死葬之以禮祭之以禮○孟武伯問孝子曰
父母唯其疾之憂○子游問孝子曰今之孝者是謂
能養至於犬馬皆能有養不敬何以別乎○子夏問
孝子曰色難有事弟子服其勞有酒食先生饌皆是

以為孝乎○子曰吾與回言終日不違如愚退而省
其私亦足以發回也不愚○子曰視其所以觀其所
由察其所安人焉廋哉人焉廋哉○子曰溫故而知
新可以為師矣○子曰君子不器○子貢問君子子
曰先行其言而後從之○子曰君子周而不比小人
比而不周○子曰學而不思則罔思而不學則殆○
子曰攻乎異端斯害也已○子曰由誅六知之乎知
之為知之不知為不知是知也○子張也

一日

多聞闕疑慎言其餘則寡尤多見闕殆慎言則寡
寡悔言寡尤行寡悔祿在其中矣○哀公問曰何為
則民服孔子對曰舉直錯謫枉則民服舉枉錯謫直
則民不服○季康子問使民敬忠以勸如之何子曰
臨之以莊則敬孝慈則忠舉善而教不能則勸○或
謂孔子曰子奚不為政子曰書云孝乎惟孝友于兄
弟施於有政是亦為政奚其為為政○子曰人而無
信不知其可也大車無輓小車無軌其何以行之哉

○子張問十世可知也子曰殷因於夏禮所損益可知也周因於殷禮所損益可知也其或繼周者雖百世可知也○子曰非其鬼而祭之諂也見義不為無勇也

論語二

八佾第三

孔子謂季氏八佾舞於庭是可忍也孰不可忍也○三家者以雍徹子曰相維辟公天子穆穆奚取於三家之堂○子曰人而不仁如禮何人而不仁如樂何○林放問禮之本子曰大哉問禮與其奢也寧儉喪與其易也寧戚○子曰夷狄之有君不如諸夏之亡也○季氏旅於泰山子謂冉有曰女弗能救與對曰

不能子曰嗚呼曾謂泰山不如林放乎○子曰君子
無所爭必也射乎揖讓而升下而飲其爭也君子○
子夏問曰巧笑倩兮美目盼兮素以為絢兮何謂也
子曰繪事後素曰禮後乎子曰起予者商也始可與
言詩已矣○子曰夏禮吾能言之杞不足徵也殷禮
吾能言之宋不足徵也文獻不足故也足則吾能徵
之矣○子曰禘自既灌而往者吾不欲觀之矣○或
問禘之說子曰不知也知其說者之於天下也其如

示諸斯乎指其掌○祭如在祭神如神在子曰吾不
與祭如不祭○王孫賈問曰與其媚於奘寧媚於竈
何謂也子曰不然獲罪於天無所禱也○子曰周監
於二代郁郁乎文哉吾從周○子入大廟每事問或
曰孰謂鄒人之子知禮乎入大廟每事問子聞之曰
是禮也○子曰射不主皮為力不同科古之道也○
子貢欲去告朔之餼羊子曰賜也爾愛其羊我愛其
禮○子曰事君盡禮人以為諂也○定公問君使臣

臣事君如之何孔子對曰君使臣以禮臣事君以忠
○子曰關雎樂而不淫哀而不傷○哀公問社於宰
我宰我對曰夏后氏以松殷人以柏周人以栗曰使
民戰栗子聞之曰成事不說遂事不諫既往不咎○
子曰管仲之器小哉或曰管仲儉乎曰管氏有三歸
官事不攝焉得儉然則管仲知禮乎曰邦君樹塞門
管氏亦樹塞門邦君為兩君之好有反坫管氏亦有
反坫管氏而知禮孰不知禮○子語魯大師樂曰樂
其可知也始作翕如也從之純如也皦如也繹如也
以成○儀封人請見曰君子之至於斯也吾未嘗不
得見也從者見之出曰二三子何患於喪乎天下之
無道也久矣天將以夫子為木鐸○子謂韶盡美矣
又盡善也謂武盡美矣未盡善也○子曰居上不寬
為禮不敬臨喪不哀吾何以觀之哉

里仁第四

子曰里仁為美擇不處仁焉得知○子曰不仁者不

可以久處約不可以長處樂仁者安仁知者利仁○
子曰惟仁者能好人能惡人○子曰苟志於仁矣無
惡也○子曰富與貴是人之所欲也不以其道得之
不處也貧與賤是人之所惡也不以其道得之不去
也君子去仁惡乎成名君子無終食之間違仁造次
必於是顛沛必於是○子曰我未見好仁者惡不仁
者好仁者無以尚之惡不仁者其為仁矣不使不仁
者加乎其身有能一日用其力於仁矣乎我未見力

不足者蓋有之矣我未之見也○子曰人之過也各
於其黨觀過斯知仁矣○子曰朝聞道夕死可矣○
子曰士志於道而恥惡衣惡食者未足與議也○子
曰君子之於天下也無適也無莫也義之與比○子
曰君子懷德小人懷土君子懷刑小人懷惠○子曰
放於利而行多怨○子曰能以禮讓為國乎何有不
能以禮讓為國如禮何○子曰不患無位患所以立
不患莫己知求為可知也○子曰參乎吾道一以貫

之曾子曰唯子出門人問曰何謂也曾子曰夫子之道忠恕而已矣○子曰君子喻於義小人喻於利○子曰見賢思齊焉見不賢而內自省也○子曰事父母幾諫見志不從又敬不違勞而不怨○子曰父母在不遠遊遊必有方○子曰三年無改於父之道可謂孝矣○子曰父母之年不可不知也一則以喜一則以懼○子曰古者言之不出恥躬之不逮也○子曰以約失之者鮮矣○子曰君子欲訥於言而敏於

行○子曰德不孤必有鄰○子游曰事君數斯辱矣朋友數斯疏矣

論語三

公治長第五

子謂公治長可妻也雖在縲絏之中非其罪也以其
子妻之子謂南容邦有道不廢邦無道免於刑戮以
其兄之子妻之○子謂子賤君子哉若人魯無君子
者斯焉取斯○子貢問曰賜也何如子曰女器也曰
何器也曰瑚璉也○或曰雍也仁而不佞子曰焉用
佞禦人以口給屢憎於人不知其仁焉用佞○子使

漆雕開仕對曰吾斯之未能信子說○子曰道不行
乘桴浮于海從我者其由與子路聞之喜子曰由也
好勇過我無所取材○孟武伯問子路仁乎子曰不
知也又問子曰由也千乘之國可使治其賦也不知
其仁也求也何如子曰求也千室之邑百乘之家可
使為之宰也不知其仁也赤也何如子曰赤也束帶
立於朝可使與賓客言也不知其仁也○子謂子貢
曰女與回也孰愈對曰賜也何敢望回回也聞一以

知十賜也聞一以知二子曰弗如也吾與女弗如也
○宰予晝寢子曰朽木不可雕也糞土之牆不可朽
也於予與何誅子曰始吾於人也聽其言而信其行
今吾於人也聽其言而觀其行於予與改是○子曰
吾未見剛者或對曰申枨子曰枨也慾焉得剛○子
貢曰我不欲人之加諸我也吾亦欲無加諸人子曰
賜也非爾所及也○子貢曰夫子之文章可得而聞
也夫子之言性與天道不可得而聞也○子路有聞

未之能行唯恐有聞○子貢問曰孔文子何以謂之
文也子曰敏而好學不恥下問是以謂之文也○子
謂子產有君子之道四焉其行己也恭其事上也敬
其養民也惠其使民也義○子曰晏平仲善與人交
久而敬之○子曰臧文仲居蔡山節藻稅何如其知
也○子張問曰令尹子文三仕為令尹無喜色三已
之無愠色舊令尹之政必以告新令尹何如子曰忠
矣曰仁矣乎曰未知焉得仁崔子弑齊君陳文子有
馬十乘棄而違之至於他邦則曰猶吾大夫崔子也
違之之一邦則又曰猶吾大夫崔子也違之何如子
曰清矣曰仁矣乎曰未知焉得仁○季文子三思而
後行子聞之曰再斯可矣○子曰甯武子邦有道則
知邦無道則愚其知可及也其愚不可及也○子在
陳曰歸與歸與吾黨之小子狂簡斐然成章不知所
以裁之○子曰伯夷叔齊不念舊惡怨是用希○子
曰孰謂微生高直或乞醢焉乞諸其鄰而與之○子

曰巧言令色足恭左邱明恥之某亦恥之○顏淵季路侍子曰盍
其人左邱明恥之某亦恥之○顏淵季路侍子曰盍
各言爾志子路曰願車馬衣輕裘與朋友共敝之而
無憾顏淵曰願無伐善無施勞子路曰願聞子之志
子曰老者安之朋友信之少者懷之○子曰已矣乎
吾未見能見其過而內自訟者也○子曰十室之邑
必有忠信如某者焉不如某之好學也

雍也第六

子曰雍也可使南面仲弓問子桑伯子子曰可也簡
仲弓曰居敬而行簡以臨其民不亦可乎居簡而行
簡無乃大簡乎子曰雍之言然○哀公問弟子孰為
好學孔子對曰有顏回者好學不遷怒不貳過不幸
短命死矣今也則亡未聞好學者也○子華使於齊
冉子為其母請粟子曰與之釜請益曰與之庾冉子
與之粟五秉子曰赤之適齊也乘肥馬衣輕裘吾聞
之也君子周急不繼富原思為之宰與之粟九百辭

子曰毋以與爾鄰里鄉黨乎○子謂仲弓曰犁牛之
子騂且角雖欲勿用山川其舍諸○子曰回也其心
三月不違仁其餘則日月至焉而已矣○季康子問
仲由可使從政也與子曰由也果於從政乎何有曰
賜也可使從政也與曰賜也達於從政乎何有曰求
也可使從政也與曰求也藝於從政乎何有○季氏
使閔子騫為費宰閔子騫曰善為我辭焉如有復我
者則吾必在汶上矣○伯牛有疾子問之自牖執其

手曰亡之命矣夫斯人也而有斯疾也斯人也而有
斯疾也○子曰賢哉回也一簞食一瓢飲在陋巷人
不堪其憂回也不改其樂賢哉回也○冉求曰非不
說子之道力不足也子曰力不足者中道而廢今女
畫○子謂子夏曰女為君子儒無為小人儒○子游
為武城宰子曰女得人焉耳乎曰有澹臺滅明者行
不由徑非公事未嘗至於偃之室也○子曰孟之反
不伐奔而殿將入門策其馬曰非敢後也馬不進也

○子曰不有祝鮀之佞而有宋朝之美難乎免於今
之世矣○子曰誰能出不由戶何莫由斯道也○子
曰質勝文則野文勝質則史文質彬彬然後君子○
子曰人之生也直罔之生也幸而免○子曰知之者
不如好之者好之者不如樂之者○子曰中人以上
可以語上也中人以下不可以語上也○樊遲問知
子曰務民之義敬鬼神而遠之可謂知矣問仁曰仁
者先難而後獲可謂仁矣○子曰知者樂水仁者樂

山知者動仁者靜知者樂仁者壽○子曰齊一變至
於魯魯一變至於道○子曰觚不觚觚哉觚哉○宰
我問曰仁者雖告之曰井有仁焉其從之也子曰何
為其然也君子可逝也不可陷也可欺也不可罔也
○子曰君子博學於文約之以禮亦可以弗畔矣夫
○子見南子子路不說夫子矢之曰予所否者天厭
之天厭之○子曰中庸之為德也其至矣乎民鮮久
矣○子貢曰如有博施於民而能濟眾何如可謂仁

乎子曰何事於仁必也聖乎堯舜其猶病諸夫仁者
已欲立而立人已欲達而達人能近取譬可謂仁之
方也已

論語四

述而第七

子曰述而不作信而好古竊比於我老彭○子曰默
而識之學而不厭誨人不倦何有於我哉○子曰德
之不脩學之不講聞義不能徙不善不能改是吾憂
也○子之燕居申申如也夭夭如也○子曰甚矣吾
衰也久矣吾不復夢見周公○子曰志於道據於德
依於仁游於藝○子曰自行束脩以上吾未嘗無誨

焉○子曰不憤不啓不悱不發舉一隅不以三隅反則不復也○子食於有喪者之側未嘗飽也子於是日哭則不歌○子謂顏淵曰用之則行舍之則藏惟我與爾有是夫子路曰子行三軍則誰與子曰暴虎馮河死而無悔者吾不與也必也臨事而懼好謀而成者也○子曰富而可求也雖執鞭之士吾亦為之如不可求從吾所好○子之所慎齊戰疾○子在齊聞韶三月不知肉味曰不圖為樂之至於斯也○冉

有曰夫子為衛君乎子貢曰諾吾將問之入曰伯夷叔齊何人也曰古之賢人也曰怨乎曰求仁而得仁又何怨出曰夫子不為也○子曰飯疏食飲水曲肱而枕之樂亦在其中矣不義而富且貴於我如浮雲○子曰加我數年五十以學易可以無大過矣○子所雅言詩書執禮皆雅言也○葉公問孔子於子路子路不對子曰女奚不曰其為人也發憤忘食樂以忘憂不知老之將至云爾○子曰我非生而知之者

好古敏以求之者也○子不語怪力亂神○子曰三
人行必有我師焉擇其善者而從之其不善者而改
之○子曰天生德於予桓魋其如予何○子曰二三
子以我為隱乎吾無隱乎爾吾無行而不與二三子
者是某也○子以四教文行忠信○子曰聖人吾不
得而見之矣得見君子者斯可矣子曰善人吾不得
而見之矣得見有恒者斯可矣亡而為有虛而為盈
約而為泰難乎有恒矣○子釣而不綱弋不射宿○

子曰蓋有不知而作之者我無是也多聞擇其善者
而從之多見而識之知之次也○互鄉難與言童子
見門人惑子曰與其進也不與其退也唯何甚人潔
己以進與其潔也不保其往也○子曰仁遠乎哉我
欲仁斯仁至矣○陳司敗問昭公知禮乎孔子曰知
禮孔子退揖巫馬期而進之曰吾聞君子不黨君子
亦黨乎君取於吳為同姓謂之吳孟子君而知禮孰
不知禮巫馬期以告子曰某也幸苟有過人必知之

○子與人歌而善必使反之而後和之○子曰文莫
吾猶人也躬行君子則吾未之有得○子曰若聖與
仁則吾豈敢抑為之不厭誨人不倦則可謂云爾已
矣公西華曰正唯弟子不能學也○子疾病子路請
禱子曰有諸子路對曰有之誄曰禱爾于上下神祇
子曰某之禱久矣○子曰奢則不孫儉則固與其不
孫也寧固○子曰君子坦蕩蕩小人長戚戚○子溫
而厲威而不猛恭而安

泰伯第八

子曰泰伯其可謂至德也已矣三以天下讓民無得
而稱焉○子曰恭而無禮則勞慎而無禮則蕙勇而
無禮則亂直而無禮則絞君子篤於親則民興於仁
故舊不遺則民不偷○曾子有疾召門弟子曰啓予
足啓予手詩云戰戰兢兢如臨深淵如履薄冰而今
而後吾知免夫小子○曾子有疾孟敬子問之曾子
言曰鳥之將死其鳴也哀人之將死其言也善君子

所貴乎道者三動容貌斯遠暴慢矣正顏色斯近信
矣出辭氣斯遠鄙倍矣籩豆之事則有司存○曾子
曰以能問於不能以多問於寡有若無實若虛犯而
不校昔者吾友嘗從事於斯矣○曾子曰可以託六
尺之孤可以寄百里之命臨大節而不可奪也君子
人與君子人也○曾子曰士不可以不宏毅任重而
道遠仁以為己任不亦重乎死而後已不亦遠乎○
子曰興於詩立於禮成於樂○子曰民可使由之不

可使知之○子曰好勇疾貧亂也人而不仁疾之已
甚亂也○子曰如有周公之才之美使驕且吝其餘
不足觀也已○子曰三年學不至於穀不易得也○
子曰篤信好學守死善道危邦不入亂邦不居天下
有道則見無道則隱邦有道貧且賤焉恥也邦無道
富且貴焉恥也○子曰不在其位不謀其政○子曰
師摯之始關雎之亂洋洋乎盈耳哉○子曰狂而不
直侗而不愿慳慳而不信吾不知之矣○子曰學如

不及猶恐失之○子曰巍巍乎舜禹之有天下也而
不與焉○子曰大哉堯之為君也巍巍乎唯天為大
唯堯則之蕩蕩乎民無能名焉巍巍乎其有成功也
煥乎其有文章○舜有臣五人而天下治武王曰予
有亂臣十人孔子曰才難不其然乎唐虞之際於斯
為盛有婦人焉九人而已三分天下有其二以服事
殷周之德其可謂至德也已矣○子曰禹吾無間然
矣菲飲食而致孝乎鬼神惡衣服而致美乎黻冕卑

宮室而盡力乎溝洫禹吾無間然矣

論語五

子罕第九

子罕言利與命與仁○達巷黨人曰大哉孔子博學
而無所成名子聞之謂門弟子曰吾何執執御乎執
射乎吾執御矣○子曰麻冕禮也今也純儉吾從衆
拜下禮也今拜乎上泰也雖違衆吾從下○子絕四
毋意毋必毋固毋我○子畏於匡曰文王既沒文不
在茲乎天之將喪斯文也後死者不得與於斯文也

天之未喪斯文也匡人其如予何○大宰問於子貢
曰夫子聖者與何其多能也子貢曰固天縱之將聖
又多能也子聞之曰大宰知我乎吾少也賤故多能
鄙事君子多乎哉不多也宰曰子云吾不試故藝○
子曰吾有知乎哉無知也有鄙夫問於我空空如也
我叩其兩端而竭焉○子曰鳳鳥不至河不出圖吾
已矣夫○子見齊衰者冕衣裳者與瞽者見之雖少
必作過之必趨○顏淵喟然歎曰仰之彌高鑽之彌

堅瞻之在前忽焉在後夫子循循然善誘人博我以
文約我以禮欲罷不能既竭吾才如有所立卓爾雖
欲從之末由也已○子疾病子路使門人為臣病間
曰久矣哉由之行詐也無臣而為有臣吾誰欺欺天
乎且予與其死於臣之手也無寧死於二三子之手
乎且予縱不得大葬予死於道路乎○子貢曰有美
玉於斯韞匱而藏諸求善賈而沽諸子曰沽之哉沽
之哉我待賈者也○子欲居九夷或曰陋如之何子

曰君子居之何陋之有○子曰吾自衛反魯然後樂
正雅頌各得其所○子曰出則事公卿入則事父兄
喪事不敢不勉不為酒困何有於我哉○子在川上
曰逝者如斯夫不舍晝夜○子曰吾未見好德如好
色者也○子曰譬如為山未成一簣止吾止也譬如
平地雖覆一簣進吾往也○子曰語之而不惰者其
回也與○子謂顏淵曰惜乎吾見其進也未見其止
也○子曰苗而不秀者有矣夫秀而不實者有矣夫

○子曰後生可畏焉知來者之不如今也四十五
而無聞焉斯亦不足畏也已○子曰法語之言能無
從乎改之為貴巽與之言能無說乎繹之為貴說而
不繹從而不改吾末如之何也已矣○子曰主忠信
毋友不如己者過則勿憚改○子曰三軍可奪帥也
匹夫不可奪志也○子曰衣敝緼袍與衣狐貉者立
而不恥者其由也與不忮不求何用不臧子路終身
誦之子曰是道也何足以臧○子曰歲寒然後知松

相之後彫也○子曰知者不惑仁者不憂勇者不懼
○子曰可與共學未可與適道可與適道未可與立
可與立未可與權○唐棣之華偏其反而豈不爾思
室是遠而子曰未之思也夫何遠之有

鄉黨第十

孔子於鄉黨恂恂如也似不能言者其在宗廟朝廷
便便言唯謹爾○朝與下大夫言侃侃如也與上大
夫言誾誾如也君在蹐蹐如也與與如也○君召使

擯色勃如也足躩如也揖所與立左右手衣前後襜
如也趨進翼如也賓退必復命曰賓不顧矣○入公
門鞠躬如也如不容立不中門行不履闕過位色勃
如也足躩如也其言似不足者攝齊升堂鞠躬如也
屏氣似不息者出降一等逞顏色怡怡如也沒階趨
進翼如也復其位蹐蹐如也○執圭鞠躬如也如不
勝上如揖下如授勃如戰色足踏踏如有循享禮有
容色私覲愉愉如也○君子不以紺緌飾紅紫不以

為褻服當暑衿締綌必表而出之緇衣羔裘素衣麇
裘黃衣狐裘褻裘長短右袂必有寢衣長一身有半
狐貉之厚以居去喪無所不佩非帷裳必殺之羔裘
元冠不以弔吉月必朝服而朝○齊必有明衣布齊
必變食居必遷坐○食不厭精膾不厭細食饁而餲
魚餒而肉敗不食色惡不食臭惡不食失飪不食不
時不食割不正不食不得其醬不食肉雖多不使勝
食氣惟酒無量不及亂沽酒市脯不食不撤薑食不

多食祭於公不宿肉祭肉不出三日出三日不食之
矣食不語寢不言雖蔬食菜羹瓜祭必齊如也○席
不正不坐○鄉人飲酒杖者出斯出矣鄉人儻朝服
而立於阼階○問人於他邦再拜而送之康子饋藥
拜而受之曰某未達不敢嘗○廋焚子退朝曰傷人
乎不問馬○君賜食必正席先嘗之君賜腥必熟而
薦之君賜生必畜之侍食於君君祭先飯疾君視之
東首加朝服拖紳君命召不俟駕行矣○入大廟每

事問○朋友死無所歸曰於我殯朋友之饋雖車馬
非祭肉不拜○寢不尸居不容見齊衰者雖狎必變
見冕者與瞽者雖褻必以貌凶服者式之式負版者
有盛饌必變色而作迅雷風烈必變○升車必正立
執綏車中不內顧不疾言不親指○色斯舉矣翔而
後集曰山梁雌雉時哉時哉子路共之三嗅而作

論語六

先進第十一

子曰先進於禮樂野人也後進於禮樂君子也如用
之則吾從先進○子曰從我於陳蔡者皆不及門也
德行顏淵閔子騫冉伯牛仲弓言語宰我子貢政事
冉有季路文學子游子夏○子曰回也非助我者也
於吾言無所不說○子曰孝哉閔子騫人不間於其
父母昆弟之言○南容三復白圭孔子以其兄之子

妻之○季康子問弟子孰為好學孔子對曰有顏回者好學不幸短命死矣今也則亡○顏淵死顏路請子之車以為之槨子曰才不才亦各言其子也鯉也死有棺而無槨吾不徒行以為之槨以吾從大夫之後不可徒行也○顏淵死子曰噫天喪予天喪予○顏淵死子哭之慟從者曰子慟矣曰有慟乎非夫人之為慟而誰為○顏淵死門人欲厚葬之子曰不可門人厚葬之子曰回也視子猶父也予不得視猶子也非我也夫二三子也○季路問事鬼神子曰未能事人焉能事鬼敢問死曰未知生焉知死○閔子侍側閔閔如也子路行行如也冉有子貢侃侃如也子樂若由也不得其死然○魯人為長府閔子騫曰仍舊貫如之何何必改作子曰夫人不言言必有中○子曰由之瑟奚為於某之門門人不敬子路子曰由也升堂矣未入於室也○子貢問師與商也孰賢子曰師也過商也不及曰然則師愈與子曰過猶不及

○季氏富於周公而求也為之聚斂而附益之子曰
非吾徒也小子鳴鼓而攻之可也○柴也愚參也魯
師也辟由也喭○子曰回也其庶乎屢空賜不受命
而貨殖焉億則屢中○子張問善人之道子曰不踐
迹亦不入於室○子曰論篤是與君子者乎色莊者
乎○子路問聞斯行諸子曰有父兄在如之何其聞
斯行之冉有問聞斯行諸子曰聞斯行之公西華曰
由也問聞斯行諸子曰有父兄在求也問聞斯行諸
子曰聞斯行之赤也惑敢問子曰求也退故進之由
也兼人故退之○子畏於匡顏淵後子曰吾以女為
死矣曰子在回何敢死○季子然問仲由冉求可謂
大臣與子曰吾以子為異之問曾由與求之問所謂
大臣者以道事君不可則止今由與求也可謂具臣
矣曰然則從之者與子曰弑父與君亦不從也○子
路使子羔為費宰子曰賊夫人之子子路曰有民人
焉有社稷焉何必讀書然後為學子曰是故惡夫佞

者○子路曾皙冉有公西華侍坐子曰以吾一日長乎爾毋吾以也居則曰不吾知也如或知爾則何以哉子路率爾而對曰千乘之國攝乎大國之間加之以師旅因之以饑饉由也為之比及三年可使有勇且知方也夫子哂之求爾何如對曰方六七十如五六十求也為之比及三年可使足民如其禮樂以俟君子赤爾何如對曰非曰能之願學焉宗廟之事如會同端章甫願為小相焉點爾何如鼓瑟希鏗爾舍瑟而作對曰異乎三子者之撰子曰何傷乎亦各言其志也曰莫春者春服既成冠者五六人童子六七人浴乎沂風乎舞雩詠而歸夫子喟然歎曰吾與點也三子者出曾皙後曾皙曰夫三子者之言何如子曰亦各言其志也已矣曰夫子何哂由也曰為國以禮其言不讓是故哂之唯求則非邦也與安見方六七十如五六十而非邦也者唯赤則非邦也與宗廟會同非諸侯而何赤也為之小孰能為之大

顏淵第十二

顏淵問仁子曰克己復禮為仁一日克己復禮天下
歸仁焉為仁由己而由人乎哉顏淵曰請問其目子
曰非禮勿視非禮勿聽非禮勿言非禮勿動顏淵曰
回雖不敏請事斯語矣○仲弓問仁子曰出門如見
大賓使民如承大祭己所不欲勿施於人在邦無怨
在家無怨仲弓曰雍雖不敏請事斯語矣○司馬牛
問仁子曰仁者其言也訥曰其言也訥斯謂之仁矣

乎子曰為之難言之得無訥乎○司馬牛問君子子
曰君子不憂不懼曰不憂不懼斯謂之君子矣乎子
曰內省不疚夫何憂何懼○司馬牛憂曰人皆有兄
弟我獨亡子夏曰商聞之矣死生有命富貴在天君
子敬而無失與人恭而有禮四海之內皆兄弟也君
子何患乎無兄弟也○子張問明子曰浸潤之譖膚
受之愬不行焉可謂明也已矣浸潤之譖膚受之愬
不行焉可謂遠也已矣○子貢問政子曰足食足兵

民信之矣子貢曰必不得已而去於斯三者何先曰
去兵子貢曰必不得已而去於斯二者何先曰去食
自古皆有死民無信不立○棘子成曰君子質而已
矣何以文為子貢曰惜乎夫子之說君子也駟不及
舌文猶質也質猶文也虎豹之鞞猶犬羊之鞞○哀
公問於有若曰年饑用不足如之何有若對曰盍徹
乎曰二吾猶不足如之何其徹也對曰百姓足君孰
與不足百姓不足君孰與足○子張問崇德辨惑子

曰主忠信徙義崇德也愛之欲其生惡之欲其死既
欲其生又欲其死是惑也誠不以富亦祇以異○齊
景公問政於孔子孔子對曰君君臣臣父父子子公
曰善哉信如君不君臣不臣父不父子不子雖有粟
吾得而食諸○子曰片言可以折獄者其由也與子
路無宿諾○子曰聽訟吾猶人也必也使無訟乎○
子張問政子曰居之無倦行之以忠○子曰博學於
文約之以禮亦可以弗畔矣夫○子曰君子成人之

美不成人之惡小人反是○季康子問政於孔子孔子對曰政者正也子帥以正孰敢不正○季康子患盜問於孔子孔子對曰苟子之不欲雖賞之不竊○季康子問政於孔子曰如殺無道以就有道何如孔子對曰子為政焉用殺子欲善而民善矣君子之德風小人之德草草上之風必偃○子張問士何如斯可謂之達矣子曰何哉爾所謂達若子張對曰在邦必聞在家必聞子曰是聞也非達也夫達也者質直

而好義察言而觀色慮以下人在邦必達在家必達夫聞也者色取仁而行違居之不烹在邦必聞在家必聞○樊遲從遊於舞雩之下曰敢問崇德脩慝辨惑子曰善哉問先事後得非崇德與攻其惡無攻人之惡非脩慝與一朝之忿忘其身以及其親非惑與○樊遲問仁子曰愛人問知子曰知人樊遲未達子曰舉直錯諸枉能使枉者直樊遲退見子夏曰鄉也吾見於夫子而問知子曰舉直錯諸枉能使枉者直

何謂也子夏曰富哉言乎舜有天下選於衆舉臯陶
不仁者遠矣湯有天下選於衆舉伊尹不仁者遠矣
○子貢問友子曰忠告而善道之不可則止毋自辱
焉○曾子曰君子以文會友以友輔仁

論語七

子路第十三

子路問政子曰先之勞之請益○無倦○仲弓為季
氏宰問政子曰先有司赦小過舉賢才曰焉知賢才
而舉之曰舉爾所知爾所不知人其舍諸○子路曰
衛君待子而為政子將奚先子曰必也正名乎子路
曰有是哉子之迂也奚其正子曰野哉由也君子於
其所不知蓋闕如也名不正則言不順言不順則事

不成事不成則禮樂不興禮樂不興則刑罰不中刑
罰不中則民無所措手足故君子名之必可言也言
之必可行也君子於其言無所苟而已矣○樊遲請
學稼子曰吾不如老農請學為圃曰吾不如老圃樊
遲出子曰小人哉樊須也上好禮則民莫敢不敬上
好義則民莫敢不服上好信則民莫敢不用情夫如
是則四方之民襁負其子而至矣焉用稼○子曰誦
詩三百授之以政不達使於四方不能專對雖多亦

奚以為○子曰其身正不令而行其身不正雖令不
從○子曰魯衛之政兄弟也○子謂衛公子荆善居
室始有曰苟合矣少有曰苟完矣富有曰苟美矣○
子適衛冉有僕子曰庶矣哉冉有曰既庶矣又何加
焉曰富之曰既富矣又何加焉曰教之○子曰苟有
用我者朞月而已可也三年有成○子曰善人為邦
百年亦可以勝殘去殺矣誠哉是言也○子曰如有
王者必世而後仁○子曰苟正其身矣於從政乎何

有不能正其身如正人何○冉子退朝子曰何晏也
對曰有政子曰其事也如有政雖不吾以吾其與聞
之○定公問一言而可以興邦有諸孔子對曰言不
可以若是其幾也人之言曰為君難為臣不易如知
為君之難也不幾乎一言而興邦乎曰一言而喪邦
有諸孔子對曰言不可以若是其幾也人之言曰予
無樂乎為君唯其言而莫予違也如其善而莫之違
也不亦善乎如不善而莫之違也不幾乎一言而喪

邦乎○葉公問政子曰近者說遠者來○子夏為莒
父宰問政子曰無欲速無見小利欲速則不達見小
利則大事不成○葉公語孔子曰吾黨有直躬者其
父攘羊而子證之孔子曰吾黨之直者異於是父為
子隱子為父隱直在其中矣○樊遲問仁子曰居處
恭執事敬與人忠雖之夷狄不可棄也○子貢問曰
何如斯可謂之士矣子曰行己有恥使於四方不辱
君命可謂士矣曰敢問其次曰宗族稱孝焉鄉黨稱

弟焉曰敢問其次曰言必信行必果硜硜然小人哉
抑亦可以為次矣曰今之從政者何如子曰噫斗筭
之人何足算也○子曰不得中行而與之必也狂狷
乎狂者進取狷者有所不為也○子曰南人有言曰
人而無恒不可以作巫醫善夫不恒其德或承之羞
子曰不占而已矣○子曰君六而不同小人同而
不和○子貢問曰鄉人皆好之何如子曰未可也鄉
人皆惡之何如子曰未可也不如鄉人之善者好之

其不善者惡之○子曰君子易事而難說也說之不
以道不說也及其使人也器之小人難事而易說也
說之雖不以道說也及其使人也求備焉○子曰君
子泰而不驕小人驕而不泰○子曰剛毅木訥近仁
○子路問曰何如斯可謂之士矣子曰切切悌悌怡
怡如也可謂士矣朋友切切悌悌兄弟怡怡○子曰
善人教民七年亦可以即戎矣○子曰以不教民戰
是謂棄之

憲問第十四

憲問恥子曰邦有道穀邦無道穀恥也○克伐怨欲不行焉可以為仁矣子曰可以為難矣仁則吾不知也○子曰士而懷居不足以為士矣○子曰邦有道危言危行邦無道危行言孫○子曰有德者必有言有言者不必有德仁者必有勇勇者不必有仁○南宮适問於孔子曰羿善射冪盪舟俱不得其死然禹稷躬稼而有天下夫子不登南宮适出子曰君子哉

若人尚德哉若人○子曰君子而不仁者有矣夫未
有小人而仁者也○子曰愛之能勿勞乎忠焉能勿
誨乎○子曰為命裨諶草創之○叔討論之行人子
羽脩飾之東里子產潤色之○或問子產子曰惠人
也問子西曰彼哉彼哉問管仲曰人也奪伯氏駢邑
三百飯蔬食沒齒無怨言○子曰貧而無怨難富而
無驕易○子曰孟公綽為趙魏老則優不可以為滕
薛大夫○子路問成人子曰若臧武仲之知公綽之

不欲卞莊子之勇冉求之藝文之以禮樂亦可以為成人矣曰今之成人者何必然見利思義見危授命久要不忘平生之言亦可以為成人矣○子問公叔文子於公明賈曰信乎夫子不言不笑不取乎公明賈對曰以告者過也夫子時然後言人不厭其言樂然後笑人不厭其笑義然後取人不厭其取子曰其然豈其然乎○子曰臧武仲以防柁為後於魯雖曰不要君吾不信也○子曰晉文公霸而不正齊桓公

正而不譎○子路曰桓公殺公子糾名忽死之管仲不死曰未仁乎子曰桓公九合諸侯不以兵車管仲之力也如其仁如其仁○子曰管仲非仁者與桓公殺公子糾不能死又相之子曰管仲相桓公霸諸侯一匡天下民到于今受其賜微管仲吾其被髮左衽矣豈若匹夫匹婦之為諒也自經於溝瀆而莫之知也○公叔文子之臣大夫僕與文子同升諸公子聞之曰可以為文矣○子言衛靈公之無道也康子

曰夫如是奚而不喪孔子曰仲叔圍治賓客祝鮀治宗廟王孫賈治軍旅夫如是奚其喪○子曰其言之不怍則為之也難○陳成子弑簡公孔子沐浴而朝告於哀公曰陳恒弑其君請討之公曰告夫三子孔子曰以吾從大夫之後不敢不告也君曰告夫三子者之三子告不可孔子曰以大夫之後不敢不告也○子路問事君子曰勿欺也二犯之○子曰君子上達小人下達○子曰古之學者日為己今之學者

為人○蘧伯玉使人於孔子孔子坐而問焉曰夫子何為對曰夫子欲寡其過而未能也使者出子曰使乎使乎○子曰不在其位○謀其政○曾子曰君子思不出其位○子曰君子恥其言而過其行○子曰君子道者三我無能焉仁者不憂知者不惑勇者不懼子貢曰夫子自道也○子貢方人子曰賜也賢乎哉夫我則不暇○子曰不患人之不己知患其不能也○子曰不逆詐不億不信抑亦先覺者是賢

乎○微生畝謂孔子曰某何為是栖栖者與無乃為
佞乎孔子曰非敢為佞也疾固也○子曰驥不稱其
力稱其德也○或曰以德報怨何如子曰何以報德
以直報怨以德報德○子曰莫我知也夫子貢曰何
為其莫知子也子曰不怨天不尤人下學而上達知
我者其天乎○公伯寮愬子且_六季孫子服景伯以
告曰夫子固有惑志於公伯寮吾_六猶能肆諸市朝
子曰道之將行也與命也道之將廢也與命也公伯

寮其如命何○子曰賢者辟世其_六辟地其次辟色
其次辟言○子曰作者七人矣○子路宿於石門晨
門曰奚自子路曰自孔氏曰是知其不可而為之者
與○子擊磬於衛有荷蕢而過孔氏之門者曰有心
哉擊磬乎既而曰鄙哉硜硜乎莫己知也斯已而已
矣深則厲淺則揭子曰果哉末之難矣○子張曰書
云高宗諒陰三年不言何謂也子曰何必高宗古之
人皆然君薨百官總己以聽於冢宰三年○子曰上

好禮則民易使也○子路問君子子曰脩己以敬曰
如斯而已乎曰脩己以安人曰如斯而已乎曰脩己
以安百姓脩己以安百姓堯舜其猶病諸○原壤夷
俟子曰幼而不孫弟長而無述焉老而不死是為賊
以杖叩其脛○闕黨童子將命或問之曰益者與子
曰吾見其居於位也見其與之行也非求益者
也欲速成者也

論語八

衛靈公第十五

衛靈公問陳於孔子孔子對曰丘之事則嘗聞之
矣軍旅之事未之學也明日遂行在陳絕糧從者病
莫能興子路愠見曰君子亦有窮乎子曰君子固窮
小人窮斯濫矣○子曰賜也女以予為多學而識之
者與對曰然非與曰非也予一以貫之○子曰由知
德者鮮矣○子曰無為而治者其舜也與夫何為哉

恭己正南面而已矣○子張問行子曰言忠信行篤
敬雖蠻貊之邦行矣言不忠信行不篤敬雖州里行
乎哉立則見其參於前也在輿則見其倚於衡也夫
然後行子張書諸紳○子曰直哉史魚邦有道如矢
邦無道如矢君子哉蘧伯玉邦有道則仕邦無道則
可卷而懷之○子曰可與言言與之言失人不可
與言而與之言失言知者不失人亦不失言○子曰
志士仁人無求生以害仁有殺身以成仁○子貢問

為仁子曰工欲善其事必先利其器居是邦也事其
大夫之賢者友其士之仁者○顏淵問為邦子曰行
夏之時乘殷之輅服周之冕言韶舞放鄭聲遠佞
人鄭聲淫佞人殆○子曰人無遠慮必有近憂○子
曰已矣乎吾未見好德如好色者也○子曰臧文仲
其竊位者與知柳下惠之賢而不與立也○子曰躬
自厚而薄責於人則遠怨矣○子曰不曰如之何如
之何者吾末如之何也已矣○子曰羣居終日言不

及義好行小慧難矣哉○子曰君子義以為質禮以行之孫以出之信以成之君子哉○子曰君子病無能焉不病人之不已知也○子曰君子疾沒世而名不稱焉○子曰君子求諸己小人求諸人○子曰君子矜而不爭羣而不黨○子曰君子不以言舉人不可以廢言○子貢問曰有一言可以終身行之者乎子曰其恕乎己所不欲勿施於人○子曰吾之於人也誰毀誰譽如有所譽者其有所試矣斯民也三

代之所以直道而行也○子曰吾前及史之闕文也○有馬者借人乘之今亡已夫○子曰巧言亂德小不忍則亂大謀○子曰衆惡之○子貢曰馬來好之必察焉○子曰人能宏道非道宏人○子曰過而不改是謂過矣○子曰吾嘗終日不食終夜不寢以思無益不如學也○子曰君子謀道不謀食耕也餒在其中矣學也祿在其中矣君子憂道不憂貧○子曰知及之仁不能守之雖得之必失之知及之仁能守之不莊

以涖之則民不敬知及之仁能守之莊以涖之動之
不以禮未善也○子曰君子不可小知而可大受也
小人不可大受而可小知也○子曰民之於仁也甚
於水火水火吾見蹈而死者矣未見蹈仁而死者也
○子曰當仁不讓於師○子曰君子貞而不諒○子
曰事君敬其事而後其食○二○有教無類○子曰
道不同不相為謀○子曰辭達而已矣○師冕見及
階子曰階也及席子曰席也皆坐子告之曰某在斯

某在斯師冕出子張問曰與師言一道與子曰然固
相師之道也

季氏第十六

季氏將伐顓臾冉有季路見於孔子曰季氏將有事
於顓臾孔子曰求無乃爾是過與夫顓臾昔者先王
以為東蒙主且在邦域之中矣是社稷之臣也何以
伐為冉有曰夫子欲之吾二臣者皆不欲也孔子曰
求周任有言曰陳力就列不能者止危而不持顛而

不扶則將焉用彼相矣且爾言過矣虎兕出於柙龜
玉毀於櫝中是誰之過與冉有曰今夫顓臾固而近
於費今不取後世必為子孫憂孔子曰求君子疾夫
舍曰欲之而必為之辭某也聞有國有家者不患寡
而患不均不患貧而患不安蓋均無貧和無寡安無
傾夫如是故遠人不服則脩文以來之既來之則
安之今由與求也相夫子遠人不服而不能來也邦
分崩離析而不能守也而謀動干戈於邦內吾恐季

孫之憂不在顓臾而在蕭牆之內也○孔子曰天下
有道則禮樂征伐自天子出天下無道則禮樂征伐
自諸侯出自諸侯出蓋十世而不失矣自大夫出五
世希不失矣陪臣執國命三世希不失矣天下有道
則政不在大夫天下有道則庶人不議○孔子曰祿
之去公室五世矣政逮於大夫四世矣故夫三桓之
子孫微矣○孔子曰益者三友損者三友友直友諒
友多聞益矣友便辟友善柔友便佞損矣○孔子曰

益者三樂損者三樂樂節禮樂樂道人之善樂多賢
友益矣樂驕樂樂佚遊樂宴樂損矣○孔子曰侍於
君子有三愆言未及之而言謂之躁言及之而不言
謂之隱未見顏色而言謂之瞽○孔子曰君子有三
戒少之時血氣未定戒之在色及其壯也血氣方剛
戒之在鬪及其老也血氣既衰戒之在得○孔子曰
君子有三畏畏天命畏大人畏聖人之言小人不知
天命而不畏也狎大人侮聖人之言○孔子曰生而

知之者上也學而知之者次也困而學之又其次也
困而不學民斯為下矣○孔子曰君子有九思視思
明聽思聰色思溫貌思恭言思忠事思敬疑思問忿
思難見得思義○孔子曰見善如不及見不善如探
湯吾見其人矣吾聞其語矣隱居以求其志行義以
達其道吾聞其語矣未見其人也○齊景公有馬千
駟死之日民無德而稱焉伯夷叔齊餓于首陽之下
民至于今稱之其斯之謂與○陳亢問於伯魚曰子

亦有異聞乎對曰未也嘗獨立鯉趨而過庭曰學詩乎對曰未也不學詩無以言鯉退而學詩他日又獨立鯉趨而過庭曰學禮乎對曰未也不學禮無以立鯉退而學禮聞斯二者陳亢退而喜曰問一得三聞詩聞禮又聞君子之遠其子也○邦君之妻君稱之曰夫人夫人自稱曰小童邦人稱之曰君夫人稱諸異邦曰寡小君異邦人稱之亦曰君夫人

論語九

陽貨第十七

陽貨欲見孔子孔子不見歸孔子豚孔子時其亡也而往拜之遇諸塗謂孔子曰來予與爾言曰懷其寶而迷其邦可謂仁乎曰不可好從事而亟失時可謂知乎曰不可日月逝矣歲不我與孔子曰諾吾將仕矣○子曰性相近也習相遠也○子曰唯上知與下愚不移○子之武城聞弦歌之聲夫子莞爾而笑曰

割雞焉用牛刀子游對曰昔者偃也聞諸夫子曰君子學道則愛人小人學道則易使也子曰二三子偃之言是也前言戲之耳○公山弗擾以費畔召子欲往子路不說曰末之也已何必公山氏之之也子曰夫召我者而豈徒哉如有用我者吾其為東周乎○子張問仁於孔子孔子曰能行五者於天下為仁矣請問之曰恭寬信敏惠恭則不侮寬則得衆信則人任焉敏則有功惠則足以使人○佛肸召子欲往子

路曰昔者由也聞諸夫子曰親於其身為不善者君子不入也佛肸以中牟畔子之往也如之何子曰然有是言也不曰堅乎磨而不磷不曰白乎涅而不緇吾豈匏瓜也哉焉能繫而不食○子曰由也女聞六言六蔽矣乎對曰未也居吾語女好仁不好學其蔽也愚好知不好學其蔽也蕩好信不好學其蔽也賊好直不好學其蔽也絞好勇不好學其蔽也亂好剛不好學其蔽也狂○子曰小子何莫學夫詩詩可以

興可以觀可以羣可以怨邇之事父遠之事君多識
於鳥獸草木之名○子謂伯魚曰女為周南召南矣
乎人而不為周南召南其猶正牆面而立也與○子
曰禮云禮云玉帛云乎哉樂云樂云鐘鼓云乎哉○
子曰色厲而內荏譬諸小人其猶穿窬之盜也與○
子曰鄉原德之賊也○子曰道聽而塗說德之棄也
○子曰鄙夫可與事君也與哉其未得之也患得之
既得之患失之苟患失之無所不至矣○子曰古者

民有三疾今也或是之亡也古之狂也肆今之狂也
蕩古之矜也廉今之矜也忿戾古之愚也直今之愚
也詐而已矣○子曰巧言令色鮮矣仁○子曰惡紫
之奪朱也惡鄭聲之亂雅樂也惡利口之覆邦家者
○子曰予欲無言子貢曰子如不言則小子何述焉
子曰天何言哉四時行焉百物生焉天何言哉○孺
悲欲見孔子孔子辭以疾將命者出戶取瑟而歌使
之聞之○宰我問三年之喪期已久矣君子三年不

為禮禮必壞三年不為樂樂必崩舊穀既沒新穀既
升鑽燧改火期可已矣子曰食夫稻衣夫錦於女安
乎曰安女安則為之夫君子之居喪食旨不甘聞樂
不樂居處不安故不為也今女安則為之宰我出子
曰予之不仁也子生三年然後免於父母之懷夫三
年之喪天下之通喪也予也有三年之愛於其父母
乎○子曰飽食終日無所用心難矣哉不有博奕者
乎為之猶賢乎已○子路曰君子尚勇乎子曰君子

義以為上君子有勇而無義為亂小人有勇而無義
為盜○子貢曰君子亦有惡乎子曰有惡惡稱人之
惡者惡居下流而訕上者惡勇而無禮者惡果敢而
窒者曰賜也亦有惡乎惡微以為知者惡不孫以為
勇者惡訐以為直者○子曰唯女子與小人為難養
也近之則不孫遠之則怨○子曰年四十而見惡焉
其終也已

微子去之箕子為之奴比干諫而死孔子曰殷有
仁焉○柳下惠為士師三黜人曰子未可以去乎曰
直道而事人焉往而不三黜枉道而事人何必去父
母之邦○齊景公待孔子曰若季氏則吾不能以季
孟之間待之曰吾老矣不能用也孔子行○齊人歸
女樂季桓子受之三日不朝孔子行○楚狂接輿歌
而過孔子曰鳳兮鳳兮何德之衰往者不可諫來者
猶可追已而已而今之從政者殆而孔子下欲與之

言趨而辟之不得與之言○長沮桀溺耦而耕孔子
過之使子路問津焉長沮曰夫執輿者為誰子路曰
為孔某曰是魯孔某與曰是也曰是知津矣問於桀
溺桀溺曰子為誰曰為仲由曰是魯孔某之徒與對
曰然曰滔滔者天下皆是也而誰以易之且而與其
從辟人之士也豈若從辟世之士哉擾而不輟子路
行以告夫子憮然曰鳥獸不可與同羣吾非斯人之
徒與而誰與天下有道某不與易也○子路從而後

遇丈人以杖荷篠子路問曰子見夫子乎丈人曰四
體不勤五穀不分孰為夫子植其杖而芸子路拱而
立止子路宿殺雞為黍而食之見其二子焉明日子
路行以告子曰隱者也使子路反見之至則行矣子
路曰不仕無義長幼之節不可廢也君臣之義如之
何其廢之欲潔其身而亂大倫君子之位也行其義
也道之不行已知之矣○逸民伯夷叔齊虞仲夷逸
朱張柳下惠少連子曰不降其志不辱其身伯夷叔

齊與謂柳下惠少連降志辱身矣言中倫行中慮其
斯而已矣謂虞仲夷逸隱居放言身中清廢中權我
則異於是無可無不可○大師棼適齊亞飯干適楚
三飯繚適蔡四飯缺適秦鼓方叔入於河播鼗武入
於漢少師陽擊磬襄入於海○周公謂魯公曰君子
不施其親不使大臣怨乎不以故舊無大故則不棄
也無求備於一人○周有八士伯達伯适仲突仲忽
叔夜叔夏季隨季騶

論語十

子張第十九

子張曰士見危致命見得思義祭思敬喪思哀其可
已矣○子張曰執德不宏信道不篤焉能為有焉能
為亡○子夏之門人問交於子張子張曰子夏云何
對曰子夏曰可者與之其不可者拒之子張曰異乎
吾所聞君子尊賢而容衆嘉善而矜不能我之大賢
與於人何所不容我之不賢與人將拒我如之何其

拒人也○子夏曰雖小道必有可觀者焉致遠恐泥
是以君子不為也○子夏曰日知其所亡月無忘其
所能可謂好學也已矣○子夏曰博學而篤志切問
而近思仁在其中矣○子夏曰百工居肆以成其事
君子學以致其道○子夏曰小人之過也必文○子
夏曰君子有三變望之儼然即之也溫聽其言也厲
○子夏曰君子信而後勞其民未信則以為厲己也
信而後諫未信則以為謗己也○子夏曰大德不踰

閑小德出入可也○子游曰子夏之門人小子當洒
掃應對進退則可矣抑末也本之則無如之何子夏
聞之曰噫言游過矣君子之道孰先傳焉孰後倦焉
譬諸草木區以別矣君子之道焉可誣也有始有卒
者其惟聖人乎○子夏曰仕而優則學學而優則仕
○子游曰喪致乎哀而止○子游曰吾友張也為難
能也然而未仁○曾子曰堂堂乎張也難與為仁
矣○曾子曰吾聞諸夫子人未有自致者也必也親

喪乎○曾子曰吾聞諸夫子孟莊子之孝也其他可
能也其不改父之臣與父之政是難能也○孟氏使
陽膚為士師問於曾子曾子曰上失其道民散久矣
如得其情則哀矜而勿喜○子貢曰紂之不善不如
是之甚也是以君子惡居下流天下之惡皆歸焉○
子貢曰君子之過也如日月之食焉過也人皆見之
更也人皆仰之○衛公孫朝問於子貢曰仲尼焉學
子貢曰文武之道未墜於地在人賢者識其大者不

賢者識其小者莫不有文武之道焉夫子焉不學而
亦何常師之有○叔孫武叔語大夫於朝曰子貢賢
於仲尼子服景伯以告子貢子貢曰譬之宮牆賜之
牆也及肩窺見室家之好夫子之牆數仞不得其門
而入不見宗廟之美百官之富得其門者或寡矣夫
子之云不亦宜乎○叔孫武叔毀仲尼子貢曰無以
為也仲尼不可毀也他人之賢者邱陵也猶可踰也
仲尼日月也無得而踰焉人雖欲自絕其何傷於日

月乎多見其不知量也○陳子禽謂子貢曰子為恭也仲尼豈賢於子乎子貢曰君子一言以為知一言以為不知言不可不慎也夫子之不可及也猶天之不可階而升也夫子之得邦家者所謂立之斯立道之斯行綏之斯來動之斯和其生也榮其死也哀如之何其可及也

堯曰第二十

堯曰咨爾舜天之歷數在爾躬允執其中四海困窮天祿永終舜亦以命禹曰予小子履敢用元牡敢昭告于皇皇后帝有罪不敢赦帝臣不蔽簡在帝心朕躬有罪無以萬方萬方有罪罪在朕躬周有大賚善人是富雖有周親不如仁人百姓有過在予一人謹權量審法度脩廢官四方之政行焉興滅國繼絕世舉逸民天下之民歸心焉所重民食喪祭寬則得衆信則民任焉敏則有功公則說○子張問於孔子曰何如斯可以從政矣子曰尊五美屏四惡斯可以從

政矣子張曰何謂五美子曰君子惠而不費勞而不怨欲而不貪泰而不驕威而不猛子張曰何謂惠而不費子曰因民之所利而利之斯不亦惠而不費乎擇可勞而勞之又誰怨欲仁而得仁又焉貪君子無衆寡無小大無敢慢斯不亦泰而不驕乎君子正其衣冠尊其瞻視儼然人望而畏之斯不亦威而不猛乎子張曰何謂四惡子曰不教而殺謂之虐不戒視成謂之暴慢令致期謂之賊猶之與人也出納之吝

謂之有司○子曰不知命無以為君子也不知禮無以立也不知言無以知人也

孟子一



梁惠王章句上

孟子見梁惠王王曰叟不遠千里而來亦將有以利
吾國乎孟子對曰王何必曰利亦有仁義而已矣王
曰何以利吾國大夫曰何以利吾家士庶人曰何以
利吾身上下交征利而國危矣萬乘之國弑其君者
必千乘之家千乘之國弑其君者必百乘之家萬取
千焉千取百焉不為不多矣苟為後義而先利不奪

不饜未有仁而遺其親者也未有義而後其君者也
王亦曰仁義而已矣何必曰利○孟子見梁惠王王
立於沼上顧鴻鴈麋鹿曰賢者亦樂此乎孟子對曰
賢者而後樂此不賢者雖有此不樂也詩云經始靈
臺經之營之庶民攻之不日成之經始勿亟庶民子
來王在靈囿麋鹿攸伏麋鹿濯濯白鳥鶴鶴王在靈
沼於物魚躍文王以民力為臺為沼而民歡樂之謂
其臺曰靈臺謂其沼曰靈沼樂其有麋鹿魚鼈古之

人與民偕樂故能樂也湯誓曰時日害喪予及女偕
亡民欲與之偕亡雖有臺池鳥獸豈能獨樂哉○梁
惠王曰寡人之於國也盡心焉耳矣河內凶則移其
民於河東移其粟於河內河東凶亦然察鄰國之政
無如寡人之用心者鄰國之民不加少寡人之民不
加多何也孟子對曰王好戰請以戰喻填然鼓之兵
刃既接棄甲曳兵而走或百步而後止或五十步而
後止以五十步笑百步則何如曰不可直不百步耳

是亦走也曰王如知此則無望民之多於鄰國也不
違農時穀不可勝食也數罟不入洿池魚鼈不可勝
食也斧斤以時入山林材木不可勝用也穀與魚鼈
不可勝食材木不可勝用是使民養生喪死無憾也
養生喪死無憾王道之始也五畝之宅樹之以桑五
十者可以衣帛矣雞豚狗彘之畜無失其時七十者
可以食肉矣百畝之田勿奪其時數口之家可以無
飢矣謹庠序之教申之以孝悌之義頌白者不負戴

於道路矣七十者衣帛食肉黎民不飢不寒然而不
王者未之有也狗彘食人食而不知檢塗有餓莩而
不知發人死則曰非我也歲也是何異於刺人而殺
之曰非我也兵也王無罪歲斯天下之民至焉○梁
惠王曰寡人願安承教孟子對曰殺人以梃與刃有
以異乎曰無以異也以刃與政有以異乎曰無以異
也曰庖有肥肉廄有肥馬民有飢色野有餓莩此率
獸而食人也獸相食且人惡之為民父母行政不免

於率獸而食人惡在其為民父母也仲尼曰始作俑者其無後乎為其象人而用之也如之何其使斯民飢而死也○梁惠王曰晉國天下莫強焉叟之所知也及寡人之身東敗於齊長子死焉西喪地於秦七百里南辱於楚寡人恥之願比死者一洒之如之何則可孟子對曰地方百里而可以王王如施仁政於民省刑罰薄稅斂深耕易耨壯者以暇日脩其孝悌忠信入以事其父兄出以事其長上可使制梃以撻

秦楚之堅甲利兵矣彼奪其民時使不得耕耨以養其父母父母凍餓兄弟妻子離散彼陷溺其民一往而征之夫誰與王敵故曰仁者無敵王請勿疑○孟子見梁襄王出語人曰望之不似人君就之而不見所畏焉卒然問曰天下惡乎定吾對曰定于一孰能一之對曰不嗜殺人者能一之孰能與之對曰天下莫不與也王知夫苗乎七八月之間旱則苗槁矣天油然作雲沛然下雨則苗浡然興之矣其如是孰能

禦之今夫天下之人牧未有不嗜殺人者也有不嗜殺人者則天下之民皆引領而望之矣誠如是也民歸之由水之就下沛然誰能禦之○齊宣王問曰齊桓晉文之事可得聞乎孟子對曰仲尼之徒無道桓文之事者是以後世無傳焉臣未之聞也無以則王乎曰德何如則可以王矣曰保民而王莫之能禦也曰若寡人者可以保民乎哉曰可曰何由知吾可也曰臣聞之胡龔曰王坐於堂上有牽牛而過堂下

者王冕之曰牛何之對曰將以釁鐘王曰今之吾不忍其觶觶若無罪而就死地對曰然則廢釁鐘其曰何可廢也以羊易之不識有諸曰有之曰是心足以王矣百姓皆以王為愛也臣固知王之不忍也王曰然誠有百姓者齊國雖褊小吾何愛一牛即不忍其觶觶若無罪而就死地故以羊易之也曰王無異於百姓之以王為愛也以小易大彼惡知之王若隱其無罪而就死地則牛羊何擇焉王笑曰是誠何心哉

我非愛其財而易之以羊也宜乎百姓之謂我愛也
曰無傷也是乃仁術也見牛未見羊也君子之於禽
獸也見其生不忍見其死聞其聲不忍食其肉是以
君子遠庖廚也王說曰詩云他人有心予忖度之夫
子之謂也夫我乃行之反而求之不得吾心夫予言
之於我心有戚戚焉此心之所以合於王者何也曰
有復於王者曰吾力足以舉百鈞而不足以舉一羽
明足以察秋毫之末而不見輿薪則王許之乎曰否

今恩足以及禽獸而功不至於百姓者獨何與然則
一羽之不舉為不用力焉輿薪之不見為不用明焉
百姓之不見保為不用恩焉故王之不王不為也非
不能也曰不為者與不能者之形何以異曰挾太山
以超北海語人曰我不能是誠不能也為長者折枝
語人曰我不能是不為也非不能也故王之不王非
挾太山以超北海之類也王之不王是折枝之類也
老吾老以及人之老幼吾幼以及人之幼天下可運

於掌詩云刑于寡妻至于兄弟以御于家邦言舉斯
心加諸彼而已故推恩足以保四海不推恩無以保
妻子古之人所以大過人者無他焉善推其所為而
已矣今恩足以及禽獸而功不至於百姓者獨何與
權然後知輕重度然後知長短物皆然心為甚主請
度之抑王興甲六危士臣構怨於諸侯然後快於心
與王曰否吾何快於是將以求吾所大欲也曰王之
所大欲可得聞與王笑而不言曰為肥甘不足於口

與輕煖不足於體與抑為采色不足視於目與聲音
不足聽於耳與便嬖不足使令於前與王之諸臣皆
足以供之而王且為是哉曰否吾不為是也曰然則
王之所大欲可知已欲辟土地朝秦楚莅中國而撫
四夷也以若所為求若所欲猶緣木而求魚也王曰
若是其甚與曰殆有甚焉緣木求魚雖不得魚無後
災以若所為求若所欲盡心力而為之後必有災曰
可得聞與曰鄒人與楚人戰則王以為孰勝曰楚人

勝曰然則小固不可以敵大寡固不可以敵衆弱固不可以敵強海內之地方千里者九齊集有其一以一服八何以異於鄒敵楚哉蓋亦反其本矣今王發政施仁使天下仕者皆欲立於王之朝耕者皆欲耕於王之野商賈皆欲藏於王之市行旅皆欲出於王之塗天下之欲以爲其君者皆欲進於王其若是孰能禦之王曰吾惛不能進於是矣願夫子抽吾志明以教我我雖不敏請嘗試之曰無恒產而有恒心者

惟士爲能若民則無恒產因無恒心苟無恒心放辟邪侈無不爲已及陷於罪然後從而刑之是罔民也焉有仁人在位而民而可爲也是故明君制民之產必使仰足以事父母俯足以畜妻子樂歲終身飽凶年免於死亡然後驅而之善故民之從之也輕今也制民之產仰不足以事父母俯不足以畜妻子樂歲終身苦凶年不免於死亡此惟救死而恐不贍奚暇治禮義哉王欲行之則盍反其本矣五畝之宅樹之

以桑五十者可以衣帛矣雞豚狗彘之畜無失其時七十者可食肉矣百畝之田勿奪其時八口之家可以無飢矣謹庠序之教申之以孝悌之義頌白者不負戴於道路矣老者衣帛食肉黎民不飢不寒然而不王者未之有也

梁惠王章下

莊暴見孟子曰暴見於王王語暴以好樂暴未嘗有以對也曰好樂何如孟子曰王之好樂甚則齊國其庶

幾乎他日見於王曰王嘗語莊子以好樂有諸王變乎色曰寡人非能好先王之樂也真好世俗之樂耳曰王之好樂甚則齊其庶幾乎今之樂由古之樂也曰可得聞與曰獨樂樂與人樂樂孰樂曰不若與人曰與少樂樂與衆樂樂孰樂曰不若與衆臣請為王言樂今王鼓樂於此百姓聞王鐘鼓之聲管籥之音舉疾首蹙頞而相告曰吾王之好鼓樂夫何使我至於此極也父子不相見兄弟妻子離散今王田獵於

此百姓聞王車馬之音見羽旄之美舉疾首蹙頰而相告曰吾君之好田獵夫何使我至於此極也父子不相見兄弟妻子離散此無他不與民同樂也今王鼓樂於此百姓聞王鐘鼓之聲管籥之音舉欣欣然有喜色而相告曰吾王庶幾無疾病與何以能鼓樂也今王田獵於此百姓聞王車馬之音見羽旄之美舉欣欣然有喜色而相告曰吾王庶幾無疾病與何以能田獵也此無他與民同樂也今王與百姓同樂

則王矣○齊宣王問曰文王之囿方七十里有諸孟子對曰於傳有之曰若是其大乎曰民猶以為小也曰寡人之囿方四十里民猶以為大何也曰文王之囿方七十里芻蕘者往焉雉兔者往焉與民同之民以為小不亦宜乎臣始至於境問國之大禁然後敢入臣聞郊關之內有囿方四十里殺其麋鹿者如殺人之罪則是方四十里為阱於國中民以為大不亦宜乎○齊宣王問曰交鄰國有道乎孟子對曰有惟

仁者為能以大事小是故湯事葛文王事昆夷惟智者為能以小事大故大王事獯鬻句踐事吳以大事小者樂天者也以小事大者畏天者也樂天者保天下畏天者保其國詩云畏天之威于時保之王曰大哉言矣寡人有疾寡人好勇對曰王請無好小勇夫撫劍疾視曰彼惡敢當我哉此匹夫之勇敢一人者也王請大之詩云王赫斯怒爰整其旅以邊徂莒以篤周祜以對于天下此文王之勇也文王一怒而安

天下之民書曰天降下民作之君作之師惟曰其助上帝寵之四方有罪無罪惟我在天下曷敢有越厥志一人衡行於天下武王恥之此武王之勇也而武王亦一怒而安天下之民今王亦一怒而安天下之民民惟恐王之不好勇也○齊宣王見孟子於雪宮王曰賢者亦有此樂乎孟子對曰有人不得則非其上矣不得而非其上者非也為民上而不與民同樂者亦非也樂民之樂者民亦樂其樂憂民之憂者民

亦憂其憂樂以天下憂以天下然而不王者未之有也昔者齊景公問於晏子曰吾欲觀於轉附朝儻遵海而南放於琅邪吾何脩而可以比於先王觀也晏子對曰善哉問也天子適諸侯曰巡狩巡狩者巡所守也諸侯朝於天子曰述職述職者述所職也無非事者春省耕而補不足秋省斂而助不給夏諺曰吾王不遊吾何以休吾王不豫吾何以助一遊一豫為諸侯度今也不然師行而糧食飢者弗食勞者弗息

眊眊胥讒民乃作慝方命虐民飲食若流流連荒亡為諸侯憂從流下而忘反謂之流從流上而忘反謂之連從獸無厭謂之荒樂酒無厭謂之亡先王無流連之樂荒亡之行惟君所行也景公說大戒於國出舍於郊於是始興發補不足召太師曰為我作君臣相說之樂蓋徵招角招是也其詩曰畜君何尤畜君者好君也○齊宣王問曰人皆謂我毀明堂毀諸已乎孟子對曰夫明堂者王者之堂也王欲行王政則

勿毀之矣王曰王政可得聞與對曰昔者文王之治
岐也耕者九一仕者世祿關市譏而不征澤梁無禁
罪人不孥老而無妻曰鰥老而無夫曰寡老而無子
曰獨幼而無父曰孤此四者天下之窮民而無告者
文王發政施仁必先斯四者詩云哿矣富人哀此鰥
獨王曰善哉言乎曰王如善之則何為不行王曰寡
人有疾寡人好貨對曰昔者公劉好貨詩云乃積乃
倉乃裹餼糧于橐于囊思戢用光弓矢可張干戈戢

揚爰方啓行故居者有積倉行者有裹糧也然後可
以爰方啓行王如好貨與百姓同之於王何有王曰
寡人有疾寡人好色對曰昔者大王好色愛厥妃詩
云古公亶父來朝走馬率西水滸至于岐下爰及姜
女聿來胥宇當是時也內無怨女外無曠夫王如好
色與百姓同之於王何有○孟子謂齊宣王曰王之
臣有託其妻子於其友而之楚遊者比其反也則凍
餒其妻子則如之何王曰棄之曰士師不能治士則

如之何王曰已之曰四境之內不治則如之何王顧
左右而言他○子見齊宣王曰所謂故國者非謂
有喬木之謂也有世臣之謂也王無親臣矣昔者所
進今日不知其亡也王曰吾何以識其不才而舍之
曰國君逆賢如不得已將使卑踰尊疏踰戚可不慎
與左右皆曰賢未可也諸大夫皆曰賢未可也國人
皆曰賢然又察之見賢焉然後用之左右皆曰不
勿聽諸大夫皆曰不可勿聽國人皆曰不可然後察

之見

然後去之左右皆曰可殺勿聽

皆曰可殺勿聽國人皆曰可殺然後察之見可殺焉
然後殺之故曰國人殺之也如此然後可以為民父
母○齊宣王問曰湯放桀武王伐紂有諸孟子對曰
於傳有之曰臣弑其君可乎曰賊仁者謂之賊賊義
者謂之殘殘賊之人謂之一夫聞誅一夫紂矣未聞
弑君也○孟子齊宣王曰為巨室則使工師求
大木工師得大木則王喜以為能勝其任也匠人斲

而小之則王怒以為不勝其任矣夫人幼而學之壯
而欲行之王曰舍女所學而從我則何如今有璞
玉於此雖萬鎰必使玉人彫琢之至於治國家則曰
姑舍女所學而從我則何以異於教玉人彫琢玉哉
○齊人伐燕勝之宣王問曰或謂寡人勿取或謂寡
人取之以萬乘之國伐萬乘之國五旬而舉之人力
不至於此不取必有天殃取之何如
曰取之
而燕民悅 取之古之人有行之者武王是

而燕民悅 則勿取古之人有行之者文王也
以萬乘之國伐萬乘之國箠食壺漿以迎

哉避水火也如水益深如火益熱亦運而已矣○齊
人伐燕取之諸侯將謀救燕宣王曰諸侯多其

人者何以待之孟子對曰臣聞七十里為政於天下
者湯是也未聞以千里畏人者也書曰湯一征自葛
始天下信之東而征西夷怨南面而征北狄怨曰
奚為後我民望之若大旱之望雲霓也歸市者不

耕者不愛誅其君而弔其民若時雨降民大悅書曰
徯我后后來其蘇今燕虐其民王往而征之民以為
將拯己於水火之中也箚食壺漿以迎王師若殺其
父兄係累其子弟毀其宗廟遷其重器如之何其可
也天下固畏齊之彊也今又倍地而不守仁政夫動
天下之兵也王速出令反上獲倪止其重器謀於燕
衆置君而後去之則猶可及止也○昭
問曰吾有言死者三十三人而民莫之也

不可勝誅一誅則疾視其長上之死而不救之何
則可也孟子對曰凶年饑歲君之民老弱轉乎溝壑
壯者散而之四方者幾千八百矣而君之倉廩實府庫
充有司莫以告是上慢而殘下也曾子曰戒之戒之
出乎爾者反乎爾者也夫民今而後得反之也君無
尤焉君行仁政斯民親其上死其長矣○滕文公問
曰滕小國也昭公齊楚事齊乎事楚乎孟子對曰是
謀非吾所能及也無已則有一焉鑿斯池也築斯城

也與民守之效死而民弗去則是可為也○滕文公
問曰齊人將築許吾甚恐如之何則可孟子對曰昔
者大王居邠狄人侵之去之岐山之下居焉非擇而
取之不得已也苟為善後世子孫必有王者矣君子
創業垂統為可繼也若夫成功則天也君如彼何哉
彊為善而已矣○滕文公問曰滕小國也竭力以事
大國則不得免焉如之何則可孟子對曰昔者大王
居邠狄人侵之去之以皮幣不得免焉事之
犬馬

不得免焉事之以珠玉不得免焉乃屬其耆
而告
之曰狄人之所欲者吾土地也吾聞之也君子不以
其所以養人者害人二三子何患乎無君我將去之
去邠踰梁山邑于岐山之下居焉邠人曰仁人也
不可失也從之者如歸市或曰世守也非身之所能為
也效死勿去君請擇於斯二者○魯平公將出嬖人
臧倉者請曰也○君出則必命有司所之今乘輿已
駕矣有司未知所之敢請公曰將見孟子曰何哉

所為輕身以先於匹夫者以為賢乎禮義由賢者出而孟子之後喪踰前喪君無見焉公曰諾樂正子人見曰君奚為不見孟軻也曰或告寡人曰孟子之後喪踰前喪是以不往見也曰何哉君所謂踰者前以士後以大夫前以三鼎而後以五鼎與曰否謂棺槨衣衾之美也曰非所謂踰也貧富不同也樂正子見孟子曰克嘗於君君為來見也嬖人有臧倉者沮君君是以不果來也曰行或使之止或尼之行 非人

所能也吾之不過魯侯天也臧氏之子焉能使予不遇哉

孟子二

公孫丑章句上

公孫丑問曰夫子當路於齊管仲晏子之功可復許乎孟子曰子誠齊人也知管仲晏子而已矣或問乎曾西曰吾子與子路孰賢曾西蹙然曰吾先子之所畏也曰然則吾子與管仲孰賢曾西艱然不悅曰爾何曾比予於管仲管仲得君如彼其專也行乎國政如彼其久也功烈如彼其卑也爾何曾比予於是曰

管仲曾西之所不為也而子為我願之乎曰管仲以
其君霸晏子以其君顯管仲晏子猶不足為與曰以
齊王由反手也曰若是則弟子之惑滋甚且以文王
之德百年而後崩猶未洽於天下武王周公繼之然
後大行今言王若易然則文王不足法與曰文王何
可當也由湯至於武丁賢聖之君六七作天下歸殷
久矣久則弊變也武丁朝諸侯有天下猶運之掌也
紂之去武丁未久其故家遺俗流風善政猶有存

者又有微子微仲王子比干箕子膠鬲皆賢人也相
與輔相之既久而後失之也尺地莫非其有也一民
莫非其臣也然而文王猶方百里起是以難也齊人
有言曰雖有智慧不如乘勢雖有鎡基不如待時今
時則易然也夏后殷周之盛地未有過千里者也而
齊有其地矣雞鳴狗吠相聞而達乎四境而齊有其
民矣地不改辟矣民不改聚矣行仁政而王莫之能
禦也且王者之不作未有疏於此時者也民之憔悴

於虐政未有甚於此時者也飢者易為食渴者易為飲孔子曰德之流行速於置郵而傳命當今之時萬乘之國行仁政民之悅之猶解倒懸也故事半古之人功必倍之惟此時為然○公孫丑問曰夫子加齊之卿相得行道焉雖由此霸王不異矣如此則動心否乎孟子曰否我四十不動心曰若是則夫子過孟賁遠矣曰是不難告子先我不動心曰不動心有道乎曰有北宮黝之養勇也不膚撓不目逃思以一毫

挫於人若撻之於市朝不受於褐寬博亦不受於萬乘之君視刺萬乘之君若刺褐夫無嚴諸侯惡聲至必反之孟施舍之所養勇也曰視不勝猶勝也量敵而後進慮勝而後會是畏三軍者也舍豈能為必勝哉能無懼而已矣孟施舍似曾子北宮黝似子夏夫二子之勇未知其孰賢然而孟施舍守約也昔者曾子謂子襄曰子好勇乎吾嘗聞大勇於夫子矣自反而不縮雖褐寬博吾不惴焉自反而縮雖千萬人吾

往矣孟施舍之守氣又不如曾子之守約也曰敢問
夫子之不動心與告子之不動心可得聞與告子曰
不得於言勿求於心不得於心勿求於氣不得於心
勿求於氣可不得於言勿求於心不可夫志氣之帥
也氣體之充也夫志至焉氣次焉故曰持其志無暴
其氣既曰志至焉氣次焉又曰持其志無暴其氣者
何也曰志壹則動氣氣壹則動志也今夫蹶者趨者
是氣也而反動其心敢問夫子惡乎長曰我知言我

善養吾浩然之氣敢問何謂浩然之氣曰難言也其
為氣也至大至剛以直養而無害則塞于天地之間
其為氣也配義與道無是餒也是集義所生者非義
襲而取之也行有不慊於心則餒矣我故曰告子未
嘗知義以其外之也必有事焉而勿正心勿忘勿助
長也無若宋人然宋人有閔其苗之不長而揠之者
芒芒然歸謂其人曰今日病矣予助苗長矣其子趨
而往視之苗則槁矣天下之不助苗長者寡矣以為

無益而舍之者不耘苗者也助之長者揠苗者也非徒無益而又害之何謂知言曰諛辭知其所蔽淫辭知其所陷邪辭知其所離遁辭知其所窮生於其心害於其政發於其政害於其事聖人復起必從吾言矣宰我子貢善為說辭冉牛閔子顏淵善言德行孔子兼之曰我於辭命則不能也然則夫子既聖矣乎曰惡是何言也昔者子貢問於孔子曰夫子聖矣乎孔子曰聖則吾不能我學不厭而教不倦也子貢曰

學不厭智也教不倦仁也仁且智夫子既聖矣夫聖孔子不居是何言也昔者竊聞之子夏子游子張皆有聖人之一體冉牛閔子顏淵則具體而微敢問所安曰姑舍是曰伯夷伊尹何如曰不同道非其君不事非其民不使治則進亂則退伯夷也何事非君何使非民治亦進亂亦進伊尹也可以仕則仕可以止則止可以久則久可以速則速孔子也皆古聖人也吾未能有行焉乃所願則學孔子也伯夷伊尹於孔

子若是班乎曰否自有生民以來未有孔子也曰然則有同與曰有得百里之地而君之皆能以朝諸侯有天下行一不義殺一不辜而得天下皆不為也是則同曰敢問其所以異曰宰我子貢有若智足以知聖人汙不至阿其所好宰我曰以予觀於夫子賢於堯舜遠矣子貢曰見其禮而知其政聞其樂而知其德由百世之後等百世之王莫之能違也自生民以來未有夫子也有若曰豈惟民哉麒麟之於走獸鳳

凰之於飛鳥太山之於邱垤河海之於行潦類也聖人之於民亦類也出於其類拔乎其萃自主民以來未有盛於孔子也○孟子曰以力假仁者霸霸必有
大國以德行仁者王王不待大湯以七十里文王以
百里以力服人者非心服也力不贍也以德服人者
中心悅而誠服也如七十子之服孔子也詩云自西
自東自南自北無思不服此之謂也○孟子

榮不二則辱今惡辱而居不仁是猶惡濕而居下

如惡之莫如貴德而尊士賢者在位能者在職
閒暇及夫其明其政刑雖大國必畏之矣詩云迨天之未陰雨徹彼桑土綢繆牖戶今此下民或敢侮予
孔子曰為此詩者其知道乎能治其國家誰敢侮之
今國家閒暇及之時般樂怠敖是自求禍也禍福無
不自己求之者詩云永言配命自求多福太甲曰天
作孽猶可違自作孽不可活此之謂也○孟子曰尊
賢使能俊傑在位則天下之士皆悅而願立於其朝

矣市廛而不征法而不廛則天下之商皆悅而願藏
於其市矣關譏而不征則天下之旅皆悅而願出於
其路矣耕者助而不稅則天下之農皆悅而願耕於
其野矣廛無夫主之布則天下之民皆悅而願為之
氓矣信能行此五者則鄰國之民仰之若父母矣率
其子弟攻其父母自生民以來未有能濟者也如此
則無敵於天下無敵於天下者天吏也然而不王者
未之有也○孟子曰人皆有不忍人之心先王立不

忍人之心斯有不忍人之政矣以不忍人之心行不
忍人之政八下可運之掌上所以謂人皆有不忍
人之心者今人乍見孺子將入於井皆有怵惕惻隱
之心非所以內交於孺子之父母也非所以要譽於
鄉黨朋友也非心其聲而然也由是觀之無惻隱之
心非人也無羞惡之心非人也無辭讓之心非人也
無是非之心非人也惻隱之心仁之端也羞惡之心
義之端也辭讓之心禮之端也是非之心智之端也

人之有是四端也猶其有四體也有是四端而自謂
不能者自賊者也謂其君不能者賊其君者也凡有
四端於我者知皆擴而充之矣若火之始然泉之始
達苟能充之足以保四海苟不充之不足以事父母
○孟子曰矢人豈不仁於函人哉矢人惟恐不傷人
函人惟恐傷人巫匠亦然故術不可不慎也孔子曰
里仁為美擇不處仁焉得智夫仁天之尊爵也人之
安宅之莫之禦而不仁是不智也不仁不智無益無

義人役也人役而恥為役由弓人而恥為弓矢人而
恥為矢也如恥之莫如為仁仁者如射射者正己而
後發發而不中不怨勝己者反求諸己而已矣○孟
子曰子路人告之以有過則喜禹聞善言則拜大舜
有大馬善與人可舍己從人樂取於人以為善自耕
稼陶漁以至為帝無非取於人者取諸人以為善是
與人為善者也故君子莫大乎與人為善○孟子曰
伯夷非其君不事非其友不友不立於惡人之朝不

與惡人言立於惡人之朝與惡人言如以朝衣朝冠
坐於塗炭推惡惡之心思與鄉人立其冠不正望望
然去之若將浼焉是故諸侯雖有善其辭命而至者
不受也不受也者是亦不屑就已柳下惠不差汗君
不卑小官進不隱賢必以其道遺佚而不怨阨窮而
不憫故曰爾為爾我為我雖袒裼裸裎於我側爾焉
能浼我哉故由由然與之偕而不自失焉援而上之
而止援而止之而止者是亦不屑去已孟子曰伯夷

隘柳下惠不恭隘與不恭君子不由也

公孫丑章句下

孟子曰天時不如地利地利不如人和三里之城七里之郭環而攻之而不勝夫環而攻之必有得天時者矣然而不勝者是天時不如地利也城非不高也池非不深也兵革非不堅利也米粟非不多也委而去之是地利不如人和也故曰域民不以封疆之界固國不以山谿之險威天下不以兵革之利得道者

多助失道者寡助寡助之至親戚畔之多助之至天下順之以天下之所順攻親戚之所畔故君子有不戰戰必勝矣○孟子將朝三王使人來曰寡人如就見者也有寒疾不可以風朝將視朝不識可使寡人得見乎對曰不幸而有疾不能造朝明日出弔於東郭氏公孫丑曰昔者辭以病今日弔或者不可乎曰昔者疾今日愈如之何不弔王使人問疾醫來孟仲子對曰昔者有王命有采薪之憂不能造朝今病小

愈趨造於朝我不識能至否乎使數人要於路曰請必無歸而造於朝不得已而之景丑氏宿焉景子曰內則父子外則君臣人之大倫也父子主恩君臣主敬丑見王之敬子也未見所以敬王也曰惡是何言也齊人無以仁義與王言者豈以仁義為不美也其心曰是何足與言仁義也云爾則不敬莫大乎是我非堯舜之道不敢以陳於王前故齊人莫如我敬王也景子曰否非此之謂也禮曰父召無諾君命名召不

俟駕固將朝也聞王命而遂不果宜與夫禮若不相似然曰豈謂是與曾子曰晉楚之富不可及也彼以其富我以吾仁彼以其爵我以吾義吾何慊乎哉夫豈不義而曾子言之是或一道也天下有達尊三爵一齒一德一朝廷莫如爵鄉黨莫如齒輔世長民莫如德惡得有其一以慢其二哉故將大有為之君必有所不召之臣欲有謀焉則就之其尊德樂道不如是不足與有為也故湯之於伊尹學焉而後臣之故

不勞而王桓公之於管仲學焉而後臣之故不勞而
霸今天下地醜德齊莫能相尚無他好臣其所教而
不好臣其所受教湯之於伊尹桓公之於管仲則不
敢召管仲且猶不可召而况不為管仲者乎○陳臻
問曰前日於齊王餽兼金一百而不受於宋餽七十
鎰而受於薛餽五十鎰而受前日之不受是則今日
之受非也今日之受是則前日之不受非也夫子必
居一於此矣孟子曰皆是也當在宋也予將有遠行

行者必以贖辭曰餽贖予何為不受當在薛也予有
戒心辭曰聞戒故為兵餽之予何為不受若於齊則
未有處也無處而餽之是貨之也焉有君子而可以
貨取乎○孟子之平陸謂其大夫曰子之持戟之士
一日而三失伍則去之否乎曰不待三然則子之失
伍也亦多矣凶年饑歲子之民老羸轉於溝壑壯者
散而之四方者幾千人矣曰此非距心之所得為也
曰今有受人之牛羊而為之牧之者則必為之求牧

與芻矣求牧與芻而不得則反諸其人乎抑亦立而
視其死與曰此則距心之罪也他日見於王曰王之
為都者臣知五人焉知其罪者惟孔距心為王誦之
王曰此則寡人之罪也○孟子謂蚘鼃曰子之辭靈
邱而請士師似也為其可以言也今既數月矣未可
以言與蚘鼃諫於王而不用致為臣而去齊人曰所
以為蚘鼃則吾矣所以自為則吾不知也公都子以
告曰吾聞之也有官守者不得其職則去有言責者

不得其言則去我無官守我無言責也則吾進退豈
不綽綽然有餘裕哉○孟子為卿於齊出弔於滕王
使蓋大夫王驩為輔行王驩朝暮見反齊滕之路未
嘗與之言行事也公孫丑曰齊卿之位不為小矣齊
滕之路不為近矣反之而未嘗與言行事何也曰夫
既或治之予何言哉○孟子自齊葬於魯反於齊止
於嬴充虞請曰前日不知虞之不肖使虞敦匠事嚴
虞不敢請今願竊有請也木若以美然曰古者棺槨

無度中古棺七寸槨稱之自天子達於庶人非直為
觀美也然後盡於人心不得不可以為悅無財不可
以為悅得之為有財古之人皆用之吾何為獨不然
且比化者無使土親膚於人心獨無忤乎吾聞之也
君子不以天下儉其親○沈同以其私問曰燕可伐
與孟子曰可子噲不得與人燕子之不得受燕於子
噲有仕於此而子悅之不告於王而私與之吾子之
祿爵夫士也亦無王命而私受之於子則可乎何以

異於是齊人伐燕或問曰勸齊伐燕有諸曰未也沈
同問燕可伐與吾應之曰可彼然而伐之也彼如曰
孰可以伐之則將應之曰為天吏則可以伐之今有
殺人者或問之曰人可殺與則將應之曰可彼如曰
孰可以殺之則將應之曰為士師則可以殺之今以
燕伐燕何為勸之哉○燕人畔王曰吾甚慙於孟子
陳賈曰王無患焉王自以為與周公孰仁且智王曰
惡是何言也曰周公使管叔監殷管叔以殷畔知而

使之是不仁也不知而使之是不智也仁智周公未
之盡也而況於王乎賈請見而解之見孟子問曰周
公何人也曰古聖人也曰使管叔監殷管叔以殷畔
也有諸曰然曰周公知其將畔而使之與曰不知也
然則聖人且有過與曰周公弟也管叔兄也周公之
過不亦宜乎且古之君子過則改之今之君子過則
順之古之君子其過也如日月之食民皆見之及其
更也民皆仰之今之君子豈徒順之又從為之辭○

孟子致為臣而歸王就見孟子曰前日願見而不可
得得侍同朝甚喜今又棄寡人而歸不識可以繼此
而得見乎對曰不敢請耳固所願也他日王謂時子
曰我欲中國而授孟子室養弟子以萬鍾使諸大夫
國人皆有所矜式子盍為我言之時子因陳子而以
告孟子陳子以時子之言告孟子孟子曰然夫時子
惡知其不可也如使子欲富辭十萬而受萬是為欲
富乎季孫曰異哉子叔疑使己為政不用則亦已矣

又使其子弟為卿人亦孰不欲富貴而獨於富貴之
中有私龍斷焉古之為市者以其所有易其所無者
有司者治之耳有賤丈夫焉必求龍斷而登之以左
右望而罔市利人皆以為賤故從而征之征商自此
賤丈夫始矣○孟子去齊宿於晝有欲為王留行者
坐而言不應隱几而卧客不悅曰弟子齊宿而後敢
言夫子卧而不聽請勿復敢見矣曰坐我明語子昔
者魯繆公無人乎子思之側則不能安子思泄柳申

詳無人乎繆公之側則不能安其身子為長者慮而
不及子思子絕長者乎長者絕子乎○孟子去齊尹
士語人曰不識王之不可以為湯武則是不明也識
其不可然且至則是干澤也千里而見王不遇故去
三宿而後出晝是何濡滯也士則茲不悅高子以告
曰夫尹士惡知予哉千里而見王是予所欲也不過
故去豈予所欲哉予不得已也予三宿而出晝於予
心猶以為速王庶幾改之王如改諸則必反予夫出

晝而王不予追也予然後浩然有歸志予雖然豈舍
王哉王由足用為善王如用予則豈徒齊民安天下
之民舉安王庶幾改之予日望之予豈若是小丈夫
然哉諫於其君而不受則怒悻悻然見於其面去則
窮日之力而後宿哉尹士聞之曰士誠小人也○孟
子去齊充虞路問曰夫子若有不豫色然前日虞聞
諸夫子曰君子不怨天不尤人曰彼一時此一時也
五百年必有王者興其間必有名世者由周而來七

百有餘歲矣以其數則過矣以其時考之則可矣夫
天未欲平治天下也如欲平治天下當今之世舍我
其誰也吾何為不豫哉○孟子去齊居休公孫丑問
曰仕而不受祿古之道乎曰非也於崇吾得見王退
而有去志不欲變故不受也繼而有師命不可以請
久於齊非我志也

孟子三



滕文公章句上

滕文公為世子將之楚過宋而見孟子孟子道性善
言必稱堯舜世子自楚反復見孟子孟子曰世子疑
吾言乎夫道一而已矣成覿謂齊景公曰彼丈夫也
我丈夫也吾何畏彼哉顏淵曰舜何人也予何人也
有為者亦若是公明儀曰文王我師也周公豈欺我
哉今滕絕長補短將五十里也猶可以為善國書曰

若藥不瞑眩厥疾不瘳○滕定公薨世子謂然友曰
昔者孟子嘗與我言於宋於心終不忘今也不幸至
於大故吾欲使子問於孟子然後行事然友之鄒問
於孟子孟子曰不亦善乎親喪固所自盡也曾子曰
生事之以禮死葬之以禮祭之以禮可謂孝矣諸侯
之禮吾未之學也雖然吾嘗聞之矣三年之喪齊疏
之服飭粥之食自天子達於庶人三代共之然友反
命定為三年之喪父兄百官皆不欲曰吾宗國魯先

君莫之行吾先君亦莫之行也至於子之身而反之
不可且志曰喪祭從先祖曰吾有所受之也謂然友
曰吾他日未嘗學問好馳馬試劍今也父兄百官不
我足也恐其不能盡於大事子為我問孟子然友復
之鄒問孟子孟子曰然不可以他求者也孔子曰君
薨聽於冢宰歆粥面深墨即位而哭百官有司莫敢
不哀先之也上有好者下必有甚焉者矣君子之德
風也小人之德草也草尚之風必偃是在世子然友

反命世子曰然是誠在我五月居廬未有命戒百官
族人可謂曰知及至葬四方來觀之顏色之戚哭泣
之哀弔者大悅○滕文公問為國孟子曰民事不可
緩也詩云晝爾于茅宵爾索綯亟其乘屋其始播百
穀民之為道也有恒產者有恒心無恒產者無恒心
苟無恒心放辟邪侈無不為已及陷乎罪然後從而
刑之是罔民也焉有仁人在位罔民而可為也是故
賢君必恭儉禮下取於民有制陽虎曰為富不仁矣

為仁不富矣夏后氏五十而貢殷人七十而助周人
百畝而徹其實皆什一也徹者徹也助者藉也龍子
曰治地莫善於助莫不善於貢貢者校數歲之中以
為常樂歲粒米狼戾多取之而不為虐則寡取之凶
年糞其田而不足則必取盈焉為民父母使民盻盻
然終歲勤動不得以養其父母又稱貸而益之使
老稚轉乎溝壑惡在其為民父母也夫世祿滕固行
之矣詩云雨我公田遂及我私惟助為有公田由此

觀之雖周亦助也設為庠序學校以教之庠者養也
校者教也序者射也夏曰校殷曰序周曰庠學則三
代共之皆所以明人倫也人倫明於上小民親於下
有王者起必來取法是為王者師也詩云周雖舊邦
其命維新文王之謂也子力行之亦以新子之國使
畢戰問井地孟子曰子之君將行仁政選擇而使子
子必勉之夫仁政必自經界始經界不正井地不均
穀祿不平是故暴君汙吏必慢其經界經界既正久

田制祿可坐而定也夫滕壤地褊小將為君子焉將
為野人焉無君子莫治野人無野人莫養君子請野
九一而助國中什一使自賦卿以下必有圭田圭田
五十畝餘夫二十五畝死徙無出鄉鄉田同井出入
相友守望相助疾病相扶持則百姓親睦方里而井
井九百畝其中為公田八家皆私百畝同養公田公
事畢然後敢治私事所以別野人也此其大略也若
夫潤澤之則在君與子矣○有為神農之言者許行

自楚之滕踵門而告文公曰遠方之人聞君行仁政願受一廛而為氓文公與之處其徒數十人皆衣褐相屨織席以為食陳良之徒陳相與其弟辛負耒耜而自宋之滕曰聞君行聖人之政是亦聖人也願為聖人氓陳相見許行而大悅盡棄其學而學焉陳相見孟子道許行之言曰滕君則誠賢君也雖然未聞道也賢者與民竝耕而食饗殮而治今也滕有倉廩府庫則是厲民而以自養也惡得賢孟子曰許子必

種粟而後食乎曰然許子必織布而後衣乎曰否許子衣褐許子冠乎曰冠曰奚冠曰冠素曰自織之與曰否以粟易之曰許子奚為不自織曰害於耕曰許子以釜鬲爨以鐵耕乎曰然自為之與曰否以粟易之以粟易械器者不為厲陶冶陶冶亦以其械器易粟者豈為厲農夫哉且許子何不為陶冶舍皆取諸其宮中而用之何為紛紛然與百工交易何許子之不憚煩曰百工之事固不可耕且為也然則治天下

獨可耕且為與有大人之事有小人之事且一人之
身而百工之所為備如必自為而後用之是率天下
而路也故曰或勞心或勞力勞心者治人勞力者治
於人治於人者食人治人者食於人天下之通義也
當堯之時天下猶未平洪水橫流氾濫於天下草木
暢茂禽獸繁殖五穀不登禽獸逼人獸蹄鳥跡之道
交於中國堯獨憂之舉舜而敷治焉舜使益掌火益
烈山澤而焚之禽獸逃匿禹疏九河濬濟漯而注諸

海決汝漢排淮泗而注之江然後中國可得而食也
當是時也禹八年於外三過其門而不入雖欲耕得
乎后稷教民稼穡樹藝五穀五穀熟而民人育人之
有道也飽食煖衣逸居而無教則近於禽獸聖人有
憂之使契為司徒教以人倫父子有親君臣有義夫
婦有別長幼有序朋友有信放勳曰勞之來之匡之
直之輔之翼之使自得之又從而振德之聖人之憂
民如此而暇耕乎堯以不得舜為已憂舜以不得禹

臯陶為己憂夫以百畝之不易為己憂者農夫也分
人以財謂之惠教人以善謂之忠為天下得人者謂
之仁是故以天下與人易為天下得人難孔子曰大
哉堯之為君惟天為大惟堯則之蕩蕩乎民無能名
焉君哉舜也巍巍乎有天下而不與焉堯舜之治天
下豈無所用其心哉亦不用於耕耳吾聞用夏變夷
者未聞變於夷者也陳良楚產也悅周公仲尼之道
北學於中國北方之學者未能或之先也彼所謂豪

傑之士也子之兄弟事之數十年師死而遂倍之昔
者孔子沒二年之外門人治任將歸入揖於子貢相
嚮而哭皆失聲然後歸子貢反築室於場獨居三年
然後歸他日子夏子張子游以有若似聖人欲以所
事孔子事之彊曾子曾子曰不可江漢以濯之秋陽
以暴之皜皜乎不可尚已今也南蠻馱舌之人非先
王之道子倍子之師而學之亦異於曾子矣吾聞出
於幽谷遷于喬木者未聞下喬木而入於幽谷者魯

頌曰戎狄是膺并舒是懲周公方且膺之子是之學
亦為不善變矣從許子之道則市賈不貳國中無偽
雖使五尺之童適市莫之或欺布帛長短同則賈相
若麻縷絲絮輕重同則賈相若五穀多寡同則賈相
若屨大小同則賈相若曰夫物之不齊物之情也或
相倍蓰或相什伯或相千萬子比而同之是亂天下
也巨屨小屨同賈人豈為之哉從許子之道相率而
為偽者也○能治國家○墨者夷之因徐辟而求見

孟子孟子曰吾固願見今吾尚疾病愈我且往見矣
子不來也○又求見孟子孟子曰吾今則可以見矣
不直則道不見我且直之吾聞夷子墨者墨之治喪
也以薄為其道也夷子思以易天下豈以為非是而
不貴也然而夷子葬其親厚則是以所賤事親也徐
子以告夷子夷子曰儒者之道古之人若保赤子此
言何謂也之則以為愛無差等施由親始徐子以告
孟子孟子曰夫六子信以為人之親其兄之子為若

親其鄰之赤子，彼有取爾也。赤子匍匐將入井，非赤子之罪也。且天之生物也，使之一本而夷子二本，故也。蓋上世嘗有不葬其親者，其親死則舉而委之於壑。他日過之，狐狸食之，蠅蚋姑嘍之，其顙有泚，睨而不視，夫泚也。非為人泚，中心達於面目，蓋歸反藁，裡而掩之，掩之誠是也。則孝子仁人之掩其親，亦必有道矣。徐子以告夷子，夷子憮然為間，曰：命之矣。

滕文二章句下

陳代曰：不見諸侯，宜若小然。今一見之大，則以小則以霸，且志曰枉尺而直尋，宜若可為也。孟子曰：昔齊景公田，招虞人以旌，不至，將殺之。志士不忘在溝壑，勇士不忘喪其元。孔子奚取焉？取非其招不往也。如不待其招而往，何哉？且夫枉尺而直尋者，以利言也。如以利則枉尋直尺而利亦可為，與昔者趙簡子使王良與嬖奚乘，終日而不獲一禽，嬖奚反命曰：天下之賤工也。或以告王良，良曰：請復之。彊而後可一。

朝而獲十禽嬖子反命曰天下之良工也簡子曰我
使掌與女乘謂王良良不可曰吾為之範我馳驅終
日不獲一為之詭遇一朝而獲十詩云不失其馳舍
矢如破我不貫與小人乘請辭御者且羞與射者比
比而得禽獸雖若邱陵弗為也如枉道而從彼何也
且子過矣枉己者未有能直人者也○景春曰公孫
衍張儀豈不誠大丈夫哉一怒而諸侯懼安居而天
下熄孟子曰是焉得為大丈夫乎子未嘗禮乎大夫

之冠也父命之女子之嫁也母命之往送之門戒之
曰往之女家必敬必戒無違夫子以順為正者妾婦
之道也居天下之廣居立天下之正位行天下之大
道得志與民由之不得志獨行其道富貴不能淫貧
賤不能移威武不能屈此之謂大丈夫○周霄問曰
古之君子仕乎孟子曰仕傳曰孔子三月無君則皇
皇如也出疆必載質公明儀曰古之人三月無君則
弔三月無君則不以急乎曰士之失位也猶諸侯

之失國家也禮一諸侯耕助以供粢盛夫人蠶繅以
為衣服犧牲不成粢盛不潔衣服不備不敢以祭惟
士無田則亦不祭牲殺器皿衣服不備不敢以祭則
不敢以宴亦不足弔乎出疆必載質何也曰士之仕
也猶農夫之耕也農夫豈為出疆舍其耒耜哉曰晉
國亦仕國也未嘗聞仕如此其急仕如此其急也君
子之難仕何也曰丈夫生而願為之有室女子生而
願為之有父母之心人皆有之不待父母之命媒

妁之言鑽穴隙相窺踰牆相從則父母國人皆賤之
古之人未嘗不欲仕也又惡不由其道不由其道而
往者與鑽穴隙之類也○彭更問曰後車數十乘從
者數百人以傳食於諸侯不以泰乎孟子曰非其道
則一簞食不可受於人如其道則舜受堯之天下不
以為泰子以為泰乎曰否士無事而食不可也曰子
不通功易事以羨補不足則農有餘粟女有餘布子
如通之則梓匠輿皆得食於子於此有人焉入則

孝出則悌守先王之道以待後之學者而不得食於
子子何尊梓匠輪輿而輕為仁義者哉曰梓匠輪輿
其志將以求食也君子之為道也其志亦將以求食
與曰子何以其志為哉其有功於子可食而食之矣
且子食志乎食功乎曰食志曰有人於此毀瓦畫墁
其志將以求食也則子食之乎曰否曰然則子非食
志也食功也○萬章問曰宋小國也今將行王政齊
楚惡而伐之則如之何孟子曰湯居亳與葛為鄰葛

伯放而不祀湯使人問之曰何為不祀曰無以供犧
牲也湯使遺之牛羊葛曰食之又不以祀湯又使人
問之曰何為不祀曰無以供粢盛也湯使亳眾往為
之耕老弱饋食葛伯率其民要其有酒食黍稻者奪
之不授者殺之有童子以黍肉餉殺而奪之書曰葛
伯仇餉此之謂也為其殺是童子而征之四海之內
皆曰非富天下也為匹夫匹婦復讎也湯始征自葛
載十一征而無匹於天下東面而征西夷怨南面而

征北狄怨曰奚為後我民之望之若大旱之望雨也
歸市者弗止芸者不變誅其君弔其民如時雨降民
大悅書曰徯我后后來其無罰有攸不為臣東征綏
厥士女匪厥元黃紹我周王見休惟臣附于大邑周
其君子實元黃于匪以迎其君子其小人箠食壺漿
以迎其小人救民於水火之中取其殘而已矣太誓
曰我武惟揚侵于之疆則取于殘殺伐用張于湯有
光不行王以云爾苟行王政四海之內皆舉首而望

之欲以為石齊楚雖大何畏焉○孟子謂戴不勝曰
子欲子之王之善與我明告子有楚大夫於此欲其
子之齊語也則使齊人傳諸使楚人傳諸曰使齊人
傳之曰一齊人傳之衆楚人咻之雖日撻而求其齊
也不可得矣引而置之莊嶽之間數年雖日撻而求
其楚亦不可得矣子謂薛居州善士也使之居於王
所在於王所者長幼卑尊皆薛居州也王誰與為不
善在王所者長幼卑尊皆非薛居州也王誰與為善

一薛居州獨如宋王何○公孫丑問曰不見諸侯何
義孟子曰古者不為臣不見段干木踰垣而辟之泄
柳閉門而不內是皆已甚迫斯可以見矣陽貨欲見
孔子而惡無禮大夫有賜於士不得受於其家則往
拜其門陽貨矚孔子之亡也而饋孔子蒸豚孔子亦
矚其亡也而往拜之當是時陽貨先豈得不見曾子
曰脅肩諂笑病于夏畦子路曰未同而言觀其色赧
赧然非由之所知也由是觀之則君子之所養可知

已矣○戴盈之曰什一去關市之征今茲未能請輕
之以待來年然後已何如孟子曰今有人日攘其鄰
之雞者或告之曰是非君子之道曰請損之月攘一
雞以待來年然後已如其非義斯速已矣何待來
年○公都子曰外人皆稱夫子好辯敢問何也孟子
曰予豈好辯哉予不得已也天下之生久矣一治一
亂當堯之時水逆行氾濫於中凶蛇龍居之民無所
定下者為巢上者為營窟書曰泮水警余泮水者洪

水也使禹治之禹掘地而注之海驅蛇龍而放之菹
水由地中行江淮河漢是也險阻既遠鳥獸之害人
者消然後人得平土而居之堯舜既沒聖人之道衰
暴君代作壞宮室以為汙池民無所安息棄田以為
園囿使民不得衣食邪說暴行又作園囿汙池沛澤
多而禽獸至及紂之身天下又大亂周公相武王誅
紂伐奄三年討其君驅飛廉於海隅而戮之滅國者
五十驅虎豹犀象而遠之天下大悅書曰丕顯哉文

王謨丕承武王烈佑啓我後人咸以正無缺世衰
道微邪說暴行有作臣弑其君者有之子弑其父者
有之孔子懼作春秋春秋天子之事也是故孔子曰
知我者其惟春秋乎罪我者其惟春秋乎聖王不作
諸侯放恣處士橫議楊朱墨翟之言盈天下天下之
言不歸楊則歸墨楊氏為我是無君也墨氏兼愛是
無父也無父無君是禽獸也公明儀曰庖有肥肉廄
有肥馬民有飢色野有餓莩此率獸而食人也楊墨

之道不息孔子之道不著是邪說誣民充塞仁義也
仁義充塞則率獸食人人將相食吾為此懼閑先聖
之道距楊墨放淫辭邪說者不得作作於其心害於
其事作於其事害於其政聖人復起不易吾言矣昔
者禹抑洪水而天下平周公兼夷狄驅猛獸而百姓
寧孔子成春秋而亂臣賊子懼詩云戎狄是膺荆舒
是懲則莫我敢承無父無君是周公所膺也我亦欲
正人心息邪說距詖行放淫辭以承三聖者豈好辯

哉予不得已也能言距楊墨者聖人之徒也○匡章
曰陳仲子豈不誠廉士哉居於陵三日不食耳無聞
目無見也井上有李蠶食實者過半矣匍匐往將食
之三咽然後耳有聞目有見孟子曰於齊國之士吾
必以仲子為巨擘焉雖然仲子惡能廉充仲子之操
則蚓面後可者也夫蚓上食槁壤下飲黃泉仲子所
居之室伯夷之所築與抑亦盜跖之所築與所食之
粟伯夷之所樹與抑亦盜跖之所樹與是未可知也

曰是何傷哉彼身織屨妻辟纊以易之也曰仲子齊之世家也兄戴蓋祿萬鍾以兄之祿為不義之祿而不食也以兄之室為不義之室而不居也辟兄離母處於於陵他日歸則有饋其兄生鵝者己頻顙曰惡用是駢駢者為哉他日其母殺是鵝也與之食之其兄自外至曰是駢駢之肉也出而哇之以母則不食以妻則食之以兄之室則弗居以於陵則居之是尚為能充其類也乎若仲子者蚓而後充其操者也

孟子四

離婁章句上

孟子曰離婁之明公輸子之巧不以規矩不能成方員師曠之聰不以六律不能正五音堯舜之道不以仁政不能平治天下今有仁心仁聞而民不被其澤不可法於後世者不行先王之道也故曰徒善不足以為政徒法不能以自行詩云不愆不忘率由舊章遵先王之法而過者未之有也聖人既竭目力焉繼

之以規矩準繩以為方員平直不可勝用也既竭耳
力焉繼之以六律正五音不可勝用也既竭心思焉
繼之以不忍人之政而仁覆天下矣故曰為高必因
邱陵為下必因川澤為政不因先王之道可謂智乎
是以惟仁者宜在高位不仁而在高位是播其惡於
衆也上無道揆也下無法守也朝不信道工不信度
君子犯義小人犯刑國之所存者幸也故曰城郭不
完兵甲不多非國之災也田野不辟貨財不聚非國

之害也上無禮下無學賊民興喪無日矣詩曰天之
方蹶無然泄泄泄泄猶沓沓也事君无殺進退無禮
言則非先王之道者猶沓沓也故曰責難於君謂之
恭陳善閉邪謂之敬吾君不能謂之賊○孟子曰規
矩方員之至也聖人人倫之至也欲為君盡君道欲
為臣盡臣道二者皆法堯舜而已矣不以舜之所以
事堯事君不敬其君者也不以堯之所以治民治民
賊其民者也孔子曰道二仁與不仁而已矣暴其民

甚則身弑國亡不甚則身危國削名之曰幽厲雖孝子慈孫百世不能改也詩云殷鑒不遠在夏后之世此之謂也○孟子曰三代之得天下也以仁其失天下也以不仁國之所以廢興存亡者亦然天子不仁不保四海諸侯不仁不保社稷卿大夫不仁不保宗廟士庶人不仁不保四體今惡死亡而樂不仁是猶惡醉而強酒○孟子曰愛人不親反其仁治人不治反其智禮人不答反其敬行有不得者皆反求諸己

其身正而天下歸之詩云永言配命自求多福○孟子曰人有恒言皆曰天下國家天下之本在國國之本在家家之本在身○孟子曰為政不難不得罪於巨室巨室之所慕一國慕之一國之所慕天下慕之故沛然德教溢乎四海○孟子曰天下有道小德役大德小賢役大賢天下無道小役大弱役強斯二者天也順天者存逆天者亡齊景公曰既不能令又不受命是絕物也涕出而女於吳今也小國師大國而

恥受命焉是猶弟子而恥受命於先師也如恥之莫若師文王師文王大國五年小國七年必為政於天下矣詩云商之孫子其麗不億上帝既命侯于周侯服于周天命靡常殷士膚敏裸將于京孔子曰仁不可為衆也夫國君好仁天下無敵今也欲無敵於天下而不以仁是猶執熱而不以濯也詩云誰能執熱逝不以濯○孟子曰不仁者可與言哉安其危而利其菑樂其所以亡者不仁而可與言則何亡國敗

家之有有孺子歌曰滄浪之水清兮可以濯我纓滄浪之水濁兮可以濯我足孔子曰小子聽之清斯濯纓濁斯濯足矣自取之也夫人必自侮然後人侮之家必自毀而後人毀之國必自伐而後人伐之太甲曰桀紂之失天下也失其民也失其民者失其心也曰桀紂之失天下也失其民也失其民者失其心也得天下有道得其民斯得天下矣得其民有道得其心斯得民矣得其心有道所欲與之聚之所惡勿施

爾也民之歸仁也猶水之就下獸之走墻也故為
鰍魚者獺也為叢鵒者鷓也為湯武政民者桀與
紂也今天下之君有好仁者則諸侯皆為之政矣
欲無王不可得已今之欲王者猶七年之病求三
年之艾也苟為不畜終身不得苟不志於仁終身憂辱
以陷於死亡詩云其何能淑載胥及溺此之謂也○
孟子曰自暴者不可與有言也自棄者不可與有
也言非禮義謂之自暴也吾身不能居仁由義謂之

自棄也仁人之安宅也義人之正路也曠安宅而弗
居舍正路而不由哀哉○孟子曰道在爾而求諸遠
事在易而求諸難人人親其親長其長而天下平○
孟子曰居下位而不獲於上民不可得而治也獲於
上有道不信於友弗獲於上矣信於友有道事親弗
悅弗信於友矣悅親有道反身不誠不悅於親矣言
身有道不明乎善不誠其身矣是故誠者天之道也
思誠者人之道也至誠而不動者未之有也不誠

有能動者也。○孟子曰伯夷辟紂居北海之濱聞之
王作興曰盍歸乎來吾聞西伯善養老者太公辟紂
居東海之濱聞文王作興曰盍歸乎來吾聞西伯
養老者二老者天下之大老也而歸之是天下之父
歸之也天下之父歸之其子焉往諸侯有行文王之
政者七年之內必為政於天下矣。○孟子曰求也為
季氏宰無能改於其德而賦粟倍他日孔子曰亦非
我徒也小子鳴鼓而攻之可也由此觀之君不行仁

政而富之皆棄於孔子者也況於為之強戰爭地以
戰殺人盈野爭城以戰殺人盈城此所謂率土地而
食人肉罪不容於死故善戰者服上刑連諸侯者次
之辟草萊任土地者次之。○孟子曰存乎人者莫良
於眸子眸子不能掩其惡曾中正則眸子瞭焉曾中
不正則眸子眊焉聽其言也觀其眸子人焉廋哉。○
孟子曰恭者不侮人儉者不奪人侮奪人之君惟恐
不順焉惡得為恭儉恭儉豈可以聲音笑貌為哉。○

溥于髡曰男女授受不親禮與孟子曰禮也曰嫂溺
則援之以手乎曰嫂溺不援是豺狼也男女授受不
親禮也嫂溺援之以手者權也曰今天下溺矣夫
之不援何也曰天下溺援之以道嫂溺援之以手子
欲手援天下乎○公孫丑曰君子之不教子何也孟
子曰勢不行也教者必以正以正不行繼之以怒繼
之以怒則反夷矣夫子教我以正夫子未出於止也
則是父子相夷也父子相夷則惡矣古者易子而教

之父子之間不責善責善則離離則不祥莫大焉○
孟子曰事孰為大事親為大守孰為大守身為大不
失其身而能事其親者吾聞之矣失其身而能事其
親者吾未之聞也孰不為事事親事之本也孰不為
守守身守之本也曾子養曾皙必有酒肉將徹必請
所與問有餘必曰有曾皙死曾元養曾子必有酒肉
將徹不請所與問有餘曰亡矣將以復進也此所謂
養口體者也若曾子則可謂養志也事見若曾子

可也○孟子曰人不足與適也政不足階也惟大人
為能格君心之非君仁莫不仁君義莫不義君正莫
不正一正君而國定矣○孟子曰有不虞之譽有求
全之毀○孟子曰人之易其言也無責耳矣○孟子
曰人之患在好為人師○樂正子從於子敖之齊樂
正子見孟子孟子曰子亦來見我乎曰先生何為出
此言也曰子來幾日矣曰昔者曰昔者則我出此言
也不亦宜乎曰舍館未定曰子聞之也舍館定然後

求見長者乎曰克有罪○孟子謂樂正子曰子之從
於子敖來徒饋飯也我不意子學古之道而以饋飯
也○孟子曰不孝有三無後為大舜不告而娶為無
後也君子以為猶告也○孟子曰仁之實事親是也
義之實從兄是也智之實知斯二者弗去是也禮之
實節文斯二者是也樂之實樂斯二者樂則生矣
則惡可已也惡可已則不知足之蹈之手之舞之○
孟子曰天下大悅而將歸己視天下悅歸己猶草

芥也惟舜為然不得乎親不可以為人不順乎親不
可以為子舜盡事親之道而瞽瞍底豫瞽瞍底豫而
天下化瞽瞍底豫而天下之為父子者定此之謂之
孝

離婁章句下

孟子曰舜生於諸馮遷於負夏卒於鳴條東夷之人
也文王生於岐周卒於畢郢西夷之人也地之相去
也千有餘里世之相後也千有餘歲得志行乎中國

若合符節先聖後聖其揆一也○子產聽鄭國之政
以其乘輿濟人於溱洧孟子曰惠而不知為政歲十
一月徒杠成十二月輿梁成民未病涉也君子平其
政行辟人可也馬得人人而濟之故為政者每人而
悅之日亦不足矣○孟子告齊宣王曰君之視臣如
手足則臣視君如腹心君之視臣如犬馬則臣視君
如國人君之視臣如土芥則臣視君如寇讎王曰禮
為舊君有服何如斯可為服矣曰諫行言聽膏澤下

於民有故而去則君使人導之出疆又先於其所往
去三年不反然後收其田里此之謂三有禮焉如此
則為之服矣今也為臣諫則不行言則不聽膏澤不
下於民有故而去則君搏執之又極之於其所往去
之日遂收其田里此之謂寇讎寇讎何服之有○孟
子曰無罪而殺士則大夫可以去無罪而戮民則士
可以徙○孟子曰君仁莫不仁君義莫不義○孟子
曰非禮之禮非義之義大人弗為○孟子曰中也養

不中才也養不才故人樂有賢父兄也如中也棄不
中才也棄不才則賢不肖之相去其間不能以寸○
孟子曰人有不為也而後可以有為○孟子曰言人
之不善當如後患何○孟子曰仲尼不為己甚者○
孟子曰大人者言不必信行不必果惟義所在○孟
子曰大人者不失其赤子之心者也○孟子曰養生
者不足以當大事惟送死可以當大事○孟子曰君
子深造之以道欲其自得之也自得之則居之安居

之安則資之深資之深則取之左右逢其原故君子
欲其自得之也○孟子曰博學而詳說之將以反說
約也○孟子曰以善服人者未有能服人者也以善
養人然後能服天下天下不心服而王者未之有也
○孟子曰言無實不祥不祥之實蔽賢者當之○徐
子曰仲尼亟稱於水曰水哉水哉何取於水也孟子
曰原泉混混不舍晝夜盈科而後進放乎四海有本
者如是是之取爾苟為無本七八月之間雨集溝澮

皆盈其涸也可立而待也故聲聞過情君子恥之○
孟子曰人之所以異於禽獸者幾希庶民去之君子
存之舜明於庶物察於人倫由仁義行非行仁義也
○孟子曰禹惡旨酒而好善言湯執中立賢無方文
王視民如傷望道而未之見武王不泄邇不忘遠周
公思兼三王以施四事其有不合者仰而思之夜以
繼日幸而得之坐以待旦○孟子曰王者之迹熄而
詩亡詩亡然後春秋作晉之乘楚之檮杌魯之春秋

一也其事則齊桓晉文其文則史孔子曰其義則某
竊取之矣○孟子曰君子之澤五世而斬小人之澤
五世而斬予未得為孔子徒也予私淑諸人也○孟
子曰可以取可以無取取傷廉可以與可以無與與
傷惠可以死可以無死死傷勇○逢蒙學射於羿盡
羿之道思天下惟羿為愈己於是殺羿孟子曰是亦
羿有罪焉公明儀曰宜若無罪焉曰薄乎云爾惡得
無罪鄭人使子濯孺子侵衛衛使庾公之斯追之子

濯孺子曰今日我疾作不可以執弓吾死矣夫問其
僕曰追我者誰也其僕曰庾公之斯也曰吾生何謂也
僕曰庾公之斯衛之善射者也夫子曰吾生何謂也
曰庾公之斯學射於尹公之他尹公之他學射於我
夫尹公之他端人也其取友必端矣庾公之斯至曰
夫子何為不執弓曰今日我疾作不可以執弓曰小
人學射於尹公之他尹公之他學射於夫子我不忍
以夫子之道反害夫子雖然今日之事君事也我不

敢廢抽矢扣輪去其金發乘矢而後反○孟子曰西
子蒙不潔則人皆掩鼻而過之雖有惡人齊戒沐浴
則可以祀上帝○孟子曰天下之言性也則故而巳
矣故者以利為本所惡於智者為其鑿也如智者若
禹之行水也則無惡於智矣禹之行水也行其所無
事也如智者亦行其所無事則智亦大矣天之高也
星辰之遠也苟求其故千歲之日至可坐而致也○
公行子有子之喪右師往弔入門有進而與右師言

者有就右師之位而與右師言者孟子不與右師言
右師不悅曰諸君子皆與驩言孟子獨不與驩言是
簡驩也孟子聞之曰禮朝廷不歷位而相與言不踰
階而相揖也我欲行禮子教以我為簡不亦異乎○
孟子曰君子所以異於人者以其存心也君子以仁
存心以禮存心仁者愛人有禮者敬人愛人者人恒
愛之敬人者人恒敬之有人於此其待我以橫逆則
君子必自反也我必不仁也必無禮也此物奚宜至

哉其自反而仁矣自反而有禮矣其橫逆由是也君子必自反也我必不忠自反而忠矣其橫逆由是也君子曰此亦妄人也已矣如此則與禽獸奚擇哉於禽獸又何難焉是故君子有終身之憂無一朝之患也乃若所憂則有之舜人也我亦人也舜為法於天下可傳於後世我由未免為鄉人也是則可憂也憂之如何如舜而已矣若夫君子所患則亡矣非仁無為也非禮無行也如有一朝之患則君子不患矣○

禹稷當平世三過其門而不入孔子賢之顏子當亂世居於陋巷一簞食一瓢飲人不堪其憂顏子不改其樂孔子賢之孟子曰禹稷顏回同道禹思天下有溺者由己溺之也稷思天下有飢者由己飢之也是以如是其急也禹稷顏子易地則皆然今有同室之人鬪者救之雖被髮纓冠而救之可也鄉鄰有鬪者被髮纓冠而往救之則惑也雖閉戶可也○公都子曰匡章通國皆稱不孝焉夫子與之遊又從而禮貌

之敢問何也孟子曰世俗所謂不孝者五惰其四支不顧父母之養一不孝也博奕好飲酒不顧父母之養二不孝也好貨財私妻子不顧父母之養三不孝也從耳目之欲以為父母戮四不孝也好勇鬪狠以危父母五不孝也章子有一於是乎夫章子子父責善而不相遇也責善朋友之道也父子責善賊恩之大者夫章子豈不欲有夫妻子母之屬哉為得罪於父不得近出妻屏子終身不養焉其設心以為不若

是是則罪之大者是則章子已矣○曾子居武城有越寇或曰寇至盍去諸曰無寓人於我室毀傷其薪木寇退則曰脩我牆屋我將反寇退曾子反左右曰待先生如此其忠且敬也寇至則先去以為民望寇退則反殆於不可沈猶行曰是非汝所知也昔沈猶有負芻之禍從先生者七十人未有與焉子思居於衛有齊寇或曰寇至盍去諸子思曰如伋去君誰與守孟子曰曾子子思同道曾子師也父兄也子思臣

也微也。曾子子思易地則皆然。○儲子曰：王使人矚夫子，果有以異於人乎？孟子曰：何以異於人哉？堯舜與人同耳。○齊人有一妻一妾而處室者，其良人出則必饜酒肉而後反，其妻問所與飲食者，則盡富貴也；其妻告其妾曰：良人出則必饜酒肉而後反，問其與飲食者，盡富貴也，而未嘗有顯者來，吾將矚良人之所之也。蚤起，施從良人之所之，徧國中無與立談者。卒之東郭墻間之祭者，乞其餘，不足又顧而之他。此其為饜足之道也。其妻歸告其妾曰：良人者所仰望而終身也，今若此。與其妾訕其良人而相泣於中庭，而良人未之知也。施從外來，驕其妻妾，由君子觀之，則人之所以求富貴利達者，其妻妾不羞也，而不相泣者，幾希矣。

孟子五

萬章章句上

萬章問曰舜往于田號泣于旻天何為其號泣也孟子曰怨慕也萬章曰父母愛之喜而不忘父母惡之勞而不怨然則舜怨乎曰長息問於公明高曰舜往于田則吾既得聞命矣號泣于旻天于父母則吾不知也公明高曰是非爾所知也夫公明高以孝子之心為不若是愬我竭力耕田共為子職而已矣父母

之不我愛於我何哉帝使其子九男二女百官牛羊
倉廩備以事舜於畎畝之中天下之士多就之者帝
將胥天下而遷之焉為不順於父母如窮人無所歸
天下之士悅之人之所欲也而不足以解憂好色人
之所欲妻帝之二女而不足以解憂富人之所欲富
有天下而不足以解憂貴人之所欲貴為天子而不
足以解憂人悅之好色富貴無足以解憂者惟順於
父母可以解憂人少則慕父母知好色則慕少艾有

妻子則慕妻子仕則慕君不得於君則熱中大孝終
身慕父母五十而慕者予於大舜見之矣○萬章問
曰詩云娶妻如之何必告父母信斯言也宜莫如舜
舜之不告而娶何也孟子曰告則不得娶男女居室
人之大倫也如告則廢人之大倫以懟父母是以不
告也萬章曰舜之不告而娶則吾既得聞命矣帝之
妻舜而不告何也曰帝亦知告焉則不得妻也萬章
曰父母使舜完廩捐階瞽瞍焚廩使浚井出從而拏

之象曰謨蓋都君咸我績牛羊父母倉廩父母干戈
朕琴朕弧朕二嫂使治朕棲象往入舜宮舜在牀琴
象曰鬱陶思君爾忸怩舜曰惟茲臣庶汝其于予治
不識舜不知象之將殺己與曰奚而不知也象憂亦
憂象喜亦喜曰然則舜偽喜者與曰否昔者有饋生
魚於鄭子產子產使校人畜之池校人烹之反命曰
始舍之圉圉焉少則洋洋焉攸然而逝子產曰得其
所哉得其所哉校人出曰孰謂子產智予既烹而食

之曰得其所哉得其所哉故君子可欺以其方難罔
以非其道彼以愛兄之道來故誠信而喜之奚偽焉
○萬章問曰象日以殺舜為事立為天子則放之何
也孟子曰封之也或曰放焉萬章曰舜流共工幽
州放驩兜于崇山殺三苗于三危殛鯀于羽山四罪
而天下咸服誅不仁也象至不仁封之有庠有庫之
人奚罪焉仁人固如是乎在他人則誅之在弟則封
之曰仁人之於弟也不藏怒焉不宿怨焉親愛之而

已矣親之欲其貴也愛之欲其富也封之有庫富貴之也身為天子弟為匹夫可謂親愛之乎敢問或曰放者何謂也曰象不得有為於其國天子使吏治其國而納其貢稅焉故謂之放豈得暴彼民哉雖然欲常常而見之故源源而來不及貢以政接于有庫此之謂也○咸邱蒙問曰語云盛德之士君不得而臣父不得而子舜南面而立堯帥諸侯北面而朝之瞽瞍亦北面而朝之舜見瞽瞍其容有蹙孔子曰於斯

盱也天下殆哉岌岌乎不識此語誠然乎哉孟子曰否此非君子之言齊東野人之語也堯老而舜攝也堯典曰二十有八載放勳乃徂落百姓如喪考妣三年四海遏密八音孔子曰天無二日民無二王舜既為天子矣又帥天下諸侯以為堯三年喪是二天子矣咸邱蒙曰舜之不臣堯則吾既得聞命矣詩云普天之下莫非王土率土之濱莫非王臣而舜既為天子矣敢問瞽瞍之非臣如何曰是詩也非是之謂也

勞於王事而不得養父母也曰小莫非王事我獨賢
勞也故說詩者不以文害辭不以辭害志以意逆志
是為得之如以辭而已矣雲漢之詩曰周餘黎民靡
有孑遺信斯言也是周無遺民也孝子之至莫大乎
尊親尊親之至莫大乎以天下養為天子父尊之至
也以天下養養之至也詩曰永言孝思孝思維則此
之謂也書曰祇載見瞽瞍夔夔齊栗瞽瞍亦允若是
為父不得而子也○萬章曰堯以天下與舜有諸孟

子曰否天子不能以天下與人然則舜有天下也孰
與之曰天與之天與之者諄諄然命之乎曰否天不
言以行與事示之而已矣曰以行與事示之者如之
何曰天子能薦人於天不能使天與之天下諸侯能
薦人於天子不能使天子與之諸侯大夫能薦人於
諸侯不能使諸侯與之大夫昔者堯薦舜於天而天
受之暴之於民而民受之故曰天不言以行與事示
之而已矣曰敢問薦之於天而天受之暴之於民而

民受之如何曰使之主祭而百神享之是天受之使
之主事而事治百姓安之是民受之也天與之人與
之故曰天子不能以天下與人舜相堯二十有八載
非人之所能為也天也堯崩三年之喪畢舜避堯之
子於南河之南天下諸侯朝覲者不之堯之子而之
舜訟獄者不之堯之子而之舜謳歌者不謳歌堯之
子而謳歌舜故曰天也夫然後之中國踐天子位焉
而居堯之宮逼堯之子是篡也非天與也秦誓曰天

視自我民視天聽自我民聽此之謂也○萬章問曰
人有言至於禹而德衰不傳於賢而傳於子有諸孟
子曰否不然也天與賢則與賢天與子則與子昔者
舜薦禹於天十有七年舜崩三年之喪畢禹避舜之
子於陽城天下之民從之若堯崩之後不從堯之子
而從舜也禹薦益於天七年禹崩三年之喪畢益避
禹之子於箕山之陰朝覲訟獄者不之益而之啓曰
吾君之子也謳歌者不謳歌益而謳歌啓曰吾君之

子也丹朱之不肖舜之子亦不肖舜之相堯禹之相
舜也歷年多施澤於民久啓賢允敬承繼禹之道益
之相禹也歷年少施澤於民未久舜禹益相去久遠
其子之賢不肖皆天也非人之所能為也莫之為而
為者天也莫之致而至者命也匹夫而有天下者德
必若舜禹而又有天子薦之者故仲尼不有天下繼
世以有天下天之所廢必若桀紂者也故益伊尹周
公不有天下伊尹相湯以王於天下湯崩太丁未立

外丙二年仲壬四年太甲顛覆湯之典刑伊尹放之
於桐三年太甲悔過自怨自艾於桐處仁遷義三年
以聽伊尹之訓己也復歸于亳周公之不有天下猶
益之於夏伊尹之於殷也孔子曰唐虞禪夏后殷周
繼其義一也○萬章問曰人有言伊尹以割烹要湯
有諸孟子曰否不然伊尹耕於有莘之野而樂堯舜
之道焉非其義也非其道也祿之以天下弗顧也繫
馬千駟弗視也非其義也非其道也一介不以與人

一介不以取諸人湯使人以幣聘之囂囂然曰我何以湯之聘幣為哉我豈若處畎畝之中由是以樂堯舜之道哉湯三使往聘之既而幡然改曰與我處畎畝之中由是以樂堯舜之道吾豈若使是君為堯舜之君哉吾豈若使是民為堯舜之民哉吾豈若於吾身親見之哉天之生此民也使先知覺後知使先覺覺後覺也予天民之先覺者也予將以斯道覺斯民也非予覺之而誰也思天下之民匹夫匹婦有不被

堯舜之澤者若己推而內之溝中其自任以天下之重如此故就湯而說之以伐夏救民吾未聞枉己而正人者也况辱己以正天下者乎聖人之行不同也或遠或近或去或不去歸潔其身而已矣吾聞其以堯舜之道要湯未聞以割烹也伊訓曰天誅造攻自牧宮朕載自亳○萬章問曰或謂孔子於衛主癰疽於齊主侍人瘠環有諸乎孟子曰否不然也好事者為之也於衛主顏雝由彌子之妻與子路之妻兄弟

也彌子謂子路曰孔子主我衛卿可得也子路以告孔子曰有命孔子進以禮退以義得之不得曰有命而主癰疽與侍人瘠環是無義無命也孔子不悅於魯衛遭宋桓司馬將要而殺之微服而過宋是時孔子當阨主司城貞子為陳侯周臣吾聞觀近臣以其所為主觀遠臣以其所主若孔子主癰疽與侍人瘠環何以為孔子○萬章問曰或曰百里奚自鬻於秦養牲者五羊之皮食牛以要秦穆公信乎孟子曰否

不然好事者為之也百里奚虞人也晉人以垂棘之璧與屈產之乘假道於虞以伐虢宮之奇諫百里奚不諫知虞公之不可諫而去之秦年已七十矣曾不知以食牛干秦穆公之為汙也可謂智乎不可諫而不諫可謂不智乎知虞公之將亡而先去之不可謂不智也時舉於秦知穆公之可與有行也而相之可謂不智乎相秦而顯其君於天下可傳於後世不賢而能之乎自鬻以成其君鄉黨自好者不為而謂賢

者為之乎

萬章章句下

孟子曰伯夷目不視惡色耳不聽惡聲非其君不事非其民不使治則進亂則退橫政之所出橫民之所止不忍居也思與鄉人處如以朝衣朝冠坐於塗炭也當紂之時居北海之濱以待天下之清也故聞伯夷之風者頑夫廉懦夫有立志伊尹曰何事非君何使非民治亦進亂亦進曰天之生斯民也使先知覺

後知使先覺覺後覺予天民之先覺者也予將以此道覺此民也思天下之民匹夫匹婦有不與被堯舜之澤者若已推而內之溝中其自任以天下之重也柳下惠不羞汙君不辭小官進不隱賢必以其道遺佚而不怨阨窮而不憫與鄉人處由由然不忍去也爾為爾我為我雖袒裼裸裎於我側爾焉能浼我哉故聞柳下惠之風者鄙夫寬薄夫敦孔子之去齊接淅而行去魯曰遲遲吾行也去父母國之道也可以

速而速可以久而久可以處而處可以仕而仕孔子也孟子曰伯夷聖之清者伊尹聖之任者也柳下惠聖之和者也孔子聖之時者也孔子之謂集大成集大成也者金聲而玉振之也金聲也者始條理也玉振之也者終條理也始條理者智之事也終條理者聖之事也智譬則巧也聖譬則力也由射於百步之外也其至爾力也其中非爾力也○北宮錡問曰周室班爵祿也如之何孟子曰其詳不可得聞也諸

侯惡其害己也而皆去其籍然而軻也嘗聞其略也天子一位公一位侯一位伯一位子男同一位凡五等也君一位卿一位大夫一位上士一位中士一位下士一位凡六等天子之制地方千里公侯皆方百里伯七十里子男五十里凡四等不能五十里不達於天子附於諸侯曰附庸天子之卿受地視侯大夫受地視伯元士受地視子男大國地方百里君十卿祿卿祿四大夫大夫倍上士上士倍中士中士倍下

士下士與庶人在官者同祿祿足以代其耕也次國
地方七十里君十卿祿卿得三大夫大夫倍上士上
士倍中士中士倍下士下士與庶人在官者同祿祿
足以代其耕也小國地方五十里君十卿祿卿祿二
大夫大夫倍上士上士倍中士中士倍下士下士與
庶人在官者同祿祿足以代其耕也耕者之所獲一
夫百畝百畝之糞上農夫食九人上次食八人中食
七人中次食六人下食五人庶人在官者其祿以是

為差○萬章問曰敢問友孟子曰不挾長不挾貴不
挾兄弟而友友也者友其德也不可以有挾也孟獻
子百乘之家也有友五人焉樂正襄牧仲其三人則
予忘之矣獻子之與此五人者友也無獻子之家者
也此五人者亦有獻子之家則不與之友矣非惟百
乘之家為然也雖小國之君亦有之費惠公曰吾於
子思則師之矣吾於顏般則友之矣王順長息則事
我者也非惟小國之君為然也雖大國之君亦有之

晉平公之於亥唐也入云則入坐云則坐食云則食雖疏食菜羹未嘗不飽蓋不敢不飽也然終於此而已矣弗與共天位也弗與治天職也弗與食天祿也士之尊賢者也非王公之尊賢也舜尚見帝帝館甥于貳室亦饗舜迭為賓主是天子而友匹夫也用下敬上謂之貴貴用上敬下謂之尊賢貴貴尊賢其義一也○萬章問曰敢問交際何心也孟子曰恭也曰卻之卻之為不恭何哉曰尊者賜之曰其所取之者

義乎不義乎而後受之以是為不恭故弗卻也曰請無以辭卻之以心卻之曰其取諸民之不義也而以他辭無受不可乎曰其交也以道其接也以禮斯孔子受之矣萬章曰今有禦人於國門之外者其交也以道其餽也以禮斯可受禦與曰不可康誥曰殺越人于貨閔不畏死凡民罔不讞是不待教而誅者也殷受夏周受殷所不辭也於今為烈如之何其受之曰今之諸侯取之於民也猶禦也苟善其禮際矣斯

君子受之敢問何說也曰子以為有王者作將比今之諸侯而誅之乎其教之不改而後誅之乎夫謂非其有而取之者盜也充類至義之盡也孔子之仕於魯也魯人獵較孔子亦獵較獵較猶可而况受其賜乎曰然則孔子之仕也非事道與曰事道也事道奚獵較也曰孔子先簿正祭器不以四方之食供簿正曰奚不去也曰為之兆也兆足以行矣而不行而後去是以未嘗有所終三年淹也孔子有見行可之仕

有際可之仕有公養之仕於季桓子見行可之仕也於衛靈公際可之仕也於衛孝公公養之仕也○孟子曰仕非為貧也而有時乎為貧娶妻非為養也而有時乎為養為貧者辭尊居卑辭富居貧辭尊居卑辭富居貧惡乎宜乎抱關擊柝孔子嘗為委吏矣曰會計當而已矣嘗為乘田矣曰牛羊茁壯長而已矣位卑而言高罪也立乎人之本朝而道不行恥也○萬章曰士之不託諸侯何也孟子曰不敢也諸侯失

國而後託於諸侯禮也士之託於諸侯非禮也萬章
曰君餽之粟則受之乎曰受之受之何義也曰君之
於氓也固周之曰周之則受賜之則不受何也曰不
敢也曰敢問其不敢何也曰抱關擊柝者皆有常職
以食於上無常職而賜於上者以為不恭也曰君餽
之則受之不識可常繼乎曰繆公之於子思也亟問
亟餽鼎肉子思不悅於卒也標使者出諸大門之外
北面稽首再拜而不受曰今而後知君之犬馬畜伋

蓋自是臺無餽也悅賢不能舉又不能養也可謂悅
賢乎曰敢問國君欲養君子如何斯可謂養矣曰以
君命將之再拜稽首而受其後廩人繼粟庖人繼肉
不以君命將之子思以為鼎肉使己僕僕爾亟拜也
非養君子之道也堯之舜也使其子九男事之二

女女焉百官牛羊倉廩備以養舜於畎畝之中後舉
而加諸上位故曰王公之尊賢者也○萬章曰敢問
不見諸侯何義也孟子曰在國曰市井之臣在野曰

草莽之臣皆謂庶人庶人不傳質為臣不敢見於諸
侯禮也萬章曰庶人召之役則往役君欲見之召之
則不往見之何也曰往役義也往見不義也且君之
欲見之也何為也哉曰為其多聞也為其賢也曰為
其多聞也則天子不召師而況諸侯乎為其賢也則
吾未聞欲見賢而召之也繆公亟見於子思曰古千
乘之國以友士何如子思不悅曰古之人有言曰事
之云乎豈曰友之云乎子思之不悅也豈不曰以位

則子君也我臣也何敢與君友也以德則子事我者
也奚可以與我友千乘之君求與之友而不可得也
而况可召與齊景公田招虞人以旌不至將殺之志
士不忘在溝壑勇士不忘喪其元孔子奚取焉取非
其招不往也曰敢問招虞人何以曰以皮冠庶人以
旃士以旂大夫以旌以大夫之招招虞人虞人死不
敢往以士之招招庶人庶人豈敢往哉况乎以不賢
人之招招賢人乎欲見賢人而不以其道猶欲其入

而閉之門也夫義路也禮門也惟君子能由是路出入是門也詩云周道如底其直如矢君子所履小人所視萬章曰孔子君命名不俟駕而行然則孔子非與曰孔子當任有官職而以其官名之也○孟子謂萬章曰一鄉之善士斯友一鄉之善士一國之善士斯友一國之善士天下之善士斯友天下之善士以友天下之善士為未足又尚論古之人頌其詩讀其書不知其人可乎是以論其世也是尚友也○齊宣

王問卿孟子曰王何卿之問也王曰卿不同乎曰不同有貴戚之卿有異姓之卿王曰請問貴戚之卿曰君有大過則諫反覆之而不聽則易位王勃然變乎色曰王勿異也王問臣臣不敢不以正對王色定然後請問異姓之卿曰君有過則諫反覆之而不聽則去

孟子六



告子章句上

告子曰性猶杞柳也義猶桮棬也以人性為仁義猶以杞柳為桮棬孟子曰子能順杞柳之性而以為桮棬乎將戕賊杞柳而後以為桮棬也如將戕賊杞柳而以為桮棬則亦將戕賊人以為仁義與率天下之人而禍仁義者必子之言夫○告子曰性猶湍水也決諸東方則東流決諸西方則西流人性之無分於

善不善也猶水之無分於東西也孟子曰水信無分於東西無分於上下乎人性之善也猶水之就下也人無有不善水無有不下今夫水搏而躍之可使過潁激而行之可使在山是豈水之性哉其勢則然也人之可使為不善其性亦猶是也○告子曰生之謂性孟子曰生之謂性也猶白之謂白與曰然白羽之白也猶白雪之白白雪之白猶白玉之白與曰然然則犬之性猶牛之性牛之性猶人之性與○告子曰

食色性也仁內也非外也義外也非內也孟子曰何以謂仁內義外也曰彼長而我長之非有長於我也猶彼白而我白之從其白於外也故謂之外也曰異於白馬之白也無以異於白人之白也不識長馬之長也無以異於長人之長與且謂長者義乎長之者義乎曰吾弟則愛之秦人之弟則不愛也是以我為悅者也故謂之內長楚人之長亦長吾之長是以長為悅者也故謂之外也曰者秦人之炙無以異於者

吾炙夫物則亦有然者也然則者炙亦有外與○孟
季子問公都子曰何以謂義內也曰行吾敬故謂之
內也鄉人長於伯兄一歲則誰敬曰敬兄酌則誰先
曰先酌鄉人所敬在此所長在彼果在外非由內也
公都子不能答以告孟子孟子曰敬叔父乎敬弟子乎
彼將曰敬叔父曰弟為尸則誰敬彼將曰敬弟子曰
惡在其敬叔父也彼將曰在位故也子亦曰在位故
也庸敬在兄斯須之敬在鄉人季子聞之曰敬叔父

則敬敬弟則敬果在外非由內也公都子曰冬日則
飲湯夏日則飲水然則飲食亦在外也○公都子曰
告子曰性無善無不善也或曰性可以為善可以為
不善是故文武興則民好善幽厲興則民好暴或曰
有性善有性不善是故以堯為君而有象以瞽瞍為
父而有舜以紂為兄之子且以為君而有微子啓王
子比干今日性善然則彼皆非與孟子曰乃若其情
則可以為善矣乃所謂善也若夫為不善非才之罪

也惻隱之心人皆有之羞惡之心人皆有之恭敬之心人皆有之是非之心人皆有之惻隱之心仁也羞惡之心義也恭敬之心禮也是非之心智也仁義禮智非由外鑠我也我固有之也弗思耳矣故曰求則得之舍則失之或相倍蓰而無算者不能盡其才者也詩曰天生蒸民有物有則民之秉夷好是懿德孔子曰為此詩者其知道乎故有物必有則民之秉夷也故好是懿德○孟子曰富歲子弟多賴凶歲子弟

多暴非天之降才爾殊也其所以陷溺其心者然也今夫薺麥播種而耰之其地同樹之時又同淳然而生至於日至之時皆熟矣雖有不同則地有肥磽雨露之養人事之不齊也故凡同類者舉相似也何獨至於人而疑之聖人與我同類者故龍子曰不知足而為屨我知其不為蕢也屨之相似天下之足同也口之於味有同者也易牙先得我口之所嗜者也如使口之於味也其性與人殊若犬馬之與我不同類

也則天下何者皆從易牙之於味也至於味天下期於易牙是天下之口相似也惟耳亦然至於聲天下期於師曠是天下之耳相似也惟目亦然至於子都天下莫不知其姣也不知子都之姣者無目者也故曰口之於味也有同者焉耳之於聲也有同聽焉目之於色也有同美焉至於心獨無所同然乎心之所同然者何也謂理也義也聖人先得我心之所同然耳故理義之悅我心猶芻豢之悅我口○孟子曰牛

山之木嘗美矣以其郊於大國也斧斤伐之可以為美乎是其日夜之所息雨露之所潤非無萌蘖之生焉牛羊又從而牧之是以若彼濯濯也人見其濯濯也以為未嘗有材焉此豈山之性也哉雖存乎人者豈無仁義之心哉其所以放其良心者亦猶斧斤之於木也旦旦而伐之可以為美乎其日夜之所息乎旦之氣其好惡與人相近也者幾希則其旦晝之所為有枯亡之矣枯之反覆則其夜氣不足以存夜氣

不足以存則其違禽獸不遠矣人見其禽獸也而以
為未嘗有才焉者是豈人之情也哉故苟得其養無
物不長苟失其養無物不消孔子曰操則存舍則亡
出入無時莫知其鄉惟心之謂與○孟子曰無或乎
王之不智也雖有天下易生之物也一日暴之十日
寒之未有能生者也吾見亦罕矣吾退而寒之者至
矣吾如有萌焉何哉今夫弈之為數小數也不專心
致志則不待也弈秋通國之善奕者也使弈秋誨二

人弈其一入專心致志惟弈秋之為聽一人雖聽之
一心以為有鴻鵠將至思援弓繳而射之雖與之俱
學弗若之矣為是其智弗若與曰非然也○孟子曰
魚我所欲也熊掌亦我所欲也二者不可得兼舍魚
而取熊掌者也生亦我所欲也義亦我所欲也二者
不可得兼舍生而取義者也生亦我所欲所欲有甚
於生者故不為苟得也死亦我所惡所惡有甚於死
者故患有所不辟也如使人之所欲莫甚於生則凡

可以得生者何不同也使人之所惡莫甚於死者則
凡可以辟患者何不為也由是則生而有不用也由
是則可以辟患而有不為也是故所欲有甚於生者
所惡有甚於死者非獨賢者有是心也人皆有之賢
者能勿喪耳一簞食一豆羹得之則生弗得則死噉
爾而與之行道之人弗受蹴爾而與之乞人不屑也
萬鍾則不辨禮義而受之萬鍾於我何加焉為宮室
之美妻妾之奉所識窮乏者得共與鄉為身死而不

受今為宮室之美為之鄉為身死而不受今為妻妾
之奉為之鄉為身死而不受今為所識窮乏者得我
而為之是亦不可以已乎此之謂失其本心○孟子
曰仁人心也義人路也舍其路而弗由放其心而不
知求哀哉人有雞犬放則知求之有放心而不知求
學問之道無他求其放心而已矣○孟子曰今有無
名之指屈而不信非疾痛害事也如有能信之者則
不遠秦楚之路為指之不若人也指不若人則知惡

之心不若人則不知惡此之謂不知類也○孟子曰拱把之桐梓人苟欲生之皆知所以養之者至於身而不知所以養之者豈愛身不若桐梓哉弗思甚也○孟子曰人之於身也兼所愛兼所愛則兼所養也無尺寸之膚不愛焉則無尺寸之膚不養也所以考其善不善者豈有他哉於己取之而已矣體有貴賤有小大無以小害大無以賤害貴養其小者為小養其大者為大人今有場師舍其梧楨養其臠棘則

為賤場師焉養其一指而失其肩背而不知也則為猶疾人也飲食之人則人賤之矣為其養小以失大也飲食之人無有失也則口腹豈適為尺寸之膚哉○公都子問曰鈞是人也或為大人或為小人何也孟子曰從其大體為大人從其小體為小人曰鈞是人也或從其大體或從其小體何也曰耳目之官不思而蔽於物物交物則引之而已矣心之官則思思則得之不思則不得也此天之所與我者先立乎其

大者則其小者不能奪也此為大人而已矣○孟子
曰有天爵者有人爵者仁義忠信樂善不倦此天爵
也公卿大夫此人爵也古之人脩其天爵而人爵從
之今之人脩其天爵以要人爵既得人爵而棄其天
爵則惑之甚者也終亦必亡而已矣○孟子曰欲貴
者人之同心也人人有貴於己者弗思耳人之所貴
者非良貴也趙孟之所貴趙孟能賤之詩云既醉以
酒既飽以德言飽乎仁義也所以不願人之膏粱之

味也令聞廣譽施於身所不願人之文繡也○孟
子曰仁之勝不仁也猶水勝火今之為仁者猶以一
杯水救一車薪之火也不熄則謂之水不勝火此又
與於不仁之甚者也亦終必亡而已矣○孟子曰五
穀者種之美者也苟為不熟不如莩稗夫仁亦在乎
熟之而已矣○孟子曰羿之教人射必志於彀學者
亦必志於彀大匠誨人必以規矩學者亦必以規矩

任人有問屋廬子曰禮與食孰重曰禮重色與禮孰
重曰禮重曰以禮食則飢而死不以禮食則得食必
以禮乎親迎則不得妻不親迎則得妻必親迎乎屋
廬子不能對明日之鄒以告孟子孟子曰於答是也
何有不揣其本而齊其末方寸之木可使高於岑樓
金重於羽者豈謂一鈎金與一輿羽之謂哉取食之
重者與禮之輕者而比之奚翅食重取色之重者與
禮之輕者而比之奚翅色重在應之曰紛兄之臂而

奪之食則得食不紛則不得食則將紛之乎踰東家
牆而樓其處子則得妻不樓則不得妻則將樓之乎
○曹交問曰人皆可以為堯舜有諸孟子曰然交聞
文王十尺湯九尺今交九尺四寸以長食粟而已如
何則可曰奚有於是亦為之而已矣有人於此力不
能勝一匹雛則為無力人矣今日舉百鈞則為有力
人矣然則舉烏獲之任是亦為烏獲而已矣夫人豈
以不勝為患哉弗為耳徐行後長者謂之弟疾行先

長者謂之不弟夫徐行者豈人所不能哉所不為也
堯舜之道孝弟而已矣子服堯之服誦堯之言行堯
之行是堯而已矣子服桀之服誦桀之言行桀之行
是桀而已矣曰交得見於鄒君可以假館願留而受
業於門曰夫道若大路然豈難知哉人病不求耳子
歸而求之有餘師○公孫丑問曰高子曰小弁小人
之詩也孟子曰何以言之曰怨曰固哉高叟之為詩
也有人於此越人關弓而射之則已談笑而道之無

他疏之也其兄關弓而射之則已垂涕泣而道之無
他戚之也小弁之怨親親也親親仁也固矣夫高叟
之為詩也曰凱風何以不怨曰凱風親之過小者也
小弁親之過大者也親之過大而不怨是愈疏也親
之過小而怨是不可磯也愈疏不孝也不可磯亦不
孝也孔子曰舜其至孝矣五十而慕○宋牼將之楚
孟子過於石邱曰先生將何之○吾聞秦楚構兵我
將見楚王說而罷之楚王不悅我將見秦王說而罷

之二王我將有所遇焉曰軻也請無問其詳願聞其指說之將何如曰我將言其不利也曰先生之志則大矣先生之說則不可先生以利說秦楚之王秦楚之王悅於利以罷三軍之師是三軍之士樂罷而悅於利也為人臣者懷利以事其君為人子者懷利以事其父為人弟者懷利以事其兄是君臣父子兄弟終去仁義懷利以相接然而不亡者未之有也先生以仁義說秦楚之王秦楚之王悅於仁義而罷三軍

之師是三軍之士樂罷而悅於仁義也為人臣者懷仁義以事其君為人子者懷仁義以事其父為人弟者懷仁義以事其兄是君臣父子兄弟去利懷仁義以相接也然而不王者未之有也何必曰利○孟子居鄒季任為任處守以幣交受之而不報處於平陸儲子為相以幣交受之而不報他日由鄒之任見季子曰平陸之齊不見儲子屋廬之喜曰連得間矣問曰夫子之任見季子之齊不見儲子為其為相與曰

非也書曰享多儀儀不及物曰不享惟不役志于享
為其不成享也屋廬子悅或問之屋廬子曰季子不
得之鄒儲子得之平陸○淳于髡曰先名實者為人
也後名實者自為也夫子在三卿之中名實未加於
上下而去之仁者固如此乎孟子曰居下位不以賢
事不肖者伯夷也五就湯五就桀者伊尹也不惡汙
君不辭小官者柳下惠也三子者不同道其趨一也
一者何也曰仁也君子亦仁而已矣何必同曰魯繆

公之時公儀子為政子柳子思為臣魯之削也滋甚
若是乎賢者之無益於國也曰虞不用百里奚而亡
秦穆公用之而霸不用賢則亡削何可得與曰昔者
王豹處於淇而河西善謳縣駒處於高唐而齊右善
歌華周杞梁之妻善哭其夫而變國俗有諸內必形
諸外為其事而無其功者髡未嘗觀之也是故無賢
者也有則髡必識之曰孔子為魯司寇不用從而祭
番肉不至不稅冕而行不知者以為為肉也其知者

以為為無禮也乃孔子則欲以微罪行不欲為苟去
君子之所為衆人固不識也○孟子曰五霸者三王
之罪人也今之諸侯五霸之罪人也今之大夫今之
諸侯之罪人也天子適諸侯曰巡狩諸侯朝於天子
曰述职春省耕而補不足秋省斂而助不給入其疆
土地辟田野治養老尊賢俊傑在位則有慶慶以地
入其疆土地荒蕪遺老失賢培克在位則有讓一不
朝則貶其爵再不朝則削其地三不朝則六師移之

是故天子討而不伐諸侯伐而不討五霸者摟諸侯
以伐諸侯者也故曰五霸者三王之罪人也五霸桓
公為盛葵邱之會諸侯束牲載書而不歃血初命曰
誅不孝無易樹子無以妾為妻再命曰尊賢育才以
彰有德三命曰敬老慈幼無忘賓旅四命曰士無世
官官事無攝取士必得無專殺大夫五命曰無曲防
無過糴無有封而不言曰凡我同盟之人既盟之後
言歸于好今之諸侯皆犯此五禁故曰今之諸侯五

霸之罪人也長君之惡其罪小逢君之惡其罪大今
之大夫皆逢君之惡故曰今之大夫今之諸侯之罪
人也○魯欲使慎子為將軍孟子曰不教民而用之
謂之殃民殃民者不容於堯舜之世一戰勝齊遂有
南陽然且不可慎子勃然不悅曰此則滑釐所不識
也曰吾明告子天子之地方千里不千里不足以待
諸侯諸侯之地方百里不百里不足以守宗廟之典
籍周公之封於魯為方百里也地非不足而儉於百

里太公之封於齊也亦為方百里也地非不足也而
儉於百里今魯方百里者五子以為有王者作則魯
在所損乎在所益乎徒取諸彼以與此然且仁者不
為況於殺人以求之乎君子之事君也務引其君以
當道志於仁而已○孟子曰今之事君者曰我能為
君辟土地充府庫今之所謂良臣古之所謂民賊也
君不鄉道不志於仁而求富之是富桀也我能為君
約與國戰必克今之所謂良臣古之所謂民賊也君

不啻道不志於仁而求為之強戰是輔桀也由今之
道無變今之俗雖與之天下不能一朝居也○白圭
曰吾欲二十而取一何如孟子曰子之道貉道也萬
室之國一人陶則可乎曰不可器不足用也曰夫貉
五穀不生惟黍生之無城郭宮室宗廟祭祀之禮無
諸侯幣帛饗飧無百官有司故二十取一而足也今
居中國去人倫無君子如之何其可也陶以寡且不
可以為國况無君子乎欲輕之於堯舜之道者大貉

小貉也欲重之於堯舜之道者大桀小桀也○白圭
曰丹之治水也愈於禹孟子曰子過矣禹之治水水
之道也是故禹以四海為壑今吾子以鄰國為壑水
逆行謂之泮水泮水者洪水也仁人之所惡也吾子
過矣○孟子曰君子不亮惡乎執○魯欲使樂正子
為政孟子曰吾聞之喜而不寐公孫丑曰樂正子強
乎曰否有知慮乎曰否多聞識乎曰否然則奚為喜
而不寐曰其為人也好善好善足乎曰好善優於天

下而况魯國乎夫苟好善則四海之內皆將輕千里而來告之以善夫苟不好善則人將曰訑訑予既已知之矣訑訑之聲音顏色距人於千里之外士止於千里之外則讒諂面諛之人至矣與讒諂面諛之人居國欲治可得乎○陳子曰古之君子何如則仕孟子曰所就三所去三迎之致敬以有禮言將行其言也則就之禮貌未衰言弗行也則去之其次雖未行其言也迎之致敬以有禮則就之禮貌衰則去之其

下朝不食夕不食飢餓不能出門戶君聞之曰吾大者不能行其道又不能從其言也使飢餓於我土地吾恥之周之亦可受也免死而已矣○孟子曰舜發於畎畝之中傳說舉於版築之間膠鬲舉於魚鹽之中管夷吾舉於士孫叔敖舉於海百里奚舉於市故天將降大任於是人也必先苦其心志勞其筋骨餓其體膚空乏其身行拂亂其所為所以動心忍性曾益其所不能人恒過然後能改困於心衡於慮而後

作徵於色發於聲而後喻入則無法家拂士出則無敵國外患者國恒亡然後知生於憂患而死於安樂也○孟子曰教亦多術矣予不屑之教誨也者是亦教誨之而已矣

孟子七

盡心章句上

孟子曰盡其心者知其性也知其性則知天○存其心養其性所以事天也○夭壽不貳脩身以俟之所以立命也○孟子曰莫非命也順受其正是故知命者不立乎巖牆之下盡其道而死者正命也○桎梏死者非正命也○孟子曰求則得之舍則失之是求有益於得也○求在我者也○求之有道得之有命是求無益

於得也求在外者也○孟子曰萬物皆備於我矣反
身而誠樂莫大焉強恕而行求仁莫近焉○孟子曰
行之而不著焉習矣而不察焉終身由之而不知其
道者衆也○孟子曰人不可以無恥無恥之恥無恥
矣○孟子曰恥之於人大矣為機變之巧者無所用
恥焉不恥不若人何若人有○孟子曰古之賢王好
善而忘勢古之賢士何獨不然樂其道而忘人之勢
故三公不致敬盡禮則不得亟見之見且猶不得亟

而况得而臣之乎○孟子謂宋句踐曰子好遊乎吾
語子遊人知之亦囂囂人不知亦囂囂曰何如斯可
以囂囂矣曰尊德樂義則可以囂囂矣故士窮不失
義達不離道窮不失義故士得已焉達不離道故民
不失望焉古之人得志澤加於民不得志脩身見於
世窮則獨善其身達則兼善天下○孟子曰待文王
而後興者凡民也若夫豪傑之士雖無文王猶興○
孟子曰附之以韓魏之家如其自視歆然則過人遠

矣○孟子曰以佚道使民雖勞不怨以生道殺民雖死不怨殺者○孟子曰霸者之民驩虞如也王者之民皞皞如也殺之而不怨利之而不庸民日遷善而不知為之者夫君子所過者化所存者神上下與天地一且曰小補之哉○孟子曰仁言不如仁聲之入人深也善政不如善教之得民也善政民畏之善教民愛之善政得民財善教得民心○孟子曰人之所不學而能者其良能也所不慮而知者其良知也

孩提之童無不知愛其親也及其長也無不知敬其兄也親親仁也敬長義也無他達之天下也○孟子曰舜之居深山之中與木石居與鹿豕遊其所以異於澤山之野人者幾希及其聞一善言見一善行若決江河沛然莫之能禦也○孟子曰無為其所不為無欲其所不欲如此而已矣○孟子曰人之有德慧術知者恒存乎疢疾獨孤臣孽子其操心也危其慮患也深故達○孟子曰有事君人者事是君則為容

悅者也有安社稷臣者以安社稷為悅者也有天民者達可行於天下而後行之者也有大人者正己而物正者也○孟子曰君子有三樂而王天下不與存焉父母俱存兄弟無故一樂也仰不愧於天俯不忤於人二樂也得天下英才而教育之三樂也君子有三樂而王天下不與存焉○孟子曰廣土眾民君子欲之所樂不存焉中天下而立定四海之民君子樂之所性不存焉君子所性雖大行不加焉雖窮居不

損焉分定故也君子所性仁義禮智根於心其生色也睟然見於面盎於背施於四體四體不言而喻○孟子曰伯夷辟紂居北海之濱聞文王作興曰盍歸乎來吾聞西伯善養老者大公辟紂居東海之濱聞文王作興曰盍歸乎來吾聞西伯善養老者天下有善養老則仁人以為己歸矣五畝之宅樹牆下以桑匹婦蠶之則老者足以衣帛矣五母雞二母彘無失其時老者足以無失肉矣百畝之田匹夫耕之八口

之家可以無飢矣所謂西伯善養老者制其田里教
之樹畜導其妻子使養其老五十非帛不煖七十非
肉不飽不煖不飽謂之凍餒文王之民無凍餒之老
者此之謂也○孟子曰易其田疇薄其稅斂民可使
富也食之以時用之以禮財不可勝用也民非水火
不生活昏暮叩人之門戶求水火無弗與者至足矣
聖人治天下使有菽粟如水火菽粟如水火而民為
有不仁者乎○孟子曰孔子登東山而小魯登太山

而小天下故觀於海者難為水遊於聖人之門者難
為言觀水有術必觀其瀾日月有明容光必照焉流
水之為物也不盈科不行君子之志於道也不成章
不達○孟子曰雞鳴而起孳孳為善者舜之徒也雞
鳴而起孳孳為利者蹠之徒也欲知舜與蹠之分無
他利與善之間也○孟子曰楊子取為我拔一毛而
利天下不為也墨子兼愛摩頂放踵利天下為之子
莫執中執中為近之執中無權猶執一也所惡凡一

者為其賊道也舉一而廢百也○孟子曰飢者甘食
渴者甘飲是未得飲食之正也飢渴害之也豈惟口
腹有飢渴之害人心亦皆有害人能無以飢渴之害
為心害則不及人不為憂矣○孟子曰柳下惠不以
三公易其介○孟子曰有為者辟若掘井掘井九軻
而不及泉猶為棄井也○孟子曰堯舜性之也湯武
身之也五霸假之也久假而不歸惡知其非有也○
公孫丑曰伊尹曰予不狎于不順放太甲于桐民大

悅太甲賢又反之民大悅賢者之為人臣也其君不
賢則固可放與孟子曰有伊尹之志則可無伊尹之
志則篡也○公孫丑曰詩曰不素餐兮君子之不耕
而食何也孟子曰君子居是國也其君用之則安富
尊榮其子弟從之則孝弟忠信不素餐兮孰大於是
○王子墊問曰士何事孟子曰尚志曰何謂尚志曰
仁義而已矣殺一無罪非仁也非其有而取之非義
也居惡在仁是也路惡在義是也居仁由義大人之

事備矣○孟子曰仲子不義與之齊國而弗受人皆
信之是舍簞食豆羹之義也人莫大焉亡親戚君臣
上下以其小者信其大者奚可哉○桃應問曰舜為
天子臯陶為士瞽瞍殺人則如之何孟子曰執之而
已矣然則舜不禁與曰夫舜惡得而禁之夫有所受
之也然則舜如之何曰舜視棄天下猶棄敝蹠也竊
負而逃遵海濱而處終身訢然樂而忘天下○孟子
自范之齊望見齊王之子喟然歎曰居移氣養移體

大哉居乎夫非盡人之子與孟子曰王子宫室車馬
衣服多與人同而王子若彼者其居使之然也況居
天下之廣居者乎魯君之宋呼於埳澤之門守者曰
此非吾君也何其聲之似我君也此無他居相似也
○孟子曰食而弗愛豕交之也愛而不敬獸畜之也
恭敬者幣之未將者也恭敬而無實君子不可虛拘
○孟子曰形色天性也惟聖人然後可以踐形○齊
宣王欲短喪公孫丑曰為暮之喪猶愈於已乎孟子

曰是猶或紾其兄之臂子謂之姑徐徐云爾亦教之
孝弟而已矣王子有其母死者其傅為之請數月之
喪公孫丑曰若此者何如也曰是欲終之而不可得
也雖加一日愈於已謂夫莫之禁而弗為者也○孟
子曰君子之所以教者五有如時雨化之者有成德
者有達財者有答問者有私淑艾者此五者君子之
所以教也○公孫丑曰道則高矣美矣宜若登天然
他不可及也何不使彼為可幾及而日孳孳也孟子

曰大匠不為拙工改廢繩墨羿不為拙射變其彀率
君子引而不發躍如也中道而立能者從之○孟子
曰天下有道以道殉身天下無道以身殉道未聞以
道殉乎人者也○公都子曰滕更之在門也若在所
禮而不答何也孟子曰挾貴而問挾賢而問挾長而
問挾有勲勞而問挾故而問皆所不答也滕更有二
焉○孟子曰於不可已而已者無所不已於所厚者
薄無所不薄也其進說者其退速○孟子曰君子之

於物也愛之而弗仁於民也仁之而弗親親親而仁
民仁民而愛物○孟子曰知者無不知也當務之為
急仁者無不愛也急親賢之為務堯舜之知而不徧
物急先務也堯舜之仁不徧愛人急親賢也不能三
年之喪而總小功之察放飯流歎而問無齒決是之
謂不知務

盡心章句下

孟子曰不仁哉梁惠王也仁者以其所愛及其所不
愛不仁者以其所不愛及其所愛公孫丑曰何謂也
梁惠王以土地之故糜爛其民而戰之大敗將復之
恐不能勝故驅其所愛子弟以殉之是之謂以其所
不愛及其所愛也○孟子曰春秋無義戰彼善於此
則有之矣征者上伐下也敵國不相征也○孟子曰
盡信書則不如無書吾於武成取二三策而已矣仁
人無敵於天下以至仁伐至不仁而何其血之流杵
也○孟子曰有人曰武善為陳我善為戰大罪也國

君好仁天下無敵焉南面而征北狄怨東面而征西
夷怨曰奚為後我武王之伐殷也革車三百兩虎賁
三千人王曰無畏寧爾也非敵百姓也若崩厥角稽
首征之為言正也各欲正己也焉用戰○孟子曰梓
匠輪輿能與人規矩不能使人巧○孟子曰舜之飯
糗茹草也若將終身焉及其為天子也被袵衣鼓琴
二女果若固有之○孟子曰吾今而後知殺人親之
重也殺人之父人亦殺其父殺人之兄人亦殺其兄

然則非自殺之也一間耳○孟子曰古之為關也將
以禦暴今之為關也將以為暴○孟子曰身不行道
不行於妻子使人不以道不能行於妻子○孟子曰
周于利者凶年不能殺周于德者邪世不能亂○孟
子曰好名之人能讓千乘之國苟非其人葷食豆羹
見於色○孟子曰不信仁賢則國空虛無禮義則上
下亂無政事則財用不足○孟子曰不仁而得國者
有之矣不仁而得天下未之有也○孟子曰民為貴

社稷次之君為輕是故得乎邛民而為天子得乎天子為諸侯得乎諸侯為大夫諸侯危社稷則變置犧牲既成粢盛既潔祭祀以時然而旱乾水溢則變置社稷○孟子曰聖人百世之師也伯夷柳下惠是也故聞伯夷之風者頑夫廉懦夫有立志聞柳下惠之風者薄夫敦鄙夫寬奮乎百世之上百世之下聞者莫不興起也非聖人而能若是乎而況於親炙之乎○孟子曰仁也者人也合而言之道也○孟子曰

孔子之去魯曰遲遲吾行也去父母國之道也去齊接淅而行去他國之道也○孟子曰君子之危於陳蔡之間無上下之交也○貉稽曰稽大不理於口孟子曰無傷也士憎茲多口詩云憂心悄悄愠于羣小孔子也肆不殄厥愠亦不隕厥問文王也○孟子曰賢者以其昭昭使人昭昭今以其昏昏使人昭昭○孟子謂高子曰山徑之蹊間介然用之而成路為間不用則茅塞之矣今茅塞子之心矣○高子曰禹之

聲尚文王之聲孟子曰何以言之曰以追蠡曰是奚足哉城門之軌兩馬之力與○齊饑陳臻曰國人皆以夫子將復為發棠殆不可復孟子曰是為馮婦也晉人有馮婦者善搏虎卒為善士則之野有衆逐虎虎負嵎莫之敢撻望見馮婦趨而迎之馮婦攘臂下車衆皆悅之其為士者笑之○孟子曰口之於味也目之於色也耳之於聲也鼻之於臭也四肢之於外也性也有命焉君子不謂性也仁之於父子也義

之於君臣也禮之於賓主也智之於賢者也聖人之於天道也命也有性焉君子不謂命也○浩生不害問曰樂正子何人也孟子曰善人也信人也何謂善何謂信曰可欲之謂善有諸己之謂信充實之謂美充實而有光輝之謂大化之之謂聖聖而不可知之之謂神樂正子二之中四之下也○孟子曰逃墨必歸於楊逃楊必歸於儒歸斯受之而已矣今之與楊墨辯者如追放豚既入其豎又從而招之○孟

子曰有布縷之征粟米之征乃役之征君子用其一
緩其二用其二而民有殍用其三而父子離○孟子
曰諸侯之寶三土地人民政事寶珠玉者殃必及身
○盆成括仕於齊孟子曰死矣盆成括盆成括見殺
門人問曰夫子何以知其將見殺曰其為人也小有
才未聞君子之大道也則足以殺其軀而已矣○孟
子之滕館於上宮有業屨於牖上館人求之弗得○
問之曰若是乎從者之慶也曰子以是為竊屨來與

曰殆非也夫子之設科也往者不追來者不拒苟以
是心至斯受之而已矣○孟子曰人皆有所不忍進
之於其所忍仁也人皆有所不為達之於其所為義
也人能充無欲害人之心而仁不可勝用也人能充
無穿窬之心而義不可勝用也人能充無受爾汝之
實無所往而不為義也士未可以言而言是以言餽
之也可以言而不言是以不言餽之也是皆穿窬之
類也○孟子言近
言也守約而施博

者善道也君之言也

通存焉君子之守

脩其身而天下平人病舍其田而芸人之田所求於人者重而所以自任者輕○孟子曰堯舜性者也湯武反之也動容周旋中禮者盛德之至也哭死而哀非為生者也經德不回非以干祿也言語必信非以正行也君子行法以俟命而已矣○孟子曰說大人則藐之勿視其巍巍然堂高數仞榱題數尺我得志弗為也食前方丈侍妾數百人我得志弗為也般

飲酒驅騁曰獵後車千乘我得志弗為也在彼者

我所不為也在我者皆古之制也吾何畏彼哉○

子曰養心莫善於寡欲其為人也寡欲雖有不存焉

者寡矣其為人也多欲雖有存焉者寡矣○曾皙

羊棗而曾子不忍食羊棗公孫丑問曰膾炙與羊棗

孰美孟子曰膾炙哉公孫丑曰然則曾子何為食膾

炙而不食羊棗曰膾炙所同也羊棗所獨也諱名不

諱姓姓戶名所也○革問曰孔子在陳曰

盍歸乎之士如高進之忘其初孔子在陳

何思魯之狂士孟子曰孔子不得中道而與之必也
狂狷乎狂者進取狷者有所不為也孔子豈不欲中
哉不可必得故思其次也敢問何如斯可謂狂矣
曰如琴張曾皙牧皮者孔子之所謂狂矣何以謂之
狂也曰其志嚶嚶然曰古之人古之人夷考其行而
不掩其者也狂者又不可得欲得不屑不絜之士而
與之是狷也是又其次也孔子曰過我門而不入我

室我不憾焉者其惟鄉原乎鄉原德之賊也曰何
斯可謂之鄉原矣曰何以是嚶嚶也言不顧行行不
顧言則曰古之人古之人行何為踽踽涼涼生斯世
也為斯世也善斯可矣閤然媚於世也者是鄉原也
此章曰一鄉皆稱原人焉無所往而不為原人孔子
以為德之賊何哉曰非之無與也利之無刺也同乎
流俗合乎汙世居之似忠信行是似廉潔衆皆悅之
自以為是不可與元舜之道故曰德之賊也孔

子曰惡似而非者惡也忘其亂苗也惡佞恐其亂義也惡利口恐其亂信也惡鄭聲恐其亂樂也惡紫恐其亂朱也惡鄉原恐其亂德也君子反經而已矣經則庶民興庶民興斯無邪慝矣○孟子曰由堯舜至於湯五百有餘歲若禹皋陶則見而知之若湯則聞而知之由湯至於文王五百有餘歲若伊尹萊朱則見而知之若文王則聞而知之由文王至於孔子五百有餘歲若太公望散宜生則見而知之若孔子

則聞而知之由孔子而來至於今五百有餘歲去聖之世若此其未遠也近聖人之居若此其甚也然而無有乎爾則亦無有乎爾

制雅

計



初於一左肇祖元胎做落權輿始也林烝天帝皇王
 后辟公笑君也一廓宏溥介純夏撫庀墳嘏丕弈洪
 誕戎駁假京碩濯訃字穹壬路淫甫景廢壯冢簡劉
 收睭將業席大也撫庀育也迄臻極到赴來弔般格
 戾懷推詹至也如意之定徂訶仕也賚貢錫畀予貺
 賜也儀若洋淑鮮
 善
 調絃鼓攻穀介徽善也

舒業順敘也舒業秋緒也怡懌悅欣衍喜愉豫愷

康妣般樂也悅懌愉釋宥協服也適遵率循由從自

也適遵率循也靖惟漢圖詢度咨諏究如慮謨猷肇

基訪謀也典彝法則刑範矩庸恒律夏職秩常也柯

憲刑範辟律矩之法也辜辟戾臯也黃髮覲齒鮎背

者少言允亨宜展謀誠亮詢信也展謀允慎宜誠

也詭六考也也粵于爰日也爰粵于也爰粵于

那都繇於也欲邵盍翕仇偶妃匹會合也仇讐敵如

知儀匹也妃合會對也妃媿也紹允嗣續纂統績式

係繼德也以滂德也慎路謚顯顧密寧靜也隕碩湮下

降墜之各也命令禧眇祈請謁訊誥告也永悠迴

違遐思闊遠也永悠迴遠遐也虧壞圯堦毀也矢雉

引延順薦劉繹尸旅陳也尸職主也尸窠也窠寮宮

也績緒采業服宜貫公事也永兼引延融駿長也喬

嵩崇高也崇克也犯蒼果毅剋捷功肩堪勝也勝肩

戡劉殺克也劉獮斬剋殺也嚶嚶蠱汶孟敦勗釗茂

幼勗勉也矜務昏腎強也叩吾台予朕身甫余言我
也朕余躬身也台朕賚畀下陽予也肅延誘薦餒晉
寅蓋進也羞餞迪烝進也詔亮左右相導也詔相導
左右助勸也亮介尚右也左右亮也緝熙烈顯昭皓
頰光也劬鞏擊篤擊虔膠固也疇孰誰也咤咤皇皇
藐藐利休嘉珍禕懿鑠美也諧輯協和也闕闕唯
唯音聲和也總和也從申神加弼崇重也敵悉卒
民忽滅罄空畢罄殲拔殄盡也芑蕪茂豐也擊斂屈

收戢蒐哀鳩樓聚也肅齊過速亟屢數迅疾也寔駿
肅亟逆速也登院阮滕徵隍濂虛也黎庶烝多醜師
旅衆也泮觀哀那多也流差東擇也戰慄震驚難
竦恐懼也痛瘡也積元黃幼勞咎頽瘡瘡鰥戮癩
癘瘰癧疰疰痲閔逐疫痲瘥癩瘡瘡瘡病也恙寫悝
吁繇慘恤罹憂也倫勩邛救勤愉庸瘁勞也勞來強
事謂翦篲勤也悠傷憂思也懷惟慮願念怒思也祿
祉履戩被禘禘祐福也湮祀祠蒸嘗禴祭也儼恪祗

翼謹恭欽寅煥敬也朝旦夙晨暖早也顛跌替戾辰
止俟待也嚙幾裁殆危也躐汔也治肆古故也肆故
今也博亶祐篤擊仍毗埤竺腹厚也載謨食詐偽也
話猷載行訛言也溝逢遇也溝逢遇遯也溝逢遇遯
見也顯昭覲劉覲見也監瞻臨泣頰相視也鞠訕溢
盈也孔魄哉延虛無之言間也瘞幽隱匿蔽竄微也
訖徽妥懷安按替戾底廢尼定曷適止也豫射厭也
烈績業也績勲功也功績質登平明考就成也桔梗

較頤庭道直也密康靜也豫寧綏康柔安也平均夷
弟易也矢弛也弛易也希寡鮮罕也鮮寡也酬酢侑
報也毗劉暴樂也顛髻弟離也盡諂貳疑也核翰儀
幹也弼棊輔比浦也疆界邊衛圉垂也昌敵彊應丁
當也淳肩搖動蠢迪倣厲作也茲斯咨些已此也嗟
咨嗟也閑狎串貫習也曩塵佇淹留久也逮及暨與
也隲假格陟躋登陞也揮盃歇涸竭也拒拭刷清也
鴻昏於顯間代也饁饌饋也遷運徙也秉拱執也廡

熙興也衛蹶假嘉也廢稅赦舍也棲遲憇休苦歛隸
四息也供峙共具也惻憐惠愛也娠蠢震難由騷感
訛蹶動也覆察副審也契滅殄絕也郡臻仍迺侯乃
也迪繇訓道也僉咸胥皆也育孟耆艾正伯長也艾
歷也歷秭算數也虛傳也艾歷覲胥相也又亂靖神
弗渥治也頤艾育養也沃渾隕墜也際接翼捷也倅
神溢慎也鬱陶繇喜也馘濟獲也阻艱難也剡矧利
也允任壬佞也俾拚扞使也俾拚扞使從也讓仍因
也董督正也享考也珍享獻也縱縮亂也探纂俘取
也徂在存也在存省士察也烈柝餘也迓迎也元良
首也薦摯臻也賡揚續也祔禭祖也即尼也尼定也
邇幾暱近也妥安坐也貉縮綸也貉嘆安定也伊維
也伊維侯也時寔是也卒猷假輟已也求首在卒就
終也崩薨無祿卒徂落殪死也

釋言第二

殷齊中也斯謔離也謾興起也還復返也宣徇徧也

駟遽傳也蒙荒奄也告謁請也肅囑聲也格懷來也
殄底致也惻怙恃也律適述也奮奮然也豫臚敘也
庶幾尚也觀指示也若惠順也教撫傲也幼鞠稚也
逸僇過也疑休戾也疾齊壯也悵褊急也貿賈市也
靡陋隱也過筵運也征邁行也圯敗覆也荐原再也
撫救撫也臞肱瘠也枕頰充也屢暱亟也靡罔無也
爽差也爽忒也俚貳也劑翦齊也饋餽稔也媵將送
也作造為也餐餽食也鞠究窮也溷矜馘苦也干流

求也沅覃也覃延也佻偷也潛深也潛深測也穀鞠
生也啜茹也茹虞度也試式用也詰誓謹也競逐疆
也禦圍禁也室雍塞也黼黻彰也膺身親也愷悌發
也髦士官也畷農夫也蓋割裂也邕支載也誣諉累
也漠察清也庇庥廕也穀履祿也履禮也隱占也逆
迎也僭曾也增益也窶貧也夢隱也僂喏也基經也
基設也祺祥也祺吉也兆域也肇敏也挾藏也浹敵
也替廢也替滅也速徵也徵召也琛寶也琛試也髦

選也髦俊也俾職也紕飾也凌慄也慄感也蠲明也
茅明也明朗也猷圖也猷若也偁舉也稱好也坎律
銓也矢誓也舫舟也泳游也迨及也冥幼也降下也
傭均也強暴也窀肆也肆力也佻戴也瘞幽也髡鬪
也烘燎也焜炷也陪朝也康苛也樊藩也賦量也糗
糧也庶侈也庶幸也筑拾也契馭也集會也舫泝也
洵均也洵龕也逮逌也是則也畫形也賑富也局分
也儕恣也僊聲也葵揆也揆度也逮及也怒飢也眈

重也獵虐也土田也成過也師人也砮鞏也棄忘也
囂閑也謀心也獻聖也里邑也襄除也振古也懟怨
也縞介也號誨也凶咎也芑稔也迨寤也題題也猷
肯可也務侮也貽遺也貿買也賄財也甲狎也莢駢
也莢亂也祭餐也渝變也宜肴也夷悅也顛頂也羣
老也輜輕也倭淺也絢絞也訛化也跋躡也囊跲也
烝塵也戎相也飮私也孺屬也幕暮也煽熾也熾盛
也柢本也窵間也淪率也罹毒也檢同也郵過也遜

遯也斃踣也債僵也眈殄也曷盍也虹潰也階閣也
韌膠也孔甚也厥其也夏禮也閤臺也囚拘也攸所
也展適也鬱氣也宅居也休慶也祈叫也濬幽深也
哲智也弄玩也尹正也皇匡正也服整也聘問也愧
慙也殛誅也克能也翌明也訥訟也晦冥也奔走也
遂退也彙仆也亞次也諗念也屆極也弇同也弇蓋
也恫痛也握具也振訊也閤恨也越揚也對遂也燬
火也懈怠也宣緩也遇偶也曩曩也惶暇也宵夜也

懊忼也愒貪也楛柱也裁節也竝併也卒既也憎慮
也將資也莆絀也遞迭也矧况也廩廩也逴逃也訊
言也間覩也沅沆也干扞也趾足也跣削也襄駕也
忝辱也燠煖也塊塙也將齊也餽饋也啓跪也矚密
也開闢也袍襴也障眈也醜姤也鬻廣也舒緩也翮
燾也燾翳也隍壑也笔搴也典經也威則也苛姪也
芾小也迷惑也狃復也逼迫也般還也班賦也濟渡
也濟成也濟益也緡綸也辟歷也黎盍也寬綽也哀

黻也華皇也昆後也彌終也

釋訓第三

明明斤斤察也條條秩秩智也穆穆肅肅敬也諸諸
便便辯也肅肅翼翼恭也靡靡優優和也兢兢愷愷
戒也戰戰蹌蹌動也晏晏溫溫柔也業業翹翹危也
惴惴慄慄懼也番番矯矯勇也桓桓烈烈威也沈沈
赳赳武也藹藹濟濟止也悠悠洋洋思也蹶蹶踏踏
敏也蕩蕩增增衆也烝烝蒸蒸遠作也委委佗佗美也

忼忼惕惕急也侑侑格格與也蓐蓐孽孽戴也慄慄
媿媿安也祁祁遲遲徐也丕丕簡簡大也存存萌萌
在也懋懋慎慎勉也庸庸怪怪勞也赫赫躍躍迅也
綽綽爰爰緩也坎坎塤塤喜也瞿瞿休休儉也旭旭
躑躑僑也夢夢訕訕亂也爆爆邈邈閑也僂僂洄洄
昏也版版盪盪僻也熾熾炎炎薰也居居究究惡也
仇仇敖敖傲也仳仳瑣瑣小也悄悄慘慘溫也瘡瘡
痲痲病也殷殷惇惇切切博博欽欽京京忡忡愠愠

怲怲弈弈憂也昉昉田也畎畎耜也郝郝耕也繹繹
生也穰穰苗也緜緜穰也恹恹獲也粟粟衆也溘溘
浙也焯焯烝也侏侏服也峨峨祭也鏗鏗樂也穰穰
福也子子孫孫引無極也顯顯印印君之德也丁丁
嚶嚶相切直也藹藹萋萋臣盡力也嚶嚶喑喑民協
服也佻佻契契愈遐急也宴宴粢粢尼居息也哀哀
悽悽懷報德也儻儻嘒嘒罹禍毒也晏晏旦旦悔爽
忒也臯臯瑄瑄刺素食也懽懽嚶嚶憂無告也憲憲

洩洩制法則也謔謔謔謔崇譏惡也翕翕訛訛莫供
職也速速蹙蹙惟述鞠也抑抑密也秩秩清也粵粵
掣曳也朔北方也不俟不來也不適不蹟也不徹不
道也勿念勿忘也羨羨忘也每有雖也饔酒食也舞
號雩也暨不及也蠢不遜也如切如磋道學也如琢
如磨自脩也瑟兮僖兮恂恂也赫兮咺兮威儀也有
斐君子終不可諉兮道盛德至善民之不能忘也既
微且燼骭瘍為微腫足為燼是刈是穫獲煮之也履

帝武敏武迹也敏拇也張仲孝友善父母為孝善兄
弟為友有客宿宿言再宿也有客信信言四宿也美
女為媛美士為彥其虛其徐威儀容止也猗嗟名兮
目上為名式微式微者微乎微者也之子者是子也
徒御不驚輦者也禴裼肉袒也暴虎徒搏也馮河徒
涉也蘧蔭口柔也戚施面柔也夸毗體柔也婆娑舞
也擗拊心也矜憐撫掩之也絨羔裘之縫也殿屎呻
也疇謂之帳俯張誑也誰昔昔也不辰不時也凡曲

者為留鬼之為言歸也

釋親第四

父為考母為妣父之考為王父父之妣為王母王父
之考為曾祖王父之妣為曾祖母王母曾祖王父
之考為高祖王父曾祖王父之妣為高祖母王母父之
世父叔父為從祖祖父父之世母叔母為從祖祖母
父之兄弟先生為世父後生為叔父男子先生為兄
後生為弟 謂女子先生為姊後生為妹父之姊

妹為姑父之從父兄弟為從祖父父之從祖兄弟為
族父族父之子相謂為族兄弟族兄弟之子相謂為
親同姓兄之子弟之子相謂為從父兄弟子之子為
孫孫之子為曾孫曾孫之子為元孫元孫之子為來
孫來孫之子為弟孫弟孫之子為仍孫仍孫之子為
雲孫王父之姊妹為王姑曾祖王父之姊妹為曾祖
王姑高祖王父之姊妹為高祖王姑父之從父姊妹
為從祖姑父之從祖姊妹為族祖姑父之從父兄弟

之母為從祖王母父之從祖兄弟之母為祖王母
父之兄妻為世母父之弟妻為叔母父之從父兄弟
之妻為從祖母父之從祖兄弟之妻為族祖母父之
從祖祖父為族曾王父父之從祖祖母為族曾王母
父之妻為庶母祖王父也○兄弟也○宗族

母之考為外王父母之妣為外王母母之王考為外
曾王父母之王妣為外曾王母母之兄弟為舅母之
從父兄弟為從舅母之姊妹為從母從母之男子為

從母兄弟其女子子為從母姊妹○母黨

妻之父為外舅妻之母為外姑姑之子為甥舅之子
為甥妻之兄弟為甥姊妹之夫為甥妻之姊妹同出
為姨女子謂姊妹之夫為私男子謂姊妹之子為出
女子謂兄弟之子為姪謂出之子為離孫謂姪之子
為歸孫女子子之子為外孫女子同出謂先生為姪
後生為姊妹女子謂兄之妻為嫂弟之妻為婦長婦謂
稚婦為姊妹婦謂長婦為妯娌○妻黨

婦稱夫之父曰舅稱夫之母曰姑姑舅在則曰君舅
君姑沒則曰先舅先姑謂夫之庶母為少姑夫之兄
為兄公夫之弟為叔夫之姊為女公夫之女弟為女
妹子之妻為婦長婦為嫡婦眾婦為庶婦女子子之
夫為壻壻之父為姻婦之父為婚父之黨為宗族母
與妻之黨為兄弟婦之父母壻之父母相謂為婚姻
兩壻相謂為亞婦之黨為婚兄弟壻之黨為姻兄弟
孀婦也謂我舅者吾謂之甥也○婚姻

釋宮第五

宮謂之室室謂之宮牖戶之間謂之扆其內謂之家
東西牆謂之序西南隅謂之奧西北隅謂之屋漏東
北隅謂之宦東南隅謂之交枋謂之闕棖謂之楔楫
謂之梁樞謂之根樞達北方謂之落時落時謂之扈
垝謂之坩牆謂之墉鏝謂之朽椹謂之榦地謂之黜
牆謂之堊檝謂之杙在牆者謂之榦在地者謂之臬
大者謂之拱長者謂之閣閣謂之臺有木者謂之榭

雞棲於弋為櫟鑿垣而棲為墉植謂之傳傳謂之突
宗廟謂之梁其上楹謂之祝閣謂之榦栢謂之棠棟
謂之桴楠謂之椳楠直而遂謂之閱直不受檐謂之
交檐謂之摘容謂之防連謂之籓屋上薄謂之窰兩
階間謂之鄉中庭之左右謂之位門屏之間謂之宁
屏謂之樹閣謂之門正門謂之應門觀謂之闕宮中
之門謂之闈其小者謂之閨小閨謂之閣衙門謂之
闕門側之堂謂之塾櫺謂之闌闔謂之扉所以止扉

謂之閔瓠瓠謂之甍宮中街謂之壺廟中路謂之唐
堂途謂之陳路旅途也路場猷行道也一達謂之道
路二達謂之歧旁三達謂之劇旁四達謂之衢五達
謂之康六達謂之莊七達謂之劇驂八達謂之崇期
九達謂之達室中謂之時堂上謂之行堂下謂之步
門外謂之趨中庭謂之走大路謂之奔隄謂之梁石
杠謂之倚室有東西廂山廟無東西廂有室曰寢無
室曰榭四方而高曰臺陝而脩曲曰樓

釋器第六

木豆謂之豆竹豆謂之籩瓦豆謂之登盞謂之缶甌
甌謂之瓠康瓠謂之甑斫斲謂之定斫謂之鍤斛謂
之隄綬罟謂之九罟九罟魚罔也嫠婦之笱謂之罟
罟謂之汕簞謂之罩櫂謂之泮鳥罟謂之羅兔罟謂
之罝麋罟謂之罟兔罟謂之羅魚罟謂之罝麋謂之
罝罝罝也罝謂之罟罟覆車也絢謂之救律謂之分
大版謂之業繩之謂之縮之彝自壘器也小壘謂之

坎衣褙謂之視黼領謂之襍緣謂之純袂謂之裝木
皆謂之襟袂謂之裾衿謂之裈佩衿謂之褱執衽謂
之袪扳衽謂之襖衣蔽前謂之檐婦人之褙謂之縞
縞綾也裳削幅謂之縠輿革前謂之鞞後謂之第竹
前謂之禦後謂之蔽環謂之捐鑣謂之鑣載轡謂之
轡轡首謂之革餽謂之餘食饁謂之餽搏者謂之糲
米者謂之檠肉謂之敗魚謂之餒仄曰脫之魚曰斲
之冰脂也肉謂之羹魚謂之鮓肉謂之醢有骨者謂

之鸞康謂之蠱澌謂之塗鼎絕大謂之龜園弁上謂
之龜附耳外謂之鉞款足者謂之甬鬲謂之鸞鸞鈔
也璫瑞也玉十謂之區羽本謂之翮一羽謂之箴十
羽謂之縛百羽謂之緋木謂之虞旄謂之龍菜謂之
藪白蓋謂之苙黃金謂之盪其美者謂之鏐白金謂
之銀其美者謂之鐐鉞金謂之鈇錫謂之鈇象謂之
鵠角謂之鬻犀謂之削木謂之剡玉謂之雕金謂之
鏤木謂之刻骨謂之切象謂之磋玉謂之琢石謂之

磨瑯琳玉也簡謂之畢不律謂之筆滅謂之點絕混
謂之銑金鏃翦羽謂之鏃骨鏃不翦羽謂之志弓有
緣者謂之弓無緣者謂之弭以金者謂之銑以蜃者
謂之珧以玉者謂之珪珪大尺二寸謂之玠璋大八
寸謂之琬璧大六寸謂之宣肉倍好謂之璧好倍肉
謂之瑗肉好若一謂之環綖綖也一染謂之繚再染
謂之頽三染謂之纁青謂之葱黑謂之黝斧謂之黼
邠謂之柶雕謂之琢葍謂之茲竿謂之箄箏謂之箏

革中絕謂之辨革中辨謂之鞞鏤鏃也卣中尊也

釋樂第七

宮謂之重商謂之敏角謂之經徵謂之迭羽謂之柳
大瑟謂之灑大琴謂之離大鼓謂之鼗小者謂之應
大磬謂之馨大篳謂之巢小者謂之和大篪謂之沂
大塤謂之韶大鐘謂之鏞其中謂之剽小者謂之棧
大簫謂之言小者謂之筊大管謂之箛其中謂之篴
小者謂之箛大籥謂之產其中謂之仲小者謂之筠

徒鼓瑟謂之步徒吹謂之和徒歌謂之謠徒擊鼓謂之
之矍徒鼓鐘謂之修徒鼓磬謂之蹇所以鼓柷謂之
止所以鼓敔謂之籟大鼗謂之麻小者謂之料和樂
謂之節

釋天第八

穹蒼蒼天也春為蒼天夏為昊天秋為旻天冬為上
天○四時

春為青陽夏為朱明秋為白藏冬為元英四氣和謂

之玉燭春為發生夏為長嬴秋為收成冬為安寧四
時和為通正謂之景風甘雨時降萬物以嘉謂之醴

泉○祥

穀不熟為饑蔬不熟為饑果不熟為荒仍饑為荐○
災

大歲在甲曰闕逢在乙曰旃蒙在丙曰柔兆在丁曰
強圉在戊曰著雍在己曰屠維在庚曰上章在辛曰
重光在壬曰元默在癸曰昭陽○歲陽

大歲在寅曰攝提格在卯曰單闕在辰曰執徐在巳
曰大荒落在午曰敦牂在未曰涒洽在申曰涇灘在
酉曰作噩在戌曰閹茂在亥曰大淵獻在子曰困敦
在丑曰赤奮若載歲也夏曰歲商曰祀周曰年唐虞
曰載○歲名

月在甲曰畢在乙曰橘在丙曰修在丁曰圉在戊曰
厲在己曰則在庚曰窒在辛曰塞在壬曰終在癸曰
極○月陽

正月為陬二月為如三月為寤四月為余五月為皋
六月為且七月為相八月為壯九月為元十月為陽
十一月為辜十二月為涂○月名

南風謂之凱風東風謂之谷風北風謂之涼風西風
謂之泰風焚輪謂之積扶搖謂之焱風與火為庵迴
風為飄日出而風為暴風而雨土為霾陰而風為曠
天氣下地不應曰雩地氣發天不應曰霧霧謂之晦
蟠踈謂之雩蟠踈虹也蜺為挈貳弁日為蔽雲疾雷

為霆霓雨霓為霄雪暴雨謂之凍小雨謂之霰霖久
雨謂之淫淫謂之霖濟謂之霽○風雨

壽星角亢也天根氏也天駟房也大辰房心尾也大
火謂之大辰析木謂之津箕斗之間漢津也星紀斗
牽牛也元枵虛也顓頊之虛虛也北陸虛也營室謂
之定娵觜之口營室東壁也降婁奎婁也大梁昂也
西陸昴也濁謂之畢味謂之柳柳鶉火也北極謂之
北辰何鼓謂之牽牛明星謂之启明彗星為欃槍奔

星為約約○星名

春祭曰祠夏祭曰杓秋祭曰嘗冬祭曰蒸祭天曰燔
柴祭地曰瘞蕤祭山曰廋縣祭川曰浮沈祭星曰布
祭風曰磔是禩是禡師祭也既伯既禱馬祭也禘大
祭也繹又祭也周曰繹商曰彤夏曰復昨○祭名

春獵為蒐夏獵為苗秋獵為獮冬獵為狩宵田為獠
火田為狩乃立冢土戎醜攸行起大事動大眾必先
有事乎社而後出謂之宜振旅闐闐出為治兵尚威

武也入為振旅反尊卑也○講武

素錦綢杠纁帛繆素陞龍于繆縹旒九飾以組維以
縷緇廣充幅長尋曰旒繼旒曰旒注旒首曰旒有鈴
曰旂錯革鳥曰旗因章曰旃○旌旂

釋地第九

兩河間曰冀州河南曰豫州河西曰雍州漢南曰荆
州江南曰揚州濟河間曰兗州濟東曰徐州燕曰幽
州齊曰營州○九州

魯有大野晉有大陸秦有楊陝宋有孟諸楚有雲夢
吳越之間有具區齊有海隅燕有昭余祁鄭有圃田
周有焦護○十藪

東陵阡南陵息慎西陵威夷中陵朱滕北陵西隄鴈
門是也陵莫大於加陵梁莫大於淇梁墳莫大於河
墳○八陵

東方之美者有醫無閭之珣玕琪焉東南之美者有
會稽之竹箭焉南方之美者有梁山之犀象焉西南

之美者有華山之金石焉西方之美者有霍山之多
珠玉焉西北之美者有崑崙虛之璆琳琅玕焉北方
之美者有幽都之筋角焉東北之美者有斥山之文
皮焉中有岱岳與其五穀魚鹽生焉○九府

東方有比目魚焉不比不行其名謂之鰈南方有比
翼鳥焉不比不飛其名謂之鶻鶻西方有比肩獸焉
與印印炬虛比為印印炬虛齧甘草即有難印印炬
虛負而走其名謂之廢北方有比肩民焉送食而送

望中有枳首蛇焉此四方中國之異氣也○五方

邑外謂之郊郊外謂之牧牧外謂之野野外謂之林
林外謂之坳下溼曰隰大野曰平廣平曰原高平曰
陸大陸曰阜大阜曰陵大陵曰阿可食者曰原陂者
曰阪下者曰隰田一歲曰菑二歲曰新田三歲曰畬

○野

東至於泰遠西至於邠國南至於濮鈞北至於祝栗
謂之四極觚竹北戶西王母日下謂之四荒九夷八

狄七戎六蠻謂之四海。嶺齊州以南戴日為丹穴北
戴斗極為空桐。東至日所出為大平，西至日所入為
大蒙。大平之人仁，丹穴之人智，大蒙之人信，空桐之
人武。○四極

釋邱第十

邱一成為敦邱，再成為陶邱，再成銳，上為融邱，三成
為崐崙邱。口祭者蔡邱，如階者階邱，水潦所止泥邱，
方邱，胡邱，絕高為之京，非人為之邱，水潦所還埒邱。

上正章邱澤，上有邱都邱，管述梧邱，途出其右而還
之畫邱，途出其前戴邱，途出其後昌邱，水出其前消
邱，水出其後沮邱，水出其右正邱，水出其左營邱，如
覆敦者敦邱，灑迤沙邱，左高咸邱，右高臨邱，前高旄
邱，後高陵邱，偏高阿邱，宛中宛邱，邱背有邱為負邱，
左澤定邱，右陵泰邱，如畝畝邱，如凌，又邱，邱上有邱
為宛邱，陳有宛邱，晉有潛邱，淮南有州黎邱，天下有
名邱五，其三在河南，其二在河北。○邱

望厓洒而高岸夷上洒下不滑隩厓內為隩外為
畏畢堂牆重厓岸岸上澣墳大防渼為厓窮瀆汜谷
者激○厓岸

釋山第十一

河南華河西嶽河東岱河北恒江南衡山三襲陟再
成英一成坯山大而高崧山小而高岑銳而高嶠卑
而大扈小而衆歸小山岌大山岨屬者嶧獨者蜀上
正章宛中隆山脊岡未及上翠微山頂冢萃者垂屨

山如堂者密如防者盛壑山墮重甌謙左右有岸厓
大山宮小山霍小山別大山鮮山絕陁多小石礫多
大石礫多草木岵無草木岵山上有水埒夏有水冬
無水舉山嶺無所通谿石戴土謂之崔嵬土戴石為
砒山夾水澗陵夾水瀟山有穴為岫山西曰夕陽山
東曰朝陽泰山為東嶽華山為西嶽霍山為南嶽恒
山為北嶽嵩高為中嶽梁山晉望也

釋水第十二

泉一見一否為蠶井一有水一無水為濁灼濫泉正
出正日涌出也沃泉縣出縣出下出也汎泉穴出穴
出反出也涇闢流川過辨回川灘反入潭沙出沂出
不流歸異出同流肥漢大出尾下水醮曰唇水自河
出為灘濟為澆汶為灑洛為波漢為潛淮為許江為
沱過為洵潁為沙汝為瀆水決之澤為沂決復入為
汜河水清且瀾漪大波為灑小波為淪直波為徑江
有沱河有灘汝有瀆許水厓水草交為湄濟有深涉

深則厲淺則揭揭者揭衣也以衣涉水為厲繇膝以
下為揭繇膝以上為涉繇帶以上為厲潛行為泳汎
汎楊舟紼縹維之紼韡也縹縵也天子造舟諸侯維
舟大夫方舟士特舟庶人乘泝水注川曰谿注谿曰
谷注谷曰溝注溝曰澮注澮曰瀆逆流而上曰沂洄
順流而下曰沂游正絕流曰亂江河淮濟為四瀆四
瀆者發源注海者也○水泉

水中可居者曰洲小洲曰階小階曰沚小沚曰坻人

所為為滴○水中

河出崑崙虛色白所渠并千七百一川色黃百里一

小曲千里一曲一直○河曲

徒駭太史馬頰覆脯胡蘇簡絮鉤盤禹津○九河

釋草第十三

崔山韭苔山葱蘗山薺蒿山蒜薜山蘄櫟木槿櫟木
槿木山薊楊杞薊箭王萐菜王芻拜商崔繁皤蒿蒿
斂蔚牡茹彫蓬薦黍蓬葦鼠莞蘗鼠尾新莫大薺

深虎杖孟秋尾瓠樓辦茹薦茅菟果羸之實栝樓茶
苦菜崔推鷓綬染稷衆林戎叔訓之荏菽卉草菟崔
弁薈雀麥瓊烏養策菟荻繁菟葵黃菟瓜茹藪豕首
莽馬帚蕪悵羊艾牛蘄葵蘆肥洎灌苜芝筍竹萌蕩
竹莪蘿茺蒺茺經履若接余其葉符白華野管薜白
蘄菲芴葛當熒委萋蒨苜熒竹篇蓄葢寒漿薜若英
莢莖萸殺牆似似其紹徙芍鳧苾藟蕪董穉英鉤英
薺鴻薈蘇桂名蕃虞蓼蔞蔞赤苗芑白苗秬黑黍

秬一稔二米 稻菑蕒苳臺夫須蓐薊苗貝母菘虵
蚺艾冰臺葷芋歷符鬼目辟廐草菽姦縷離南活菟
龍天籟須葑從芴隱葱苗蔓于茵蘆柱夫搖車出隧
遽蔬蘄莖蘼蕪茨蒺藜蘭葶竊衣髦顛棘萑芄蘭蔣
沈藩滄葛園鹿藿其實菴瀉侯莎其實媻莞符離其
上蒿荷芙渠其莖茄其葉蕝其本菴其華玉苗其實
蓮其根藕其中的的中薏紅薤可其大者歸差薺實
泉實泉麻須飡蕪菲蔥菜貢赤莧蔣藟 豐冬蒿符

灤貫衆蒼牛藻遂蕩馬尾萍萍其大者 須菴菟葵
芹楚葵瀆牛藪蕒牛脣萃蘋蕭泃興翹澤烏飡傳橫
目釐蔓華菱蕨攔大菊遽麥薜牡贊前山每齧苦堇
薄石衣鞠治牆唐蒙女蘿女蘿菟絲苗脩莖缺蓋菱
堇草藏百足肩戎葵蘩狗毒垂比葉復盜庚芋麻母
仰九葉藐苳草倚商活脫職黃蔭稿車芡輿權黃華
蒺春草慈葵繁露珠莖緒涂委葉皇守田鈎睽姑望
蔡車困被祿 以烏階杜土鹵盱虺牀蔎菽赤杞薊菟

奚顯凍中道蒿小者茵蔯小葉苔陵苔黃華藻白華
芟蘼從水生微垂水薜山麻莽數節桃枝四寸有節
粼堅中簡茶中仲無多憲箭萌篠箭杞霍首素華軌
駸坐夫王纂月爾歲馬藍姚莖涂薺芊地黄蒙王女
拔籠葛遜壯茅卷耳苓耳蕨驚蕎印鉅繁由胡惹杜
柴根童梁蘆庶的藪購商萋列勃列萋繞疎菟策刺
蕭萩蔞海藻長楚鈿芑蓋大苦苾苾馬烏馬烏車前
緡似綸組似組東海有之帛似帛布似布舜山有之

予東蠶繅馬羊齒活蘼示寧在胸繫之醜秋為蒿美
藟其實苓藻苓茶荻蘆芳葦醜芳葭華兼蘆葭蘆莢
亂其萌蘆蒲荳華榮卷施草拔心不死芑芟荻根
攬索含華苓也華苓榮也木謂之華草謂之榮不榮
而實者謂之秀榮而不實者謂之英

釋木第十四

稻山榎栲山樗柏檉髡桐楸梅柎柎楛柎柎柎柎
楸木瓜棕即柎柎柎柎柎柎柎柎柎柎柎柎柎柎柎柎

味莖著蘊莖杜甘棠狄臧棹貢綦杙繫梅杙者聊魄
榎榼棖木桂衿無疵楮積檉河柳旄澤柳楊蒲柳權
黃英輔小木杜赤棠亡者棠諸慮山纍攝虎纍杞枸
櫪杭魚毒櫪大椒楸鼠梓楓攝攝寓木宛童無姑其
實夷櫪其實椽椽蘿楔荆桃旄冬桃櫪桃山桃休無
實李痊接慮李駁赤李棗壺棗邊要棗櫪曰棗櫪酸
棗楊徹齊棗遵羊棗洗大棗煮填棗蹶洩苦棗暫無
棗還味棗棗櫪梧櫪杞者謂櫪采薪采新即新棗

木其劉劉杙櫪槐大葉而黑守宮槐葉畫聶宵炕槐
小葉曰楨大而散楸小而散楨椅杙楨赤楨白者楨
終牛棘灌木叢木癭木符婁葦藹杞道木魁癭棧白
椛梨山槁桑辨有甚椛女桑楨桑榆白枋唐棣移常
棣棣檟苦茶楸櫪心榮桐木棧木干木櫪桑山桑木
自斃神立死櫪斃者翳木相磨楸櫪散梢梢榷椼松
葉柏身檜柏葉松身句如羽喬下句曰杙上句曰喬
如木楸曰喬如竹箭曰芑如松柏曰茂如槐曰茂祝

鷓鴣者雉鷓鴣者鷓鴣雉鷓鴣者鷓鴣雉鷓鴣者鷓鴣
雉鷓鴣者鷓鴣雉鷓鴣者鷓鴣雉鷓鴣者鷓鴣雉鷓鴣者鷓鴣
成章曰鷓鴣江淮而南青質其羽皆備成章曰鷓鴣南方
曰鷓鴣東方曰鷓鴣北方曰鷓鴣西方曰鷓鴣鳥鼠同穴其鳥
為鷓鴣其鼠為鷓鴣鷓鴣如鷓鴣短尾射之銜矢射人
鷓鴣鷓鴣其飛曰鷓鴣鷓鴣其飛也翔鷓鴣其醜其飛也
鷓鴣鷓鴣其足蹠其踵企鳥鷓鴣醜其掌縮穴鳥鷓鴣其
長喙鷓鴣子鷓鴣鷓鴣子鷓鴣之鷓鴣
鳥之雌雄不可

別者以翼右掩左雄左

美長醜為鷓鴣

二足而羽謂之禽四足而毛謂之獸鷓鴣伯勞也倉庚
鷓鴣黃也

釋獸第十八

麋牡麋牝麋其子麋其跡躔絕有力狄鹿牡麋牝麋
其子麋其跡速絕有力麋其子麋其子麋其子麋其跡
解絕有力斫狼牡獾牝狼其子獾絕有力迅兔子麋
其跡迅絕有力斫豕子豬子獾子幼奏者獾子生三

縱一師一待所寢槽四猶皆白
力跡刻絕有力貌
牝烈虎竊毛謂之競貓獬白豹尪白虎騰黑虎蝮無
前足颺鼠身長須而賊秦人謂之小驢能虎醜其子
狗絕有力慶狸子肆狎子狙獐子縷貌白狐其子穀
麝父麝足豺狗足羆猥似狸羆如熊黃白文麝大羊
麝大鹿牛尾一角麝自大麝旄毛狗足麝如小能竊毛
而黃猊猊類羆虎爪食人迅走狡麝如競貓食虎豹
驕如馬一角不角者騏驎心羊慶麝身牛尾一角猶

如麕善登木肆脩毫羆似豕兕似并犀似豕蒙毛刺
拂拂如人被髮迅走食人狸狐獐獬醜其足踏其跡
瓜蒙頌猱狀猱蟻善拔獲父善顧威夷長脊而泥磨
廢短脰贗有力虞迅頭雌印鼻而長尾時善察領猩
猩小而好啼闕洩多狙○寓屬

鼯鼠鼯鼠鼯鼠鼯鼠鼯鼠鼯鼠鼯鼠鼯鼠鼯鼠
鼯鼠豹文鼯鼠鼯鼠○鼠屬
牛曰齒羊曰羴麋鹿曰齒鳥曰喙寓鼠曰喙○齒屬

皆通，鬣黑，唇特黑，皆抽黑耳，犛黑，龍牧黑，脚其子
犢體長，狝絕，有力，欣掇。○牛屬

羊，牡，靛，牝，牂，夏，羊，牡，輸，牝，殺，角，不，齊，脆，角，三，脊，獫，狁
羊，黃，腹，未，成，羊，羴，絕，有力，奮。○羊屬

犬，生，三，狡，二，師，一，獫，未，成，毫，狗，長，喙，獫，短，喙，獨，獫，絕
有力，桃，尾，狗，也。○狗屬

雞，大，者，蜀，蜀，子，雉，未，成，雞，健，絕，有力，奮。○雞屬
馬，八，尺，為，馱，牛，七，尺，為，犍，羊，六，尺，為，羴，彘，五，尺，為，羴

狗，四，尺，為，羴，雞，三，尺，為，羴

白紙坊西冷官宅度隴歸來擁講席晨書暝寫日有程
二十年功始畢鴻都石本尚聚訟伊雉心源惟一編經
孰友擘經師欲首自任鈔胥役徵書并起翊中興銓閣
蕭然一蓬掖盟心但飲長江水壓裝並少懋蔚林石平生
嗜百無有晚歲猶復勤書冊石泉集外詩文藁雜纂韻
書及經說當時德素亦見珍柳骨顏筋具風力憶自弱
齡弄翰初奉杖將輿日侍側甲科忝擬與清選拜觀重闈
喜動色玉堂心紀夢猶溫故事詳徵勛臨別首言國恩未

洲報次言先緒望繼述無物遺汝况羸余喜汝名場早奮
翮雖州遺語人重官匪重詞華重經術豈知傳硯竟虛
期逢山風引望難即一官留滯歷崎嶇歸渴如柑空醜泣
詞頭紙屐事塗抹卻尋舊學茫若夫白頭更覲滄桑變
烽火年、望鄉國禮堂定本丰飄零似餘僅此猶完璧邇未邪
說正橫流洪水禍逾秦火烈斯文竟喪非天意不見東瀛羅古逸文
身章甫疑無用經訓當奮必有獲藏度仍用圖書禮拜陳敢忘庚
子日丁甯更語雖誦孫勉服先疇思舊德
公卯正月孫曾所敬題
時年七十有三

休官三十年再起建旄節躡紫豈不期肝膽拚一決三復六同書字

含淚血

中丞以從軍時
家考載在宗譜

本原繫經訓用意非剽竊秘鈔出蟲僻見者猶橋

舌清時講席崇課士此圭具有恆世也鷄妙楷况精絕道行足濟屯道

爽甘守挾大儒出處間落見風烈世變甚秦燔群言方待扶寶此詔

遠昆傷哉躬不閱

仁和
初王文

公所薦風節初不著驟同廢科目抗

議遂引去科目詎云重名教遂淪數語足抹國世論病其因橫流孰

障之未可譏氣數窮居但誦芬一靜絕眾慕聖者言之凡所得匪章

向黿峰迹如削太息六塵污完帙得非天可喜亦可懼裝池秉庭訓

此業忝專付持證獨往心未悔儒冠誤

丁卯春曾孫則澐敬題

